

2025

ABRIL - JUNYO

Vol. 101, No.2

Dagiti Pangsabado a Leksion

Nataengan a Benneg



**MAIKADUWA
A PASET**

Dagiti Leksion Manipud iti Evangelio Segun ken Juan

Ti Naimbag a Pastor sidudungngoNa nga iturong ken
salacniban ti arban nga aywanNa

1. Jesus, ti Tinapay ti Biag	5
2. Ti Krisis idia y Galilea	10
3. Jesus iti Fiesta dagiti Tabernaculo	15
4. Awan ti Nagsao Cas iti Daytoy a Tao	20
5. "Uray Siac Saanca a Dusaen"	26
6. Jesus, ti Silaw ti Lubong	31
7. Ti Silaw Saan nga Inawat - wenno Inyanninaw?	36
8. Jesus ken Abraham	41
9. Jesus ken ti Bulag a Lalaki	46
10. Panangsango iti Naespirituan a Kinabulsec	52
11. Jesus, ti Naimbag a Pastor	57
12. Jesus ken Lazarus	62
13. Ti Panagungar ken ti Biag	67

Dagiti Pangsabado a Leksion Manipud iti Biblia: inaldaw a programa ti panagadal, naibasar laeng iti Biblia ken Espiritu ti Padto nga awanan iti nainayon a komento. Dagiti naadaw a sasao ket ababada a mangipaay iti natarus a kapanunotan. Naipaay dagiti braket [] cadagiti sumagmamano a kaso tapno maipasigurado ti kinalawag, umiso a kaipapanan ken nalinis ken nalaka a mabasa. Mairekomenda ti ad-adda pay a panangadal cadagiti nairekomenda a pablaac.

Illustrations: Sermonview on the front cover; Map Resources on pp. 4, 46, 72.

Copyright © 2025 by the Seventh Day Adventist Reform Movement General Conference, Sabbath School Department, 5240 Hollins Road, Roanoke, Virginia 24019, USA.

Telephone: 1-540-362-1800 • Web: www.sdarm.org • E-mail: info@sdarm.org

Sabbath Bible Lessons (USPS 005-118), Vol. 101, No.

1, January–March 2025. Published quarterly by the Seventh Day Adventist Reform Movement General Conference, Sabbath School Department. Printed, and distributed by Reformation Herald Publishing Association, 5240 Hollins Road, Roanoke, Virginia 24019–5048, U.S.A. Periodical postage paid at Roanoke, Virginia 24022–9993.

• U.S.A. and Canada

Contact: Telephone 1-540-366-9400 • Website: www.reformationherald.com • E-mail: info@reformationherald.org

Annual subscriptions in U.S.A.: U.S. \$20.00. Large print \$30.00. International \$18.00 plus shipping. Large print international \$28.00 plus shipping. Single copies \$6.00. Large print \$9.00. Please send subscription requests and payments (in U.S. currency only) to the address below. Prices subject to change without notice.

POSTMASTER, please send address changes to: Sabbath Bible Lessons, P. O. Box 7240, Roanoke, VA 24019–0240.

• Australia

Contact: Telephone 61-2-9627-7553 • Fax 61-2-9627-7554 • Website: www.sdarm.org.au • E-mail: info@sdarm.org.au

Annual subscriptions in Australia: AU \$34.00 (individual copies \$8.50). Other countries, AU \$34.00 plus shipping. Please send subscription requests and payments (in Australian currency) to the address below.

POSTMASTER, please send address changes to: Sabbath Bible Lessons, P. O. Box 132, Riverstone NSW 2765, Australia.

• South Africa

Contact: Telephone & Fax 27-011-336-7064 • Website: www.sdarm.sa.org.za • E-mail: admin@sdarm.sa.org.za

Annual subscriptions in South Africa: R120-00 (single copies R35-00). Please send subscription requests and payments to the address below.

POSTMASTER, please send address changes to: Sabbath Bible Lessons, P. O. Box 7950, Johannesburg 2000, South Africa.

Pauna a Sarita

Ti pannakaisurat ti evangelio segun ken Juan ket napetsaan a naladladaw ngem cadagiti tallo nga evangelio (a maawagan iti Sinoptiko nga Evangelio), ngem iti uneg pay laeng ti umuna a siglo. Idi maika-19 a siglo, inkagumaan dagiti kritiko ti Biblia nga ilibac a naisurat dayta sacbay ti a.d. 150, iti casta pinadasda a supiaten ti kinapudno a ni apostol Juan ti nagsurat. Indarum met dagiti kritiko nga iyanninawna ti Gnostico a pilosopia ket ngarud saan coma a naisurat sacbay a nagbalin a nakaro a pangta ti Gnosticismo iti pamma-ti. (Ti Gnostisismo ket maysa a pilosopikal ken narelihionan a sistema babaen ti maysa a nagkauna a sekta a nangibagbaga a ti pannakaammo imbes a ti pammati ti tulbec ti panna-kaisalacan.) Nabayagen a nasuppiat ti casta a naballikug a darum.

Maisupadi ketdi, panecnecan ti makinruar nga ebidensia ti kaadda ti maikapad nga evangelio ken ti nangato a panagraem a dati a natengngel idi pay a.d. 115. Ti maysa a cas-ta nga ebidensia ket dimteng babaen ti pannakatacuat iti bassit a pedaso ti papiro, nga ad-daan iti sumagmamano a versiculo ni Juan (capitulo 18, versiculo 31–33, 37, 38), a pa-gaammo cas ti Rylands Papyrus ken gagangay a naituding a cas P52, a napetsaan iti pale-ograpico c. a.d. 125. Daytoy a pirsay, a nasaracan idia y Egipto idi rugi ti maika-2 a siglo, ket maibilang a makita nga ebidensia iti nasapa ken nasacnap a pannakaiwaras ti maikapad nga evangelio. Pasingkedan ti nalatac nga eskolar iti Baro a Tulag a ni Adolph Deissmann:

“Ti nakaad-adu a hipotesis maipapan iti naladaw a nagtaudan ti Evangelio segun ken Juan ket alisto a malaylay a cas cadagiti mula iti napudot a balay. Addaantayo iti papiro ti Rylands iti maysa a partikular a documentario a pammanecnec a ti Evangelio segun ken Juan ket saan laeng nga adda idi umuna a kagudua ti maika-2 a siglo, no di ket dagiti kopi-ana ket nakadanonen idia y Egipto. Ti nagtaudan ti Evangelio ket maisubli ngarud iti adayo a nasapsapa a panawen.”—*Deutsche Allgemeine Zeitung*, Dec. 3, 1935.

Saan laeng a nagservi ti insurat ni Juan iti espesipiko a panggep cadagiti nagkauna a Cristiano; nangiyeg dayta iti naespirituan a panangiwanwan, tulong, ken pammaregta cadagiti pasurot ni Cristo, iti sidong dagiti nadumaduma unay a kasa-saad, iti panaglabas dagiti panawen.

Ti Apo “addaan iti lawag a baro cadatayo, ngem ketdi napateg a daan a lawag nga ag-silnag manipud iti Sao ti kinapudno. Addaantayo laeng cadagiti silnag dagiti sinamar ti lawag nga umayto pay cadatayo. Saantayo nga us-usaren a naimbag ti lawag nga inted ti Apo cadatayo, iti casta mapaaytayo nga umawat iti ad-adu pay a lawag; saantayo a magna iti lawag a sigud a naibucboc cadatayo.


Awaganmi ti bagbagimi a tattao a managtungpal iti bilin, ngem saanmi a maawatan ti nakaro a kalawa dagiti adayo ti saklawenna a prinsipio ti linteg ti Dios; saantayo a maawatan ti sagrado a kababalinna. Adu dagiti agcuncuna a manursuroda iti kinapudno, awanan iti pudno a kapanunotan no ania ti ar-aramienda iti panangisuroda iti linteg ti Dios, gapu ta awananda iti sibibiag a pannakaammo ken ni Apo Jesu-Cristo.”—*Selected Messages*, bk. 1, pp. 401, 402.

Sapay coma ta ti agtultuloy a panagadal iti daytoy nga Evang elio tulongan-natayo nga ad-adda a mangam-ammo ken Jesus!

Departamento ti Eskuwela Sabatina iti Conferencia General

Umuna a Pangsabado a Daton

SABADO, ABRIL 5, 2025



Para iti pannakaibangon manen ti simbaan idia Prokhorovka, Russia

Ti Rusia, babaen ti kalawana, isu ti kadackelan a pagilian iti lubong, a nangsacup iti 6,612,073.2 a milia kuadrado (17,125,191 km²) nga addaan iti populasion iti 147,000,000. Agnanaed dagiti tattao manipud iti nasuroc a 180 a nasionalidad iti daytoy nalawa a teritoria, ket iti biangda, ibagbagada a nagduduma ti narelihionan a pammatida. Ti kalatakan ket ti Russian Orthodox (41.1%), sarunoen dagiti dadduma a Cistiano a pammati (6.3%), Islam (6.5%), Neopagan ken Tengrist (1.2%), Buddismo (1.2%), awanan iti patpatien (25.2%). Ateista (13%), ti nabati ket saan nga agkunkuna iti aniaman a relihion.

Manipud idi rugi ti SDARM, ti mensahe ti agnanayon nga evangelio ket rimmang-ay ditoy iti lacsid dagiti narigat unay a kasasaad. Adu a namati ti nagsagaba iti nakaro a pannakaidadan—ti dadduma nangsaksi para iti nailansa ken napagungar a Mangisalacan a nakapucawanda ti biagda.

Idi arinunos ti 1990's, maysa a Bible Worker a caduana ti asawana ti immakar iti makintengnga a rehion ti Russia gapu iti panggepna a mangisayangkat iti trabaho a misionero. Cas resulta ti reggetda ken cararagda, naorganisar ti maysa a grupo dagiti mamati. Ngem awananda iti lugar a pagtigimongan ken pagdaydayawan. Kamaudiananna, idi 2006 nakasaracda iti bassit a balay iti maysa a sigkay ti daga idia Prokhorovka, maysa nga urban administratibo a sentro ti Prokhorovsky District ti Belgorod Oblast —maysa a lugar ti agrikultura a mangpatpataud cadagiti bukbukel, sugar beets, mirasol, ken prutas iti igid ti Karayan Psol iti abagatan a daya ti ciudad ti Kursk, a pagtaengan dagiti nalawa a deposito ti landok.

Nalawag a nakitatayo ti ima ti Dios nga agtrabtrabaho idi simimilagroNa nga inickat iti adu a lapped ken binendisionanNa ti pannakagatang daytoy a balay. Nagtultuloy a dimmackel ti trabaho iti daytoy a rehion, ket di nagbayag, nagbalin a bassit unay ti balay tapno makatugaw ti amin nga agdaydayaw iti Dios. Sumagmamano a tawenen ti napalabas, nakaawatkami iti pammalubos manipud cadagiti autoridad a mangbangon iti baro a balay a pagdaydayawan. Nangted dagiti cacabsat iti donasion ken nagtrababoda a sipipinget, ngem tapno malpas daytoy a proyekto kasapulantayo ti naparabur a tulong dagiti tattao iti intero a lubong nga agayat iti Apo. Ti pannakaileppas daytoy a proyekto ket mangted iti gundaway a mangpaduras pay iti trabaho ti Evangelio cadagiti kabangibang a rehion, cas parola ti lawag iti pannakaisacnap iti maudi a mensahe ti pannakaisalacan. Sapay coma ta bendicionan ti Apo ti tunggal maysa a sisasagana ti pusona a tumulong iti balligi ti agdama a kinapudno iti daytoy a rehion ti lubong!

Dagiti cacabsatyo manipud iti simbaan ti Prokhorovka ken ti Russian Union

Jesus, ti Tinapay ti Biag

IMEMORIA A VERSICULO: “Ni Jesus kinunana cadacuada; Siac ti tinapay ti biag: ti umay caniac, saanto nga agbisin; ket ti mamati caniac, uray caano saanto a mawaw.” (Juan 6:35).

“Kanentayo ti lasag ni Cristo. . . . no babaen iti pammati pumetpettayo Kencuana cas Mangisalacantayo”—*The SDA Bible Commentary*, vol. 5, p. 1135.

Maisingasing a Basbasaen: *Thoughts From the Mount of Blessing*, pp. 18–21.

1.AMBISIOSO A REGTA

03/30(Domingo)

a. Kalpasan ti milagro dagiti tinapay, ania a kombiksion ti nangtagicua iti adu a tattao? Juan 6:14. Ania ti nagagar nga aramidenda? Juan 6:15 (umuna a paset).

“Iti intero nga aldaw pimmigsa ti kombiksion. Dayta a mangkorona nga aramid ket pammatalged a ti nabayagen a sapsapulen a Manangisalacan addan cadacuada . Ti namnama dagiti umili ad-adda a ngumatngato. Daytoy ti mamagbalin iti Judea a naindagaan a paraiso, daga nga agay-ayus iti gatas ken diro. KabaelanNa a penneken ti tunggal tarigagay. Mabalina a dadaelen ti pannacabalin dagiti Romano a kagurgurada. Mabalina nga ispalen ti Juda ken Jerusalem. Mabalina nga agasan dagiti soldado a nasugatan iti gubat. Mabalina nga ipaayan ti taraon dagiti sibubukel a buyot. Mabalina a parmeken dagiti nasyon, ken ited iti Israel ti nabayagen a sapsapulen a turay.

“Iti kinagagarda, nakasagana dagiti tattao a mangkorona Kencuana nga ari. Makitada nga awan ti panagreggetNa a mangallucoy iti imatang wenno gun-oden iti dayaw iti Bagina. Iti daytoy Isu a kangrunaanna a naiduma cadagiti papadi ken agtuturay, ket mabutengda a saanNa pulos idagadag ti mangtonton iti trono ni David. Nagtitinongda a sangsangkamaysa, umanamongda nga alaenda Isuna babaen ti puersa, ket iwaragawag Isuna nga ari ti Israel. Dagiti adalan nakikaysa iti bunggoy iti panangapacdaarda iti trono ni David cas nainkalintegan a tawid ti Apoda. Ti kinaemma ni Cristo, kunada, ti makagapu Kencuana a mangkedked iti casta a dayaw. Itan-oc coma dagiti tattao ti Manangisalacanda. Mapilitan coma dagiti natangsit a papadi ken agtuturay a mangdayaw Kencuana nga umay a nacawesan iti turay ti Dios.”—*The Desire of Ages*, pp. 377, 378.

a. Ania ti inaramid ni Jesus tapno malapdan ti bunggoy ken dagiti adalan a mangipatungpal cadagiti planoda a mangisaad Kencuana iti naindagaan a trono? Juan 6:15.

Sigagagar nga inurnos [dagiti adalan ken ti bunggoy] ti pannakaisayangcat iti panggepda; ngem makita ni Jesus no ania ti magmagna, ket maawatanNa, cas iti dida pannakaawat, no ania ti resulta ti casta a tignay. Uray ita, an-anupen dagiti papadi ken agtuturay ti biagNa. Pabasolenda Isuna a mangiyadayo cadagiti tattao cadacuada. Kinaranggas ken panagalsa ti sumaruno iti panangikagumaanda a mangisaad Kencuana iti trono, ket malapdanto ti trabaho ti naespirituan a pagarian. Awan tactac a kasapulan a mapasardeng ti tignay. InayabanNa dagiti adalanNa, Imbilin ni Jesus cadacuada nga alaenda ti bangka ket agsublida a dagus idiay Capernaum, a panawanda Isuna a mangpapanaw cadagiti tattao.

“Pulos nga awan idi ti bilin manipud ken Cristo ti casla imposible unay a matungpal. Nabayagen a ninamnama dagiti adalan ti maysa a nalatac a tignay a mangisaad ken Jesus iti trono; dida maibturan ti kapanunotan nga amin daytoy a kinagagar ket agbanag nga awan maayna. Madanagan dagiti bunggoy nga agtataripnong a mangrambac iti Pascua a makakita iti baro a mammadto. Cadagiti pasurotNa casla daytoy ti nabalitocan a gundaway a mangipasdec iti dungdungngenda nga Apo iti trono ti Israel. Iti silnag daytoy baro nga ambision narigat para cadacuada ti pumanaw a bucbuc odda, ken baybay-anda ni Jesus nga agmaymaysa iti dayta a langalang nga aplaya. Nagprotestada maibusor iti urnos; ngem nagsao itan ni Jesus a buyogen ti turay a dina pay pulos impaay cadacuada. Ammoda nga awan serbina ti ibubusorda, ket siuulimecda a nagtutrong iti baybay.”—*The Desire of Ages*, p. 378

b. Iti aldaw calpasan ti milagro, ania ti inaramid dagiti adu a tattao? Juan 6:22–25.

“Naipadamag ti milagro dagiti tinapay iti adayo ken asideg, ket iti nasapa unay iti sumaruno a bigat, nagdudupudop dagiti tattao idiay Betsaida tapno kitaenda ni Jesus. Adu ti immay, babaen ti daga ken baybay. Dagidiay nangpanaw Kencuana iti napalabas a rabii nagsublida, a mangnamnama a masarakanda nga adda pay sadiay; ta awan idi ti bangka tapno mabalinNa ti bumallasiw. Ngem awan bunga ti panagbirocca, ket adu ti nagtutrong idiay Capernaum, a mangsapsapul pay laeng Kencuana.

“Kabayatanna simmangpet Isuna idiay Genesaret, calpasan ti kaawan iti maysa laeng nga aldaw. Apaman a naammuan nga Isu ket nakasanglad, dagiti tattao 'idi nga napagpagnada iti amin daydiay a daga rinugianda nga innala a silalangcapi dagiti masacsakit ket ipanda ida iti amin a disso, a pacangngeganda nga ayanna.' Marcos 6:55.”—*Ibid.*, pp. 383, 384

a. Ania a prangka ngem sipapanunot a mensahe ti inted ni Jesus cadagiti adu a tattao? Juan 6:26, 27.

“Saan a pinennec ni Jesus ti kinausiusoda. SililidayNa a kinuna, ‘Sapulendac, saan a gapu ta nakitayo dagiti milagro, no di ket gapu ta nangancayo cadagiti tinapay, ket nabsogcayo.’ Saanda a sinapul Isuna gapu iti aniaman a maikari a motibo; ngem bayat a mataraonanda cadagiti tinapay, ninamnamada pay laeng nga umawatda iti temporario a pagimbagan babaen ti idedecketda Kencuana. Binilin ida ti Mangisalacan, ‘Saancayo nga agtrabaho gapu iti taraon a madadael, no di ket gapu iti taraon nga agtalinaed agingga iti biag nga agnanayon.’ Saanyo a sapulen laeng ti material a pagimbagan. Saanyo coma nga ikagumaan a nangnangruna ti maipaay iti para iti biag nga adda ita, no di ket sapulen ti naespirituan a taraon, uray daydi sirib nga agtalinaed agingga iti biag nga agnanayon.”—*The Desire of Ages*, p. 384.

b. Ania a saludsod ti dinamag dagiti Judio ken Jesus maipapan cadagiti trabaho ti Dios? Juan 6:28. Ilawlawag ti sungbat nga inted ti Apo. Juan 6:29.

“Iti dayta a canito nariing ti interes dagiti agdengdengneg. Impuckawda, ‘Ania ti aramidentayo, tapno maaramidtayo dagiti trabaho ti Dios?’ Adu ken makapadagsen nga aramid ti ar-aramidenda tapno mairekomendada dagiti bagbagida iti Dios; ket nakasaganada a dumngeg iti aniaman a baro a obserbasyon a babaen iti dayta ket masiguradoda ti daddackel a merito. Ti kayat a saoen ti saludsodda, Ania ti aramidentayo tapno maikaritayo iti langit? Ania ti gatad a masapul a bayadantayo tapno magun-odtayo ti biag nga umay?

“‘Simmungbat ni Jesus ket kinunana cadacuada, Daytoy ti aramid ti Dios, a mamicayo Kencuana nga imbaonNa.’ Ti gatad ti langit ket ni Jesus. Ti dalan nga agturong idia langit ket babaen iti pammati iti ‘Cordero ti Dios, a mangiccat iti basol ti lubong.’ John 1:29.”—*Ibid.*, p. 385.

“Ti panagbabawi ket panagbaw-ing manipud iti bagi nga agturong ken Cristo; ket inton awatentayo ni Cristo babaen iti pammati mabalinNa a pagbiagan iti biagNa cadatayo, maiparangarangto dagiti naimbag nga aramid.”—*Thoughts From the Mount of Blessing*, p. 87.

“Tulongan coma ti Apo dagiti tattaoNa a mangamiris nga adda napasnec a trabaho a maaramid. . . . Iti pagtaengan, iti iglesia, ken iti lubong masapul nga aramidenda dagiti trabaho ni Cristo. Saanda a mabaybay-an nga agtrabaho nga agmaymaysa. Dagiti angel ti katulonganda. Ket ni Cristo ti katulonganda.”—*Testimonies for the Church*, vol. 8, p. 18.

a. Ania a tanda ti kayat dagiti Judio ken ania a kinapudno iti pakasaritaan ti dinakamatda? Juan 6:30, 31. Kasano a sinao ni Jesus ti tinapay manipud langit? Juan 6:32, 33.

“Pinadayawan dagiti Judio ni Moises cas nangipaay iti manna, nga impaayda ti pammadayaw iti instrumento, ken napukawda ti imatangda Kencuana a nangibanag ti trabaho. Dagiti ammada nagtanabutobda iti maibusor ken Moises, ket nagduaduaan ken inlibacda ti nadosan a misionna. Ita iti isu met la nga espiritu nga inlacsid dagiti annac ti Maysa a nangawit iti mensahe ti Dios a maiturong cadacuada. Ni Jesus ngarud kinunana cadacuada: Pudno, pudno, cunac cadacayo; Saan a ni Moises ti nangted cadacayo ti tinapay a nailangitan;’ Ti nangted iti mana ket agtactacder iti tenggada. Ni Cristo a Mismo ti nangidaulo cadagiti Hebreo iti let-ang, ken inaldaw a nangpakan cadacuada iti tinapay manipud langit. Dayta a taraon ket maysa a kita ti pudno a tinapay manipud langit. Ti mangted-biag nga Espiritu, nga agayus manipud iti awan patinggana a kinaan-anay ti Dios, isu ti pudno a mana.”—*The Desire of Ages*, pp. 385, 386

b. Gapu ta naipamaysa laeng ti panunotda iti natural, pisikal a tinapay, ania ti kiniddawda—ken ania ti inlawlawag ti Apo? Juan 6:34–36.

“Ti pigura nga inusar ni Cristo ket familiar cadagiti Judio. Ni Moises, babaen ti paltiing ti Espiritu Santo, kinunana, ‘Saan laeng a ti tinapay ti pagbiagto ti tao, no di ket ti isu-amin a sao a rummuar iti ngiwat ti Dios.’ Ket insurat ni mammadto Jeremias, ‘Dagiti saom nasaracanda, ket kinnanco ida; ket dagiti saom nagbalinda caniac a ragsac ken rag-o ti pusoc’ Deuteronomio 8:3; Jeremias 15:16. Adda pagsasao a mismo dagiti manursuro, a ti pannangan iti tinapay, iti naespirituan a kaipapanan dayta, isu ti panagadal iti linteg ken panangaramid cadagiti naimbag nga aramid; ket masansan a naikuna nga inton iyaay ti Mesias mapakanto ti amin nga Israel. Ti pannursuro dagiti propeta ti nangilawlawag iti nauneg a naespirituan a leksion iti milagro dagiti tinapay. Daytoy nga adal ket sapsapulen ni Cristo nga ilucat cadagiti agdengdengngeg Kencuana iti sinagoga. No naawatanda coma dagiti Sursurat, naawatanda coma dagiti sasaoNa idi kinunaNa, ‘Siac ti tinapay ti biag.’ Iti laeng aldaw sachayna, ti dackel a bunggoy, idi nabannog ken nagkapsot, ket nataraonanda babaen ti tinapay nga intedNa. Cas iti dayta a tinapay nakaawatda iti pisikal a pigsa ken pannakabang-ar, casta met manipud ken Cristo mabalin nga umawatda iti naespirituan a pigsa nga agturong iti biag nga agnanayon.”—*Ibid.*, p. 386.

5. PANAGUNGAR KEN BIAG NGA AGNANAYON 04/03 (Hueves)

a. Ania dagiti dua a nasinged nga agkakanaig a kari a naited cadagidiay mangikadua iti bagbagida ken Cristo —ket kasano a mangyeg daytoy iti namnama iti tunggal managbasol? Juan 6:37–40.

“Amin nga umawat Kencuana a sipapammati, kuna ni Jesus, maaddaan iti biag nga agnanayon. Awan ti maysa a mapucaw.”—*The Desire of Ages*, p. 387.

“Saanca a dumngeg iti singasing ti cabusor nga umadayo ken Cristo agingga a mapasayaatmo ta bagim; agingga a nasayaatcan a sumaclang iti Dios. No agurayca iti dayta, dika pulos makaapan. No itudo ni Satanas dagiti narugit a cawesmo, ulitem ti kari ni Jesus, ‘Daydiay umay Caniac diacto pagtalawen.’ Juan 6:37. Ibagam iti cabusor a ti dara ni Jesu-Cristo dalusanNa ti amin a basol. Pagbalinem a cucuam ti cararag ni David, ‘Dalusannac babaen iti hisopo, ket dumalusacto, buggoannac, ket napudpudawacto ngem nieve.’ Salmo 51:7.

“Tumakderca ket mapanca ken Amam. Sabatennaca uray adayoca pay. No aramidem uray maysa laeng nga addang nga agturong Kencuana iti panagbabawi, agdardaras Isuna a mangaracup kenca cadagiti taciagNa ti awan patinggana nga ayat. Silulucat ti lapayagNa iti ikkis ti agbabawi a cararua. Ti umuna unay a panangidanon iti puso iti Dios ket ammoNan. Ni caanomman awan ti cararag a naidaton, nupay agpigerger, awan nagarubos a lua, uray kasano kinalimed, awan ti sincero panagtarigagay iti Dios ti naipateg, nupay nakapuy, ngem ti Espiritu ti Dios rumuar tapno sabtenna dayta. Uray sachay pay a maisao ti cararag wenno maipakaammo ti panagtarigagay ti puso, rummuar ti parabur manipud ken Cristo tapno sabtenna ti parabur nga agrabtrabaho iti cararua ti tao.”—*Christ’s Object Lessons*, pp. 205, 206.

b. Ania ti intanabutob dagiti saan a mamati a Judio ken ania a kari ti inulit ni Jesus cadagidiay mamati Kencuana? Juan 6:41–51.

PERSONAL A PANGREPASO A SALSALUDSOD 04/04 (Viernes)

1. Calpasan ti milagro ti tinapay, ania ti plano nga aramiden dagiti pasurot ni Cristo?

2. Iladawan ti kangrunaan nga interes dagiti adu a tattao a sumursurot ken Jesus.

3. Ilawlawag dagiti sao ni Jesus iti Juan 6:29.

4. Ania nga ilustrasion ti inusar ni Cristo tapno mailadawan ti pagtaudan ti naespirituan a biag?

5. Kasano nga impanayag dagiti panguloen dagiti Judio ti madi a panagipatoda busor ken Cristo?

Ti Krisis Idia y Galilea

IMEMORIA A VERSICULO: “Pudno, pudno; cunac cadacayo no saancayo a mangan iti lasag ti Anac ti tao, ken uminum iti darana, awanancayo iti biag” (Juan 6:53).

“Ti laeng napateg a pammati ket dayta pammati nga umawat ken mangagsep iti kinapudno agingga nga agbalin a paset ti kinatao ken ti motibo a pannacabalin ti biag ken tignay.”—*Testimonies for the Church*, vol. 5, p. 576.

Maisingasing a Basbasaen: *Testimonies for the Church*, vol. 5, pp. 573–580.

1.TI BIAG ITI LASAG KEN DARA NI CRISTO

04/06(Domingo)

a. Ania ti epekto dagiti sasao ni Cristo cadagiti lider ti relihion? Juan 6:52. Ania ti inlaw-lawagNa maipapan iti lasagNa ken ti daraNa? Juan 6:53–55.

“Ita, sipupungtot nga impuccaw dagiti rabi, ‘Casano ti pannacabalin daytoy a tao a mangted cadatayo ti lasagna a canen?’ Naapektaranda a mangtarus cadagiti sasaoNa iti isu met la a literal a kaipapanan a cas iti inaramid ni Nicodemo idi insaludsodna, ‘Casano ti pannacabalin ti tao a mayanac idinto a lacayen?’ Juan 3:4. Iti sumagmamano a rucod naawatanda ti kaipapanan ni Jesus, ngem saanda a situtuloc a mangbigbig iti dayta. Babaen ti di umiso a panangtarusda cadagiti sasaoNa, ninamnamada nga agmadi ti panangipapan dagiti tattao maibusor Kencuana.”—*The Desire of Ages*, p. 389.

b. Ania ti talaga a kaipapanan ti pannangan iti lasag ken panaginum iti dara ti Anac ti Dios? Juan 6:56, 57; 1 Juan 3:24; 5:12.

“Ti pannangan iti lasag ken panaginum iti dara ni Cristo ket panangawat Kencuana cas personal a Mangisalacan, a mamati a pakawanenNa dagiti basoltayo, ken casta met a kompletotayo Kencuana. Babaen ti panangimutectec iti ayatNa, babaen ti panangamiris iti dayta, babaen ti panaginum iti dayta, nga agbalintayo a makiraman iti galadNa. No ania ti taraon iti bagi, masapul a casta met ni Cristo iti cararua.”—*Ibid.*, p. 389.

a. Iti ania a nayon a panangilawlawag a pinagbalin ni Jesus a nalawag unay ti kaipapanan dagiti sasaoNa? Juan 6:63.

“Saannatayo a magunggonaan ti taraon no saantayo a kanen dayta, ken agbalin a paset ti kinataotayo. Ngarud awan ti pateg ni Cristo cadatayo no ditay am-ammo Isuna cas personal a Mangisalacan. Awan ti maitulongna cadatayo ti teoretikal a pannakaammo. Masapul nga agtaraontayo Kencuana, awaten Isuna iti puso, tapno ti biagNa agbalin a biagtayo. Ti ayatNa, ti paraburNa, masapul a masagepsep.”—*The Desire of Ages*, p. 389.

“Ti biag ni Cristo a mangted biag iti lubong ket adda iti saoNa. Babaen iti saoNa a pinaimbag ni Jesus ti sakit ken pinaruarNa dagiti demonio; babaen ti saoNa pinagtalnaNa ti baybay, ken pinagungarNa ti natay; ket pinanecnecan dagiti tattao a ti saoNa ket addaan iti pannacabalin. InsaoNa ti sao ti Dios, cas iti panagsaoNa babaen cadagiti amin a propeta ken mannursuro iti Daan a Tulag. Ti sibubukel a Biblia ket maysa a pannakaiparangarang ni Cristo, ket tinarigagayan ti Mangisalacan nga ilinteg ti pammati dagiti pasurotNa iti sao. Inton maiccat ti makita a presenciaNa, ti sao ti gubuyan ti pannacabalinda. Cas iti Apoda, masapul nga agbiagda ‘babaen iti isu-amin a sao a rummuar iti ngiwat ti Dios.’ Mateo 4:4.

“Cas iti pisikal a biagtayo a masustiner babaen iti taraon, casta met a ti naespirituan a biagtayo ket masustiner babaen iti sao ti Dios. Ket tunggal cararua umawat iti biag manipud iti sao ti Dios para iti bagina. Cas masapul a mangantayo para iti bagitayo tapno makaawattayo iti taraon, casta met a masapul nga awatentayo ti sao para iti bagitayo. Saantayo a magun-od dayta babaen laeng iti panunot ti sabali. Rumbeng a siaannadtayo nga adalen ti Biblia, a dawaten iti Dios ti tulong ti Espiritu Santo, tapno maawatantayo ti saoNa. Rumbeng nga alaentayo ti maysa a versiculo, ket ipamaysatayo ti panunot a mangutob iti kapanunotan nga inkabil ti Dios iti dayta a versiculo para cadatayo. Rumbeng nga anagentayo ti kapanunotan agingga nga agbalin a cucuatayo, ket ammotayo ‘no ania ti cuna ti Apo.’”—*Ibid.*, p. 390.

b. Kasano ti panangiladawan ni propeta Jeremias iti daytoy a kapadasan? Jeremias 15:16.

“No alaentayo ti Dios iti saoNa, makitatayo ti pannakaisalacanNa. . . . Masapul nga awatentayo ti sao ti Dios. Masapul a kanentayo ti sao, pagbiagan ti sao; isu ti lasag ken dara ti Anac ti Dios. Masapul a kanentayo ti lasagNa ken inumentayo ti daraNa—awaten babaen ti pammati dagiti naespirituan a galadNa.”—*Testimonies for the Church*, vol. 6, pp. 51, 52.

a. Ania a krisis ti pinarnuay dagiti sasao ni Cristo cadagiti bukodNa nga adalan—ken kasano a ballaag daytoy para cadatayo ita? Juan 6:60, 61, 65, 66.

“Naindaclan unay ti pannuboc. Lumamlamiis ti kinagagar dagidiay nangikagumaan a mangala Kencuana babaen ti puerza ken pagbalinen Isuna nga ari. Daytoy a diskurso iti sinagoga, indeclarada, isu ti nanglucac cadagiti matada. Ita, saandan a naallilaw. Iti panunotda dagiti sasaoNa ket direkta a panangipudno a saan nga Isu ti Mesias, ken awan ti naindagaan a gunggona a matungpal babaen iti pannakaisilpo Kencuana. Inawatda ti pannacabalinNa nga agaramid iti milagro; magagaranda a mawayawayaan manipud iti sakit ken panagsagaba; ngem saanda a makipagrikna iti panangisacrificioNa iti bagiNa. Saanda a maseknan iti misterioso a naespirituan a pagarian a sinaoNa. Dagiti saan a sinsero, managimbubucod, a nangsapsapul Kencuana, saandan a tarigagayan Isuna. No saanNa nga isangrat ti pannacabalinNa ken impluensiaNa iti pananggun-od iti wayawayada manipud cadagiti Romano, awan ti pakainaiganda Kencuana.

“Babaen cadagiti sasao ti kinapudno, maisina ti taep manipud iti trigo. Gapu ta awan unay ti maayda ken nalintegda iti bagida a di makaawat iti pannubngar, managayat unay iti lubong tapno umawat iti biag a napakumbaba, adu ti timmallikud ken Jesus. Adu pay laeng ti agararamid iti isu met laeng a banag. Masuot ita dagiti cararua a cas met laeng cadagidi adalan iti sinagoga idia Capernaum. No maiyeg ti kinapudno iti pagtaengan iti puso, makitada a saan a maitunos ti biagda iti pagayatan ti Dios. Makitada a masapul iti intero a panagbalbaliw iti bagbagida; ngem saanda a situtuloc a mangala iti trabaho a mangilibac iti bagida. Ngarud makapungtotda no matakuan dagiti basolda. Pumanawda a nasakit ti nakemda, cas met ti panangpanaw dagiti adalan ken Jesus, nga agtanabutob, ‘Narigat daytoy a sao; siasino ti makangngeg?’”—*The Desire of Ages*, pp. 391–392

b. Calpasan a pinanawan dagidiay nga adalan Isuna, ania ti dinamag ni Cristo cadagiti sangapulo ket dua? Juan 6:67. Kasano nga iyallangogantayo ita ti nainsiriban a sungbat ni Pedro? Juan 6:68, 69.

Babaen iti nasayaat ken dakes a padamag, babaen iti sipngget, babaen iti amin a panagbubusor dagiti ahensia ni Satanas, sitatalna nga agsilnag ti Init ti Kinalinteg, a mangsapsapul a mangpacsia ita dakes, manglapped iti basol, ken mangpabiag manen iti espiritu dagiti napakumbaba ken agbabawi. ‘Apo, siasino ti papananmi? Adda Kenca dagiti sasao ti biag nga agnanayon.’”—*Testimonies to Ministers and Gospel Workers*, p. 285.

a. Ania ti maibagatayo a pangkaaduan maipapan cadagidiay tumallicod ken Cristo? 1 Juan 2:19. Ania a makapaupay a saad ti inaramid dagiti saan a napnec nga adalan?

“Bayat ti panangtallicod dagiti saan a napnec nga adalan ken Cristo, sabali nga espiritu ti nangtengngel cadacuada. Awan ti makitada a makaawis Kencuana a nasarakanda idi a makapainteres unay. Sinapulda dagiti cabusorNa, ta maitunosda iti espiritu ken trabahoda. Di umiso ti panangipatarusda cadagiti sasaoNa, pinalsipicadoda dagiti saritaNa, ken sinupiatda dagiti motiboNa. Tinaginayonda ti aramid babaen iti panangurnongda iti tunggal banag a mabalinda a pangbusorda Kencuana; ket casta a gura ti napataud babaen cadagitoy ulbod a padamag a ti biagNa agpeggad.”—*The Desire of Ages*, pp. 392, 393.

b. Ania ti mapasamac cadagiti linalasag ti panunotna a dumdumngeg? Roma 16:17, 18.

“Makaay-ayo coma ti panangidayaw ken pasablog. . . . ngem saan a mapasangbay ti kinapudno; saanda a mangngeg dayta. No sumurot dagiti bunggoy, ken mataraonan dagiti adu a tattao, ken mangngeg dagiti dir-i ti balligi, napigsa ti timecda a mangidaydayaw; ngem no ipanayag ti mangsuksukimat nga Espiritu ti Dios a ti basolda, ket ibilinna a panawanda dayta, tallikudanda ti kinapudno, ket saandan a makipagna ken Jesus.”—*Ibid.*, p. 392.

k. Malacsid cadagidiay nangpanaw ken Jesus, siasino pay ti nagbalin a nakikaysa cadagiti cabusorNa —ken kasano a naiparangarang daytoy saan a naimpusoan a panagtalec? Juan 6:70, 71.

“Ti panagsao ni Cristo idia sinagoga maipapan iti tinapay ti biag ti nangbalaliw iti pakasaritaan ni Judas. . . . Nakitana nga ididiaya ni Cristo ti naespirituan imbes a nailubongan nga imbag. Imbilangna ti bagina cas adayo ti panagitana, ket impagarupna a makitana a ni Jesus awanan iti dayaw, ken awan ti maitedNa a nangato a saad cadagiti pasurotNa. InkeddengNa a saannan nga ikaysa unay ti bagina ken Cristo no di ket mabalinna ti umadayo. Makapagbantay isuna. Ket nagbantay a talaga.

“Manipud iti dayta a tiempo inyecasna dagiti panagduadua a nangriro cadagiti adalan. Inserrecna dagiti kontrobersia ken makaallilaw a sentimiento, ulit-ulitenna dagiti argumento nga indagadag dagiti escriba ken Fariseo maibusor cadagiti ibagbaga ni Cristo. Amin dagiti babassit ken dadackel a ririboc ken cruz, dagiti rigat ken nalawag a lapped iti panagrangay ti evangelio, impatarus ni Judas cas pammanecnec a maibusor iti kinapudnona.”—*Ibid.*, p. 719.

a. Iladawan ti galad nga inadaptar ni Judas. Juan 12:4–6; Proverbio 3:32

“Iyammo [ni Judas] dagiti teksto ti Kasuratan nga awan pakainaiganna cadagiti kinapudno nga iparparang ni Cristo. Dagitoy a teksto, a naisina iti koneksionda, ti nangriro cadagiti adalan, ken nangpaadu iti pannakauppapay a kanayon a mangsapsaplit cadacuada. Ket amin dagitoy inaramid ni Judas iti wagas tapno agparang nga isuna ket napudno.”—*The Desire of Ages*, p. 719.

b. Ania a kari ti masansan a mapasingkedan iti narelihionan a kapadasantayo —uray cadagiti kaso a cas iti daytoy a krisis idiaiy Galilea? Roma 8:28.

“Idi indatag ni Jesus ti mangsuot a kinapudno a nakaigapuan ti panagsubli ti adu nga adalanNa, ammoNa no ania ti resulta dagiti sasaoNa; ngem adda panggep ti asi a tungpalenNa. Nasacsacbay a nakitaNa nga iti oras ti sulisog tunggal maysa cadagiti ay-ayatenNa nga adalan ket masuotda unay. Ti panagsagabaNa idiaiy Getsemani, ti pannakaliput ken pannakailansaNa, agbalinto cadacuada a makapatuoc unay a rigat. No awan coma ti dati a naited a pannuboc, adu coma dagiti natignay babaen laeng cadagiti naimbukodan a motibo a naiconecta cadacuada. Idi nasentensiaan ti Apoda iti pangocoman; idi a ti bunggoy a nangidaydayaw Kencuana cas arida inuyawda Isuna ken linaisda; idi impuckaw ti managuyaw a bunggoy, ‘Ilansayo Isuna!’—idi nadismaya dagiti nailubongan nga ambisionda, dagitoy nga agsapsapul iti bagida, babaen ti panangtallicodda iti kinapudnoda ken Jesus, inyegda cadagiti adalan ti napait, makapadagsen iti puso a ladingit, mainayon iti leddaang ken pannakaupay iti pannakadadael dagiti kaay-ayoda a namnama. Iti dayta nga oras ti sipnget, ti ehemplo dagidiai timmallicodd Kencuana mabalin a nangikuyogda cadagiti dadduma. Ngem inyeg ni Jesus daytoy a krisis bayat ti personal a presenciaNa a mabalinNa pay a pabilgen ti pammati dagiti pudno a pasurotNa.”—*Ibid.*, p. 394.

PERSONAL A PANGREPASO A SALSALUDSOD 04/11 (Viernes)

1. Kasano ti "pannangantayo iti lasag ti Anac ti tao, ken yiinum iti daraNa"?
2. Ania ti kaipapanan ti panangmingming ken Jesus?
3. Apay a sumagmamano ti masactan cadagiti sasao ni Cristo?
4. Ania ti inaramidda calpasanna—ken kasano a ballaag daytoy para cadatayo?
5. Iladawan ti naespirituan a kasasaad ni Judas calpasan daytoy ken ti epektona?

Jesus iti Fiesta dagiti Tabernaculo

IMEMORIA A VERSICULO: “Ket pagsidsiddaawanda ti isursurona, ta ti saona adda pannacabalinna.” (Lucas 4:32).

“Ammo ni Jesus ti kalikaguman ti cararua. Ti kinangayed, kinabacnang, ken dayaw dina mapnec ti puso. ‘No mawaw ti asinoman, umay coma Caniac.’ Dagiti nabacnang, napanglaw, nangato, nababa agpapadada a mapasangbay. IkariNa a pabang-aranNa ti madagdagsenan a panunot, maliwliwa dagiti aglادلadingit, ken mangted ti namnama cadagiti naupay.”—*The Desire of Ages*, p. 454.

Maisingasing a Basbasaen: *Thoughts From the Mount of Blessing*, pp. 31–35. *Blessing*, pp. 18–21.

1. TI BIAG ITI PAGTAENGAN NI JESUS 04/13 (Domingo)

a. Ania ti serio a karit ti sinango ni Jesus iti bukodNa a pagtaengan?
Juan 7:5.

“Iti nasapa unay nga edad, nangrugin nga agtignay ni Jesus para iti Bagina iti panna-kaporma ti kababalinNa, ket uray ti panagraem ken panagayat cadagiti naganacNa ket saan a makaibaw-ing Kencuana iti panagtulnogNa iti sao ti Dios. ‘Adda a Naisurat’ ti rasonNa iti tunggal tignay a naiduma cadagiti kaugalian ti pamilia. Ngem ti impluensia dagiti rabbi ti namagbalin iti biagNa a napait. Uray iti kinaagtutuboNa masapul a sursuroenNa ti narigat a leksion ti kinaulimec ken naanus a panagibtur.

“Dagiti cacabsatNa, nga annac ni Jose a lallaki, nakidanggayda cadagiti rabbi. Impa-pilitda a masapul nga ipangag dagiti tradision, a casla isuda ti gutoguten ti Dios. Imbilangda pay dagiti pagalagadan dagiti tattao nga ad-adda ngem ti sao ti Dios, ket nakapungtotda unay iti nalawag a iseserrec ni Jesus iti pagdumaan iti nagbaetan ti ulbod ken ti pudno. Ti nainget a panagtulnogNa iti linteg ti Dios kinondenarda a kinasukir. Nasdaawda iti panna-kaammo ken sirib nga impakitaNa iti panangsungbatNa cadagiti rabbi. Ammoda nga Isu ket saan a nakaawat iti pannursuro manipud cadagiti masirib a lallaki, nupay casta makitada nga Isu ket maysa a Manursuro cadacuada. Nabigbigda a ti edukasionNa ket nangatangato ngem iti bucodda. Ngem saanda nailasin nga Isu ket addaan iti dalan nga agturong iti kayo ti biag, maysa a gubuyan ti pannakaammo a dida ammo.”—*The Desire of Ages*, p. 86

2. DAGITI ANNAC A LALLAKI NI JOSE 04/14(Lunes)

a. Ania a singasing ti indatag dagiti cacabsat ni Cristo Kencuana iti panangsegsegga iti tinawen a Fiesta dagiti Tabernaculo? Juan 7:3, 4.

“Impagarup dagiti cacabsat [ni Cristo] a biddut para Kencuana ti sumina cadagiti natan-oc ken de-adal a tattao ti nacion. Nariknada a dagitoy a lallaki isu ti adda iti husto, ken ni Jesus ti nakabasal iti panangikabilNa iti Bagina a sumuppiat cadacuada. Ngem nasaksianda ti awan pakababalawanna a biagNa, ket nupay saanda nga imbilang dagiti bagbagida cadagiti adalanNa, naallukoyda unay cadagiti ar-aramidNa. Ti kinalatacNa idia Galilea ket makaay-ayo iti ambisionda; mangnamnamada pay laeng mangted Isuna iti pammanecnec iti pannacabalinNa a mangiturong cadagiti Fariseo a mangkita nga Isu ti aniaman a tontontonenNa. Kasano ngay no Isu ti Mesias, ti Prinsipe ti Israel! Impategda daytoy a kapanunotan a buyogen ti napannackel a pannakapnec.

“Madanaganda unay maipapan iti daytoy isu nga indagadagda ken ni Cristo a mapan idia Jerusalem. ‘Pumanawca ditoy,’ kinunada, ‘ket inca idia Judea, tapno dagiti adalam makitada met dagiti aramidmo nga aramidem. Ta awan ti tao nga agaramid iti uray ania a nalimed, idinto a tarigagayanna a mailatac. No aramidem dagitoy a banag, agparangca iti lubong.’ Ti ‘no’ iyebcasna ti panagduadua ken di panamati. Impabigbigda Kencuana ti kinatakrot ken kinakapuy. No ammoNa nga Isu ti Mesias, apay daytoy karkarna a reserba ken saan a panagtignay? No talaga nga addaan Isuna iti casta a pannacabalin, apay a saan a mapan a situtured idia Jerusalem, ket patalgedanNa dagiti ibagbagaNa? Apay a saanNa nga aramiden idia Jerusalem dagiti nacascasdaaw nga aramid a naipadamag Kencuana idia Galilea? Dikay aglemmeng cadagiti nasulinec a probinsia, kinunada, ket aramidenyo dagiti nabileg nga aramido para iti pagimbagan dagiti ignorante a mannalon ken mangngalap. Iparangmo ta bagim iti cabetesa, gun-odem ti suporta dagiti papadi ken agtuturay, ket pagkaykaysaem ti nacion iti panangipasdec iti baro a pagarian.”—*The Desire of Ages*, p. 450.

b. Iladawan ti problema a kankanayon a sangoen dagiti naemma. Salmo 86:14.

“Nagrason dagitoy a cacabsat ni Jesus manipud iti naimbucodan a motibo a masansan unay a masaracan iti puso dagidia ambisioso a maiparada. Daytoy nga espiritu ti agtuturay nga espiritu iti lubong. Nasairda gapu ta, imbes a sapulenNa ti temporario a trono, impacdaar ni Cristo ti Bagina nga Isu ti tinapay ti biag. Nakaro ti pannakaupayda idi adu unay dagiti adalanNa ti nangbaybay-a Kencuana. Timmallicudda Kencuana tapno malisianda ti cruz a panangbigbig iti impanayag dagiti aramidNa—nga Isu ti Imbaon ti Dios.”—*Ibid.*, p. 451

a. Ania dagiti agsusupadi a kapanunotan ti napataud maipapan ken Jesus? Juan 7:11, 12.

“Manipud Jerusalem nagsacnap ti damag maipapan cadagiti milagro ni Cristo iti sadinoman a nakaiwarasan dagiti Judio; ket nupay adu a bulan nga awan Isuna cadagiti fiesta, saan a bimmassit ti interes Kencuana. Adu manipud iti amin a paset ti lubong ti simmang-at iti Fiesta dagiti Tabernaculo iti namnama a makitada Isuna. Iti rugi ti fiesta adu ti naaramid a saludsod para Kencuana. Dagiti Fariseo ken agtuturay kumitkitada iti yaayNa, a mangnamnama iti gundaway a mangkondenar Kencuana. Sidadanagda a sinaludsod, ‘Sadino ti ayanNa?’ ngem awan ti makaammo. Ti kapanunotan Kencuana ti kangrunaan iti amin a panunot. Gapu iti panagbuteng cadagiti papadi ken agtuturay, awan ti nakaitured a mangbigbig Kencuana cas Mesias, ngem iti sadinoman adda naulimec ngem napasnec a panagsasarita maipapan Kencuana. Adu ti nangidepensa Kencuana cas maysa a naibaon manipud iti Dios, idinto ta dagiti dadduma ket binabalawda Isuna cas manangallilaw cadagiti tattao.”—*The Desire of Ages*, pp. 451, 452.

b. Kasano a pinaulimec ni Jesus dagiti agsusupadi a kapanunotan maipapan Kencuana? Juan 7:14–18; Lucas 4:32.

“Iti katengngaan ti fiesta, iti kangitingitan ti gagar maipapan Kencuana, simrec iti paraangan ti templo iti imatang ti adu a tattao. Gapu iti kaawanNa iti fiesta, naipatengteng idi a dina maitured nga isaad ti Bagina iti pannacabalin dagiti papadi ken agtuturay. Nasdaaw ti amin iti kaaddaNa. Nagulimec ti tunggal timec. Nagsiddaaw ti amin iti dignidad ken tured ti panagtacderNa iti tengnga dagiti nabileg a cabusor a mawaw iti biagNa.

“Nakatacder a casta, isu ti sentro ti imatang iti dayta a dackel a bunggoy, nagsao ni Jesus cadacuada nga awan pay tao a nangaramid iti casta. Dagiti sasaoNa ipakitana ti pannakaammoNa cadagiti linlinteg ken institution ti Israel, ti sacrificio a servicio ken dagiti pannursuro dagiti mammadto, adayo nga artapanna iti pannakaammo dagiti papadi ken rabbi. NaburakNa dagiti lapped ti pormalismo ken tradision. Dagiti parang ti masacbayan a biag casla naiwaras iti sangoananNa. Cas maysa a nakakita iti Di Makita, nagsao Isuna maipapan iti naindagaan ken nailangitan, ti nataoan ken nadiosan, nga addaan iti positibo a turay. Dagiti sasaoNa ket nalawag ken makakombinsir unay; ket manen, cas idiay Capernaum, pagsidsiddaawan dagiti tattao iti isursuroNa; ‘ta ti saoNa adda pannacabalinna.’ Lucas 4:32. . . . Nagsiddaaw ti amin iti pannakaammoNa iti linteg ken cadagiti padto .”—*Ibid.*, pp. 452, 453.

a. Ania ti maawatan ni Jesus cadagiti rabbi ken ania a saludsod ti dinamagNa cadacuada? Juan 7:19.

“Inickan ni Jesus dagiti rabbi iti pammanecnec iti kinadiosNa babaen iti panangipakitaNa a mabasaNa ti pusoda. Manipud iti panangagas idia Betesda pangpangependan ti ipapatayNa. Gapuna nga isuda a mismo ti manglablabsing iti linteg nga ibagbagada nga irupirda. ‘Dinacayo aya inickan ni Moises ti linteg, kinunaNa, ket awan pay cadacayo ti mangaramid ti linteg? Apayapay agawaandac a papatayen?’ ”—*The Desire of Ages*, p. 456.

b. Iti sungbatda ken Cristo, iti ania ti panagakusaran dagiti rabbi Kencuana—ken kasano met a simmungbat Isuna? Juan 7:20–23.

“Iti daytoy a singasing [a dagiti nacascasdaaw nga aramidNa ket insugsog ti dakes nga espiritu] saan nga impangag ni Cristo. IntultuloyNa nga impakita a ti trabahoNa a panangagas idia Betesda ket maitunos iti linteg ti Sabbath, ken nainkalintegang daya babaen ti panangipatarus nga inkabil a mismo dagiti Judio iti linteg. KinunaNa, ‘Ni Moises intedna cadacayo ti pannacacugit . . . ket iti aldaw a panaginana cugitenyo ti tao.’ Sigun iti linteg, tunggal ubing masapul a makugit iti maikawalo nga aldaw. No ti naituding a tiempo ket agtinnag iti Aldaw a Panaginana, masapul ngarud a maaramid ti panangkugit. Anian a masapul nga ad-adda a maitunos iti espiritu ti linteg ti panangaramid iti maysa a tao ‘mapaimbag nga awan pagcuranganna iti aldaw a panaginana.’ ”—*The Desire of Ages*, pp. 456, 457

k. Ilawlawag ti nalawa a kaipapanan ti sumaruno a ballaag ni Cristo. Juan 7:24.

“Napaulimec dagiti agtuturay; ket adu cadagiti tattao ti nangipuccaw, ‘Saan aya nga daytoy ti sapsapulenda a papatayen? Ngem, adtoy, Isut’ agsao a situred, ket awan ti maibagada Kencuana. Pudno kadi nga ammo dagiti agtuturay a daytoy ti mismo a Cristo?’ ”—*Ibid.*, p. 457.

“Saan a kumita [ni Cristo] iti makinruar a langa; Saanna a manghusga cas iti pananghusga ti tao. SaanNa nga ipatpateg ti tao sigun iti ranggo, talento, edukasion, wenno saadna. ‘Kitaekto daytoy a tao,’ indeklaraNa, ‘uray daydiay napanglaw, ken addaan iti agbabawi nga espiritu, ken agpiggigerger iti saoc.’ ”—*The Signs of the Times*, October 21, 1897.

a. Kasano nga iladawan ti Kasuratan ti kasasaad ti isip ti kagimongan iti daytoy a lubong —masansan a cas makita idi un-unana a panawen, ngem nangnangruna ita? Isaias 59:14, 15.

“Ti ahensia ti kinadakes pagtitiponenda dagiti puersada ken agtitinnulongda. Agpappapigsada para iti maudi a dackel a krisis. Asidegen a mapasamac dagiti dadackel a panagbalbaliw iti lubongtayo, ket dagiti maudi a panagtignay ket napartakto. . . .

“Nagballigi ti cabusor a nangballikug iti hustisia ken nangpunno iti puso dagiti tattao iti tarigagay para iti naimbucodan a gunggona. . . . Dagiti ikkis ti mabisbisin a sangataoan ket umas-asideg iti sangoanan ti Dios, bayat a babaen ti tunggal kita ti panangirurumen ken panagsamsam dagiti tattao agurnongda cadagiti nagdadackel a kinabacnang.”—*Testimonies for the Church*, vol. 9, pp. 11, 12.

b. Iti baet ti riribuk, apay a mapagtalcantayo dagiti wagas ti Dios? Isaias 55:8, 9.

“Nupay ti addaan patingga nga isip dagiti tattao ket saan nga umdas a sumrec cadagiti balacad ti Awan Patinggana, wenno tapno maawatanda a naan-anay ti pannakaisayangcat dagiti panggepNa, kaskasdi a masansan a gapu iti sumagmamano a biddut wenno panagbaybay-a iti bukodda a biang a saanda unay a maawatan ti mensahe ti Langit. Saan a nabattaway ti panunot dagiti tattao, ken uray dagiti adipen ti Dios, nabulsecan unay gapu cadagiti nataoan a kapanunotan, dagiti tradision ken ulbod a pannursuro dagiti tattao, isu sangkapaset laeng ti maawatanda cadagiti naindaclan a banag nga impalgakNa iti saoNa.”—*The Great Controversy* pp. 344, 345.

“Ti panggep ti Dios para cadagiti annacNa ket nangatngato ngem ti madanon ti cangatoan a nataoan a kapanunotan. IntedNa iti nasantoan a lintegNa a nakaisuratan ti kababalinNa.”—*Testimonies for the Church*, vol. 8, p. 63.

PERSONAL A PANGREPASO A SALSALUDSOD 04/18 (Viernes)

- 1. Iladawan ti aglawlaw ti pagtaengan a dimmackelan ni Jesus.**
- 2. Kasano ti ugali nga impakita dagiti cacabsat ni Cristo a masansan a maulit ita?**
- 3. Ania dagiti agsusupadi a kapanunotan ti agwarwaras maipapan ken Jesus?**
- 4. Ilawlawag ti espiritu nga impanayag dagiti rabbi maiturong ken Jesus.**
- 5. Ilawlawag ti naglawa a pagsupadian ti nagbaetan dagiti wagas ti tao ken iti wagas ti Dios?**

Awan ti Nagsao cas iti Daytoy a Tao

IMEMORIA A VERSICULO: “Dagiti opisial simmungbatda: Uray caano awan ti tao a nagsao ti castoy.” (Juan 7:46).

“Ti pannakaawat ken panangapreciar iti kinapudno, kinunaNa, ket saan unay nga agpannuray iti panunot ngem iti puso. Ti kinapudno masapul nga inawat ti cararua; tontonenna ti panagraem iti pagayatan.”—*The Desire of Ages*, p. 455.

Maisingasing a Basbasaen: *Testimonies to Ministers and Gospel Workers*, pp. 506–512.

1.TI INTERES DAGITI TATTAO KEN NI JESUS 04/20(Domingo

a. iti pannakanggeg ken pannakakitada ken Jesus a silalayang a mangasaba, ania ti sinaludsod ti sumagmamano a Judio? Juan 7:25, 26.

“Adu cadagiti dumdumnggeg ken Cristo nga agnanaed idiaiy Jerusalem, ken saan nga ignorante cadagiti komplot dagiti agtuturay maibusor Kencuana, ti nakarikna iti bagbagida a naallukoy Kencuana babaen iti saan a mapagcedcedan a pannacabalin. Ti kommbiksion a mangipanecnec cadacuada nga Isu ti Anac ti Dios.”—*The Desire of Ages*, p. 457.

b. Kasano a nagtignay ni Satanas cadagiti agtuturay tapno mapapigsa ti panagduadua? Juan 7:27.

“Nakasagana ni Satanas a mangisingasing iti panagduadua; ket para iti daytoy a naisagana ti dalan cadagiti bukodda a biddut a kapanunotan maipapan iti Mesias ken ti yaayNa. Sapasap a patienda a maiyanac ni Cristo idiaiy Betlehem, ngem dayta kalpasan ti maysa a panawen nga agpucaw Isuna, ket iti maikadua a panagparangNa awan ti makaammo no sadino ti naggapuanna. Saan a sumagmamano ti mangibagbaga nga awan ti natural a relasion ti Mesias iti sangataoan. Ket gapu ta ti nalatac a panangipapan iti dayag ti Mesias ket saan a naragpat ni Jesus a taga Nazaret, adu ti nangipangag iti dayta a singasing, ‘Ngem daytoy a tao, ammomi no adino ti naggapuanna: ngem ti Cristo, inton umay, awanto ti macaammo no adino ti paggapuanNa.’”—*Ibid.*

a. Apaman a nabasaNa ti kapanunotan dagiti agduadua a dumdumngeg Kencuana, ania ti imbaga ni Jesus cadacuada? Juan 7:28.

“Bayat nga agngatangatada iti nagbaetan ti duadua ken pammati, innala ni Jesus ti kapanunotanda ket sinungbatanNa ida: ‘Amammodac ket ammoyo met ti naggapuac; ket saanac a naggapu caniac met laeng; ngem ti nangibaon caniac napudno, isu a dicay amammo.’ Kinunada nga ammoda no ania ti a pagtaudan ni Cristo, ngem naan-anay nga ignoranteda iti dayta. No nagbiagda coma a maitunos iti pagayatan ti Dios, naam-ammoda coma ti AnacNa idi naiparangarang cadacuada.”—*The Desire of Ages*, p. 457.

b. Gapu ta awananda cadagiti argumento a mangsupring ken Jesus, babaen iti ania a pamay-an nga inkagumaan dagiti panguloen dagiti Judio a pagulimeken Isuna?Juan 7:30 (umuna a paset). Iti kinapudnona, apay a saanda a maaresto Isuna? Juan 7:30 (maudi a paset).

“Saan a maawatan dagiti agdengdengngeg cadagiti sasao ni Cristo. Silalawag a maulitda iti pangtonton nga inaramidNa iti imatang ti Sanedrin adu a bulan sacbayna, idi indeklaraNa ti Bagina nga Anac ti Dios. Bayat iti panangpadas dagiti agtuturay idi nga isayangcat ti ipapatayNa, casta met ita nga ikagumaanda nga alaen Isuna; ngem linapdan ida ti maysa a di makita a pannacabalin, a nangted iti pagbeddengnagan iti pungtotda, maangibagbaga cadacuada, Adayo pay ti papananyo, ket saanen nga umadayo.”—*Ibid.*

k. Kasano nga inyebkas ti adu ti pammatida ken Jesus—ken ania ti plano nga aramiden dagiti agtuturay apaman a nabigbigda ti simpatia dagiti tattao para Kencuana? Juan 7:31, 32.

“Dagiti panguloen dagiti Fariseo, a madandanagan a mangbanbantay iti panaglabas dagiti pasamac, natiliwda dagiti ekspresion ti pannakipagrikna iti tengnga ti bunggoy. Iti panagdardarasda nga immadayo nga agturong cadagiti panguloen a papadi, inlanadda dagiti planoda a mangtiliw Kencuana. Inyurnosda, nupay casta, nga alaenda Isuna inton agmaymaysa Isuna; ta saanda a maitured a tiliwen Isuna iti imatang dagiti tao.”—*Ibid.*, pp. 457, 458.

a. Iti maudi nga aldaw ti Fiesta, ania ti nagpintas nga ilustrasion ti inusar ni Jesus a mangipaay iti liwliwa cadagiti cararua a nabannog iti basol? Juan 7:37, 38.

“Ti puso nga umawat iti sao ti Dios ket saan a cas iti maysa a pagurnongan ti danum a mapucaw, saan a cas iti naburac a pagurnongan ti danum a mapukawna ti gamengna. Mayarig dayta iti waig iti bantay, a taraonan dagiti di agkupas nga ubbog, a nalamiis, rumimrimat ti danumna a maiburac cadagiti batbato, a mangpabang-ar cadagiti nabannog, cadagiti mawaw, cadagiti madagdagsenan. Casla karayan a kanayon nga agayus ken, bayat nga umab-abante, umad-adalem ken lumawlaw, agingga a maiwaras ti mangted-biag a danumna iti intero a daga. Ti karayan nga agcanta iti dalanna ibatina ti ti sagutna a berde ken kinabunga. Dagiti ruot iti igidna ket nafresko a berde, dagiti kayo addaan iti nabakbaknang a kinaberde, dagiti sabong ket adu unay. No ti daga ket malukaisan ket agkayumanggi gapu iti nakabarbara a pudot ti kalgaw, maysa a linia dagiti ruroot ti mangtanda ti dalan ti karayan.

“Casta met iti pudno nga anac ti Dios. Ti relihion ni Cristo ipanayagna ti bagina cas makapabiag, agsacnap a prinsipio, maysa a sibibiag, agtrabtrabaho, naespirituan nga enerhia. No ti puso ket mailucat iti nailangitan nga impluensia ti kinapudno ken ayat, dagitoy a prinsipio agayus manen cas cadagiti waig iti letang, a pakaigapuan ti panagparang ti kinabunga no sadino ita ti ayan ti kinalupes ken kinakirang.”—*Prophets and Kings*, pp. 233, 234. ‘No mawaw ti asinoman’ iti natalna a namnama, iti pannakaispal manipud cadagiti naimbasolan a pagduyosan, kuna ni Cristo, ‘umay coma Caniac, ket uminum.’ (Juan 7:37).’ *The Ministry of Healing*, p. 179.

b. Kasano nga ad-adda pay a maawatan daytoy nga awis? Juan 7:39.

“Indatag ni Cristo dagiti prinsipio ti kinapudno iti evangelio. Iti pannursuroNa mabalintayo ti uminum cadagiti nasin-aw nga agus nga agayus manipud iti trono ti Dios.” —*Testimonies for the Church*, vol. 8, p. 309.

“Ti kasapulantayo ket ti sibibiag a relihion. Ti maysa nga individual addaan iti napadackel a konsepto iti pagrebbengan, a ti cararuana ket makisasao iti Dios ken napno iti regta para ken Cristo, ket mangipacat iti nabileg nga impluensia para iti kinaimbag. Uminum isuna iti saan a nababa, natangken, narugit a karayan, no di ket manipud iti nadalus, nangato a danum ti ubbog; ket mabalinna nga ipakaammo iti iglesia ti baro nga espiritu ken pannacabalin. Bayat nga umad-adu ti paricot manipud iti ruar, kayat ti Dios a mapabiag ti iglesiaNa babaen cadagiti sagrado, solemne a kinapudno a patienda. Ti Espiritu Santo manipud langit, makipagtrabaho cadagiti annac ti Dios a lallaki ken babbai, parmekenna dagiti lapped ken tenglenna ti nangato a disso maibusor iti cabusor. Addaan ti Dios cadagiti naindaclan a balligi a naireserba para cadagiti tattaoNa a managayat iti kinapudno, mangsalimetmet iti bilin.”—*Ibid.*, vol. 5, p. 581.

a. Cas resulta ti panangdakamat ni Cristo iti danum ti biag, ania ti inkeddeng ti adu —ken apay? Juan 7:40; (idiligyo ti Deuteronomio 18:15).

b. Nupay napaltiingan ti dadduma iti namnama babaen iti casta nga inanamaen, kasano met a nagtignay ti dadduma? Juan 7:41–44.

k. Ania a bilin ti naawat dagiti opisial manipud cadagiti agtuturayda? Juan 7:45. Apay a dida maiyeg ti bagbagida a mangtiliw ken ni Jesus? Juan 7:46.

“Iti maudi nga aldaw ti fiesta, dagiti opisial nga imbaon dagiti papadi ken agtuturay a mangtiliw ken Jesus, nagsublida nga awan Isuna. Sipupungtotda a nagsaludsod, ‘Apay a dikay inyeg Isuna?’ Buyogen ti napasnec a rupa insungbatda, ‘uray caano awan ti tao a nagsao iti cas iti daytoy a Tao.’

“Timmangken a casta iti pusoda, narunawda babaen cadagiti sasaoNa. Bayat ti panagsaoNa iti paraangan ti templo, nagbayagda iti asideg, tapno matiliwda ti maysa a banag a mabalin a maibusor Kencuana. Ngem bayat ti panagdengdengnegda, nalipatanda ti panggep a nakaibaonanda. Nagtacderda bayat a sumsumrec dagiti lallaki. Impalgac ni Cristo ti Bagina cadagiti cararuada. Nakitada ti saan a makita dagiti papadi ken agtuturay—ti sangataoan nalayus iti dayag ti kinadios.”—*The Desire of Ages*, p. 459.

“Inusar [ni Cristo] dagiti banbanag ti nakaparsuaan a nalatac cadacuada, tapno mailadawan ti nadosan a kinapudno. Ti daga ti puso naisagana tapno umawat iti nasayaat a bukel. ImpariknaNa cadagiti agdengdengneg Kencuana a dagiti interesNa naikaysa iti interesda, a ti pusoNa agpitik a makipagricna cadacuada cadagiti ragsac ken ladingitda. Maigiddato iti dayta nakitada Kencuana ti pannakaiparangarang ti pannacabalin ken kinalaing nga adayo a nangatngato ngem iti adda cadagiti idaydayawda unay a rabbida. Dagiti pannursuro ni Cristo namarkaan iti kinasimple, dignidad, ken pannacabalin a saanda pay nga ammo agingga ita, ket saanda a napupuotan nga impuccaw: ‘Awan ti tao a nagsao a cas iti daytoy a Tao.’ Dagiti tattao siraragsada a dimneg Kencuana; ngem dagiti papadi ken agtuturay—cadagiti bagbagida a mismo ulbod iti panagtalekda cas agaywan iti kinapudno—ginurada ni Cristo gapu iti parabur a naipalgac, a nangiyadayo cadagiti bunggoy cadacuada tapno surotenda ti Silaw ti biag. Babaen ti impluensiada iti nacion a Judio, saanda a mailasin ti nadosan a kababalinNa, inlacsidda ti Mannubbot.”—*Testimonies for the Church*, vol. 5, p. 747.

a. Kasano a tinubngar dagiti papadi ken Fariseo dagiti opisial? Juan 7:47–49.

b. Isalaysay ti saritaan a simmaruno a cadua ni Nicodemo —a mangipalgac iti idadackelna sipud idi rabii ti pannakisaritana ken Cristo iti Juan capitulo 3. Juan 7:50–52.

“Inlemmeng [ni Nicodemo] ti kinapudno iti pusona, ket iti las-ud ti tallo a tawen bassit laeng ti nabatad a bunga. Ngem nupay saan a binigbig ni Nicodemo iti publiko ni Cristo, iti consejo ti Sanedrin paulit-ulitna a binarusngi dagiti gakat dagiti papadi a mangdadael Kencuana.”—*The Acts of the Apostles*, p. 104.

“Ti leksion nga inted ni Cristo ken Nicodemo [iti panagbisitana iti rabii iti Juan kapitulo 3] ket saan a nagubbaw. Naikapet ti kombiksion iti panunotna, ket iti pusona inawatnan ni Jesus. Sipud daydi pannakiumanna iti Mangisalacan, sipapasnecna a sinukimat dagiti Sursurat iti Daan a Tulag, ket nakitana ti kinapudno a naikabil iti pudno a platar ti evangelio.

“Ti saludsod a dinamagna ket nainsiriban, ket mabalin a mapadayawan coma cadagidiay mangidadaulo iti konseho no saanda nga inallilaw ti cabusor. Ngem napnoda unay iti saan nga umno a panagipato isu nga awan ti argumento a pabor ken Jesus a taga Nazaret, nupay makakombinsir, addaan dagsen cadacuada. Ti sungbat a naawat ni Nicodemo, ket, ‘Taga-Galileaca met aya? Sukimatem ket kitaem: ta awan ti tumaud a mammadto manipud Galilea.’

“Naallilaw dagiti papadi ken agtuturay, cas iti kayat ni Satanas, tapno patienda a nagtaud ni Cristo manipud Galilea. Ti sumagmamano a makaammo nga Isu ket nayanac idia Betlehem, ti nagulimec, tapno ti kinaulbod saan a matakawan iti pannacabalin.”—*The SDA Bible Commentary*, vol. 5, p. 1136.

PERSONAL A PANGREPASO A SALSALUDSOD 04/25 (Viernes)

- 1. Apay a maawis ni Jesus ti imatang ken respeto dagiti tattao?**
- 2. Kasano nga impinget dagiti turayen dagiti Judio ti panangpadasda a pasardengen ni Jesus?**
- 3. Ania iti kiniddaw ni Jesus iti publico iti maudi nga aldaw ti fiesta?**
- 4. Ilawlawag ti dackel a susic a simmaruno cas resultana.**
- 5. No panunotec dagiti tattao nga am-ammoc, ania ti rumbeng a malagipco maipapan ken Nicodemo?**

Umuna a Pangsabado a Daton

Sabado, Mayo 3, 2025



Para cadagiti Mission iti Lubong Ita, agallangogan ti naitiempo a mensahe:

“Masapul a mapabiag manen ti espiritu ti misionero cadagiti iglesiatayo. Tunggal miembro ti iglesia rumbeng nga adalaenna no kasano ti tumulong a mangidur-as iti trabaho ti Dios, cadagiti mision iti pagtaengan ken cadagiti ganggannaet a pagilian. Manmano a maikaribu a paset ti trabaho ti maar-aramid a rumbeng a maaramid cadagiti tay-ac ti misionero. Awagan ti Dios dagiti trabahadorNa a mangikapet iti baro a teritoria para Kencuana. Adda dagiti nabacnang a tay-ac a pagtrabahoan nga agur-uray iti matalec a trabahador. Ket dagiti agserservi nga angel tumulongda iti tunggal kameng ti iglesia nga agtrabaho a siaayat para iti Apo.

“Naorganisar ti iglesia ni Cristo ditoy daga para cadagiti panggep ti misionero, ket tarigagayan ti Apo a makita ti intero nga iglesia a mangpamnuay cadagiti wagas ken pamay-an a mabalina a mangngeg dagiti nangato ken nababa, nabacnang ken napanglaw, ti mensahe ti kinapudno. Saan nga amin ket naayaban iti personal a panagtrabaho cadagiti ganggannaet a tay-ac, ngem amin ket makaaramid iti maysa a banag babaen cadagiti cararagda ken dagiti sagutda a tumulong iti trabaho a misionero.

“Maysa a negosiante nga Americano a napasnec a Cristiano, iti pannakisaritana iti padana a trabahador ti nagkuna nga isu a mismo ket agtrabtrabaho para ken Cristo iti duapulo ket uppat nga oras iti aldaw. ‘Iti amin a relasionco iti negosio,’ kinunana, ‘ikagagumaac nga irepresentar ti Apoc. Bayat nga adda gundawayco, ikagagumaac nga isangbay dagiti dadduma Kencuana. Iti amin nga aldaw agtrabtrabahoac para ken Cristo. Ket iti rabii, bayat ti pannaturogco, adda taoc nga agtrabtrabaho para Kencuana idia China.’

Iti panangilawlawagna innayonna: ‘Idi kinaagtutuboc inkeddengco ti mapan cas misionero cadagiti pagano. Ngem iti ipapatay ni tatangco masapul nga alaec ti negosiona tapno maipaayco ti kasapulan ti pamilia. Ita, imbes a siac a mismo ti mapan, suportarac ti maysa a misionero. Iti casta nga ili ti casta a probinsia ti China, nakapuesto ti trabahadorco. Ngarud, uray bayat ti pannaturogco, siac, babaen ti pannakabagic, agtrabtrabahoac pay laeng para ken Cristo.’ ”—Testimonies for the Church, vol. 6, pp. 29, 30.

Ita ad-adda ngem idi ti panawen a mangipuonan iti banko ti Langit babaen cadagiti mision ti lubong. Saan nga agbalin a nalaclaca, ngem inton agangay mabalina a naladaw unayen. Mapucaw dagiti cararua nga awan ni Cristo ken ti agdama a kinapudno, intalec ti Apo cadatayo ti napateg a lawag a maiwaras iti intero a planeta.

Pangngaasiyo ta mangtedcayo a sipaparabur, ket sibabacnang coma a bendisionanNacayo ti Apo ken ti sagutyoy. Agyamancami!

Departamento ti Eskuela Sabatina Ti Conferencia General

“Uray Siac Saanca a Dusaen”

IMEMORIA A VERSICULO: “Uray siac saanca a dusaen: incan ket manipud ita dica agbasolen” (Juan 8:11, maudi a paset).

“Ti Nacristianoan nga ayat nabannayat a mangbabalaw, alisto a mangilasin iti panagbabawi, sisasagana a mamakawan, mangparegta, mangisaad iti nayaw-awan iti dana ti kinasanto, ket pagtalinaeden dagiti sakana iti dayta.”—*The Desire of Ages*, p. 462.

Maisingasing a Basbasaen: *Testimonies for the Church*, vol. 2, pp. 73–77

1.MAYSA A SILO PARA KEN JESUS

04/27(Domingo)

a. Bayat ti panangisuro ni Jesus idiay templo, ania ti inaramid dagiti escriba ken Fariseo? Juan 8:2–3.

“Di nagbayag, nasinga [ni Cristo]. Maysa a grupo dagiti Fariseo ken escriba ti immasideg Kencuana, a guyod-guyodda ti maysa a babai a mabutbuteng, cadagiti natangken, magagaran a timec inakusaranda a nagsalungasing iti maikapito a bilin.”—*The Desire of Ages*, p. 460.

b. Ipacpakitada ti nabatad a panagraem iti linteg, ania a saludsod ti dinamag dagiti Fariseo ken Cristo —ken ania ti pudno a panggepda? Juan 8:4–6 (umuna a paset).

“Ti pammarang a panagraemda ti nangabbong iti nauneg a panggep para iti pannakadadaelNa. Ginammatanda daytoy a gundaway tapno masigurado ti pannakacondenarNa, impagarupda nga aniaman a pangngeddeng a mabalin nga aramidenNa, makasaracda iti gundaway a mangakusar Kencuana. No absueltoenNa ti babai, mabalin a mapabasol Isuna a mangumsi iti linteg ni Moises. No ideklaranN a maikari iti ipapatay, mabalin a mapabasol cadagiti Romano cas maysa a mangal-ala iti turay a cucuada laeng.”—*Ibid.*, pp. 460, 461.

a. Kasano a sinungbatan ni Jesus ti kinaulbod dagiti Fariseo? Juan 8:6 (maudi a paset).

“Kimmita ni Jesus iti apagbiit ti eksena —ti agpiggigerger a biktima iti bainna, dagiti natangken ti rupana a dignitario, nga awanan iti nataoan nga asi. Ti espirituNa a di aglati iti kinadalus bimmassit manipud iti pabuya. AmmoNa no ania ti panggep daytoy a kaso a naiyeg Kencuana. BinasaNa ti puso, ken ammoNa ti ugali ken pakasaritaan ti biag ti tunggal maysa iti imatangNa. Dagitoy a parabantay coma iti hustisia isuda a mismo ti nangiturong iti biktimada iti basol, tapno makaisaadda ti silo para ken Jesus. Gapu ta awan ti intedNa a pagilasinan a nangngegNa ti saludsodda, nagrukob, ket inturongNa dagiti matana iti daga, rinugianNa ti nagsurat iti tapoc.”—*The Desire of Ages*, p. 461.

b. Kasano nga impakita ni Jesus a dagiti mangac-acusar ket saan nga awanan iti basol —ken ania ngaruden ti inaramidda? Juan 8:7–9.

“Naabac dagiti mangac-acusar. Ita, ti cawesda a pammarang a kinasanto napigis manipud cadacuada, nagtacderda, nakabasol ken nacondenar, iti sangoanan ti Awan-Patinggana a Kinadalus. Nagpigergerda di la ket ta mailucat iti adu a tattao ti nailemmeng a kinadakes ti biagda; ket saggaysa, buyogen dagiti nakadumog nga ulo ken nababa a mata, nagtalawda, a binaybay-andan ti biktimada iti ayan ti naasi a Mangisalacan.”—*Ibid*.

k. Iti pangkaaduan, ania ti rumbeng a masursurotayo amin manipud cadagiti sasao ni Jesus cadagiti mangac-acusar? Lucas 6:42.

“Adda dagidiay saan a natangkenan ti tarigagayda a mangreporma cadagiti bambanag nga agparang cadacuada a casla biddut. Ipagarupda a rumbeng a mapilida a mangsukat cadagiti nagbiddut. Tagibassitenda no ania ti naaramid dagitoy a trabahador bayat a ti dadduma kumitkitada ken mangbabalawda. Babaen cadagiti aramidda cunada: ‘Maaramidco dagiti naindaclan a bambanag. Maisayangcatco a sibaballigi ti trabaho.’ Cadagidiay mangipagarup nga ammoda unay no kasano a liclican dagiti biddut, nabilinac a mangibaga: ‘Dicay agipato tapno dicayo maipato.’ Mateo 7:1. Mabalina a maliclicam dagiti biddut iti dadduma a punto, ngem iti dadduma a banag makaaramidca cadagiti nakaro a biddut, a narigat unay a remedioan ken mangyeg iti pannakariro iti trabaho. dagitoy a biddut mabalina a makaaramid iti ad-adu a pagdaksan ngem cadagidiay inaramid dagiti cacabsatmo.”—*Testimonies for the Church*, vol. 7, p. 279.

a. Ania a saludsod ti dinamag ni Jesus iti babai calpasan ti ipapanaw dagiti mangac-acusar kencuana —ken kasano a naapektaran ti biag ti babai iti wagasNa a nangtaming iti kasasaad? Juan 8:10, 11.

“Ti babai nagtacder iti sangoanan ni Jesus, a nagkullayaw gapu iti buteng. Dagiti saoNa, ‘Ti awan basolna cadacayo, umuna a mangibacal coma ti bato kencuana,’ ket dimteng kencuana cas sentensia nga ipapatay. Saanna a naitured nga intag-ay dagiti matana iti rupa ti Mangisalacan, no di ket siuulimecna nga inur-uray ti pannakadadaelna. Iti siddaawna nakitana dagiti mangac-acusar kencuana a pimmanaw nga awan saoda ken nariribocan, ket nangngegna dagiti sasao ti namnama, ‘Uray siac saanca a dusaen: incan ket manipud ita dica agbasolen.’ Narunaw ti pusona, ket, impadsona ti bagina iti sakaan ni Jesus, insangitna ti managyanan nga ayatna ket buyogen ti napait a lua impudnona dagiti basolna.

“Kencuana daytoy ti pangrugian ti baro a biag, biag a nadalus ken natalna, a naipamaysa iti Dios. Iti pannakaitag-ay daytoy natnag a cararua, nangaramid ni Jesus iti dadackel a milagro ngem iti panangagasNa iti kakaruan a pisikal a sakit; InagasanNa ti naespirituan a sakit nga agingga ken patay nga agnanayon. Daytoy a nagbabawi a babai nagbalin a maysa cadagiti natibker a pasurotNa. Buyogen ti mangsacrificio iti bagina nga ayat ken debosion impakitana ti panagyamanna iti mamakawan nga asiNa. Para iti daytoy nagbiddut a babai, ti lubong ket addaan laeng iti pangumsi ken panglais, ngem ti Maysa nga Awanan Basol naasian iti kinakapuyna ket impaayNa kencuana ti tulong. Idinto a binabalaw dagiti managinsisingpet a Fariseo, imbilin ni Jesus kencuana, ‘Inca, ket saanca nga agbasol.’ ”—*The Ministry of Healing*, p. 89.

“Iti tignayNa a nangpakawan iti daytoy a babai ken panangparegta kencuana nga agbiag iti nasaysayaat a biag, ti kababalin ni Jesus nagraniag iti kinapintas ti naan-anay a kinalinteg. Idinto a saanNa a pabassiten ti basol, wenna kissayan ti rikna ti pannakabasol, inkagumaanNa ti saan a mangcondenar, no di ket mangisalacan. Panangumsi ken pananglais laeng ti adda iti lubong para iti daytoy nagbiddut a babai; ngem ni Jesus agsao cadagiti sasao ti liwliwa ken namnama.”—*The Desire of Ages*, p. 462.

b. Iladawan ti epekto ti mangisalacan a parabur ni Cristo. Lucas 7:37–40, 47, 48.

“Ammo ni Jesus ti kasasaad ti tunggal cararua. No dadackel ti basol ti managbasol, ad-adda a kasapulanna ti Mangisalacan. Ti pusoNa a nadosan nga ayat ken simpatia ket iruarna amin para iti daydiay awanan unay iti namnama a naigalut cadagiti silo ti cabusor. Babaen ti bukodNa a dara PinirmaanNa dagiti papeles ti pannakawayawaya ti puli.”—*The Ministry of Healing*, pp. 89, 90.

a. Ania ti mangilasin iti ugalitayo, nangnangruna no mainaig iti sabsabali — ken kasano laeng a posible daytoy? 2 Corinto 1:3–5.

“Dagiti sirkumstansia bassit laeng ti pakainaiganda cadagiti kapadasan ti cararua. Ti Espiritu nga ipatpateg ti mangted iti pangkolor cadagiti amin nga aramiditayo. Ti tao a nakicappia iti Dios ken cadagiti padana a tattao ket saan a mapagbalin a nakalkaldaang. Awan ti apal iti pusona; Ti dakes a panagipapan dinto makasarac iti pagianan sadiay; Saan a mapaadda ti gura. Ti puso a maitunos iti Dios ket maipangato iti ngatoen dagiti makariboc ken pannuboc iti daytoy a biag.”—*Testimonies for the Church*, vol. 5, p. 488.

“Babaen iti panagsagaba a nagun-od ni Jesus ti ministerio ti liwliwa. ‘Iti amin a ladingit ti sangataoan, Isu napaladingit, gapu iti panagsagabaNa met laeng iti pannacasulisog, mabalinNa a badangan dagiti masulisog.’ Isaias 63:9; Hebreo 2:18. Iti daytoy a ministerio tunggal cararua a simrec a makikadua cadagiti panagsagabaNa ket naparaburan a makiraman.”—*Thoughts From the Mount of Blessing*, p. 13.

b. Iladawan ti naidumduma a namnama ken pribilehio nga adda cadatayo iti panangsuot cadagiti addang ni Cristo. 2 Corinto 1:6, 7.

“No saanyo a marikna a maysa a dayaw ti agbalin a makipaset cadagiti panagsagaba ni Cristo; No awan ti mariknam a dadagsen ti cararua para cadagidiay nakasagana a mapucaw; No saanca a naannugot nga agsacrificio tapno maisalacanmo dagiti pamay-an para iti trabaho a masapul a maaramid, awanto ti lugar para kenca iti pagarian ti Dios. Masapul a makipasettayo ken Cristo iti panagsagabaNa ken panangilibacNa iti Bagina iti tunggal addang.”—*Testimonies for the Church*, vol. 9, pp. 103, 104.

k. Iladawan ti galad a kasapulan unay cadagiti mamati iti mensahe dagiti tallo nga angel. 1 Corinto 13:13, 4–8.

“Dagiti galad a kasapulan unay nga ipateg dagiti tattao a mangsalimetmet iti bilin ti Dios ket kinaanus ken nabayag a panagsagaba, cappia ken ayat. No awan ti ayat, agtultuloy ti saan a mabapasubli a pucaw.”—*Ibid.*, vol. 6, pp. 398, 399.

a. Kasano nga agtignay dagiti pudno a mamati no ti maysa a Cristiano matnag iti basol— maisupadi iti masansan nga ar-aramiden dagiti ulbod ti pusona a mamati? Galacia 6:1–3; Roma 15:1–3.

“Laglagipenyo a ti trabaho a panagisubli ti agbalin a dadagsentayo. Daytoy a trabaho ket saan a maaramid iti natangsit, mannakibiang, nasigo a pamay-an. Dimo kunaen, babaen ti wagasmo, ‘Addaanac iti pannacabalin, ket usarecto dayta,’ ket ibuyat dagiti pammabasol iti agbidbiddut. Aramidenyo ti panagisubli ‘iti espiritu ti kinatacneng, a kitaem ti bagim: di la ket ta masulisogca met.’ Ti trabaho a naisaad iti sangoanantayo nga aramiden para cadagiti cacabsattayo ket saan a panangiwalin cadacuada, saan nga iduron ida iti pannakaupay wenno pannakauppay babaen ti panangibaga: ‘Inupaynac, ket diacton padasen a tulonganca.’ Isu a mangitag-ay iti bagina cas napno iti sirib ken pigsa, ken mangibaba iti maysa a maidadan ken mariribukan ken agtarigagay iti tulong, iparangarangna ti espiritu ti Fariseo, ket bungonenna ti bagina iti cawes ti bukodna a binukel a dignidad. Iti espirituna agyaman iti Dios ta saan isuna a cas iti dadduma a tattao, ken ipagarupna a ti aramidna ket maidaydayaw ken isu ket napigsa unay a masulisog. Ngem ‘no ti maysa a tao panunutenna nga isu adda pategna, idinto nga awan, allilawenna ti bagina.’ Versiculo 3.”—*Testimonies for the Church*, vol. 6, p. 398.

“Saan a ti pasurot ni Cristo ti tao, a buyogen dagiti lumiclic a mata, agbaw-ing manipud cadagiti agkamali, a panawanna ida a di malapdan a mangsuot iti agpababa a danada. Dagidiay nadarasodos a mangpabasol iti sabali, ken naregta a mangidatag cadacuada iti hustisia, masansan nga iti bukodda a biag ket ad-adda a nakabasolda ngem cadacuada. Cagura dagiti tattao ti managbasol, idinto nga ay-ayatenda ti basol. Cagura ni Cristo ti basol, ngem ay-ayatenNa ti managbasol. Daytoyto ti espiritu dagiti amin a sumurot Kencuana. Ti Nacristianoan nga ayat ket nainayad a mangbabalaw, alisto a mangilasini iti panagbabawi, sisasagana a mamacawan, mangparegta, mangisubli iti nayaw-awan iti dana ti kinasanto, ken mamagtalinaed cadagiti sakana iti dayta.”—*The Desire of Ages*, p. 462.

PERSONAL A PANGREPASO A SALSALUDSOD

05/02 (Viernes)

1. Ilawlawag ti silo nga insagana dagiti escriba ken Fariseo para ken Jesus.
2. Kasano nga impakita dagiti managinsisingpet a Judio ti nabatad a panagraemda iti linteg?
3. Ania ti napilitan nga inaclon dagiti mangac-acusar a Judio maipapan iti bagida?
4. Iladawan ti namnama a naipaay ti agbidbidduti a babai a namaltrato.
5. Kasano nga ad-adda nga agbalinac a cas ken Jesus no makilangen cadagiti agbidbiddut a cararua?

Jesus, ti Silaw ti Lubong

IMEMORIA A VERSICULO: "Ni Jesus kinasiona manen ngarud ida, a cuncunana: Siac ti silaw ti lubong; ti sumurot caniac, saanto a magna iti sipnget; no di ket addanto kencuana ti silaw ti biag" (Juan 8:12).

"Bayat a ti bulan ken dagiti bituen ti sistema ti solartayo nga agsilnag babaen ti mayanninaw a lawag ti init, ket, agingga a ti isursuroda ket pudno, dagiti naindaclan ti panagpanpanunotna iti lubong iyanninawda dagiti sinamar ti Init ti Kinalinteg. Tunggal rimat ti kapanunotan, tunggal gilap ti sirib, ket nagtaud iti Silaw ti lubong."—*Education*, p. 14.

Maisingasing a Basbasaen: *Testimonies for the Church*, vol. 1, pp. 405–409.

1.PANANGLAGLAGIP ITI PANAGPARSUA 05/04(Domingo

a. Ania ti imparsua ti Dios iti umuna nga aldaw ti panagparsua? Genesis 1:3–5.

"Iti nangparsua a sao idi punganay, nagsilnag ti lawag manipud iti sipnget."—*The Desire of Ages*, p. 464.

b. Sino ti adda idi pannakaparsua ti lubong—saan a cas maysa laeng a managpaliw, no di ket cas aktibo a nakipaset? Genesis 1:1, 2; Juan 1:1, 2; Colosas 1:16.

"Idi punganay, ti Dios naipanayag cadagiti amin nga ar-aramid ti panamarsua. Ni Cristo ti nangiwaras cadagiti langlangit, ken nangisaad cadagiti pundasion ti daga. . . . Isuna ti nangpunno iti daga iti kinapintas, ken ti angin iti canta. Ket iti amin a banbanag ditoy daga, ken angin, ken tangatang, InsuratNa ti mensahe ti ayat ti Ama."—*The Desire of Ages*, p. 20.

"Ti ima a mamagtalinaed cadagiti lubong iti lawang, ti ima a mangtentengngel iti naurnos a pannakaurnosda ken di mabannog nga aktibidadda iti amin a banag iti intero nga universo ti Dios, isu ti ima a nailansa iti cruz para cadatayo."—*Education*, p. 132.

a. Kasano a naibagnus dagiti annac ti Israel iti disierto? Exodo 13:21, 22. Ilawlawag ti caadda ti manglangeb a monmon ti ulep ken iti monmon nga apuy? Exodo 13:21 (umuna a paset); 1 Corinto 10:1-4.

“Iti pannakaiparangarang ti Dios iti iliNa, ti lawag ket nagbalin a simbolo ti kaaddaNa. Iti nangparsua a sao idi punganay, nagsilnag ti lawag manipud iti sipngget. Lawag ti nanglangeb iti monmon nga ulep iti aldaw ken iti monmon nga apuy iti rabii, a nangidadaulo cadagiti nakaad-adu a buyot ti Israel.”—*The Desire of Ages*, p. 464.

b. Ania ti naisurat maipapan iti presencia ni Cristo iti Israel idiaiy disierto—ken ania a salacnib ti inkari ti Dios cadagiti tattaoNa? Salmo 105:39; Isaias 4:5, 6.

“Iti maysa cadagiti kapintasan ken makaliwliwa a paset ti padto ni Isaias, maipapan iti monmon nga ulep ken apuy a mangibagi iti panangaywan ti Dios iti iliNa iti dackel a maudi a pannakidangadang cadagiti pannacabalina ti kinadakes.”—*Patriarchs and Prophets*, p. 283.

k. Kasano nga impanayag ni Cristo ti Bagina idiaiy Sinai—ken kasano a nagtignay da Moises ken cadagiti tattao? Exodo 19:16-18; 20:18, 19; Hebreo 12:21.

“‘Ti dayag ni Jehova ket casla mangtalipopos nga apuy iti tuktok ti bantay’ iti imatang dagiti naguummong nga adu a tattao. . . . Nakaam-amac unay dagiti pagilasinan ti presencia ni Jehova isu a namagkintayeg iti buyot ti Israel gapu iti buteng, ket nagrucbabda iti sango ni Jehova.”—*Patriarchs and Prophets*, p. 304.

“Nakadaydayag unay ti pannakaipanyag ti presencia [ni Cristo] isu a saan a maandoran ti mortal a tao. Ni Moises, a pinaraburan unay ti Dios, ket impuccawna, ‘Makigtotac unay ken agtaytayegtegac;’ (Hebreo 12:21). Ngem pinabileg ti Dios isuna a mangibtur iti daytoy naindaclan a dayag, ken tapno maiyeg manipud iti bantay ti maysa a naiyanninaw iti rupana tapno saan a kumiita a sititibker dagiti tattao iti dayta.”—*Sons and Daughters of God*, p. 225.

a. Kasano nga ipanayag ni Cristo ti presenciaNa iti uneg ti tabernaculo? Exodo 40:34, 35.

“Buyogen ti magagaran nga interes dagiti adu a tattao ti Israel a nagdudupudop iti aglawlaw tapno kumita ti sagrado nga estruktura. Bayat nga ut-utobenda ti eksena buyogen ti nadayaw a pannakapnec, ti monmon nga ulep ket nagtalinaed iti rabaw ti santuario ken, bumaba, a nangbalcot iti dayta. ‘Ket ti dayag ti Apo pinunnona ti tabernaculo.’ Adda pannakaipanayag ti Nadosan a Kinadayag, ket iti sumagmamano a tiempo saan a makastrec ni Moises. Buyogen ti nauneg nga emosion nakita dagiti tattao ti pagilasinan a naawat ti trabaho dagiti imada. Awan dagiti napigsa a demostrasion ti panagrag-o. Maysa a solemne a siddaaw ti adda iti amin. Ngem ti ragsac ti pusoda ti nangpatubbog iti lulua ti rag-o, ket indayengdengda ti napasnec a sasao ti panagyaman a ti Dios ket nagpabosoy nga agtaeng cadacuada.”—*Patriarchs and Prophets*, pp. 349, 350.

“Iti ngato ti tugaw ti asi adda ti Shekina, ti pannakaiparangarang ti nadosan a Presencia; ket manipud iti nagbaetan dagiti querubin, impakaammo ti Dios ti pagayatanNa. Dagiti nadosan a mensahe ket maipakaammo no dadduma iti nangato a padi babaen ti timec manipud iti ulep. No dadduma adda lawag a matnag iti angel iti kannawan, tapno ipasimudaagna ti pannakaanamong wenno panangawat, wenno ti anniniwan wenno ulep ti adda iti kannigid tapno maipanayag ti saan a pannakaanamong wenno pannakarejectar.”—*Ibid*.

b. Ania ti napasamac idi agangay, idi naidedicar ti templo? 2 Cronicas 7:1.

“Naaramid ti maysa a nakangayngayed unay a santuario, sigun iti modelo a naipakita ken Moises iti bantay, ken kalpasanna impresentar ni Jehova ken ni David. Ti naindagaan a santuario ket naaramid a cas iti nailangitan. Malacsid cadagiti querubin iti ngatoen ti lacasa, nangaramid pay ni Solomon iti dua pay nga angel a dadackel, a nakatacder iti tunggal maysa nga ungto ti lacasa, a mangibagi cadagiti nailangitan nga angel a kanayon a mangbanbantay iti linteg ti Dios. Imposible a mailadawan ti kinapintas ken kinadayag daytoy a tabernaculo. Sadiay, cas iti tabernaculo, ti sagrado a lacasa nga awiten iti nasolemne, naraem nga urnos, ken maisaad iti lugarna iti baba dagiti payac ti dua a nangayed a querubin a nagtacder iti suelo.

“Ti sagrado a koro pinagkaykaysada ti timecda, a buyogan iti amin a kita ti instrumento ti musica, a mangdayidayaw iti Dios. Ket bayat nga agtutunos dagiti timec, kabulon dagiti instrumento ti musica, nagallangogan iti templo, ken nailuyos iti tangatang iti intero a Jerusalem, ti ulep ti dayag ti Dios ti nangtagicua iti balay, cas iti dati a nangpunno iti tabernaculo. ‘Ket napasamac, idi rimmuar dagiti papadi iti nasantoan adisso, ti ulep pinunnona ti balay ni Jehova, tapno saan a madaeran dagiti papadi tapno agservi gapu iti ulep, ta ti dayag ti Apo pinunnona ti balay ni Jehova’ (1 Ar-ari 8:11).”—*Spiritual Gifts*, vol. 4a, pp. 113, 114.

a. Ania a mensahe ni Cristo iti Juan 8:12 ti mangisangbay cadatayo iti naindaclan a namnama?

“Saana a dagiti eskolar ti teollohia ti addaan iti pannakaawat iti daytoy a kinapudno, ken nakiraman iti pannakaiwaragawagna. No dagito ket namatalec coma a parabantay, a sipipinget ken sicacararag a mangsukimat cadagiti nasantoan a Sursurat, ammoda coma ti panawen ti rabii; dagiti padto coma ti nangilucat cadacuada cadagiti pasamac nga asidegen a mapasamac. Ngem dida sinakup daytoy a saad, ket ti mensahe, inted dagiti napakumbaba a tattao. . . . Dagidiay a tumallicod nga umadayo iti lawag nga inted ti Dios, wenna mangbaybay-a a mangsapul iti dayta nupay adda magaw-atda, mabatindanto iti sipnget.”—*The Great Controversy* p. 312.

“Inaramid ti Apo ti tunggal sagana tapno maaddaantayo iti nabacnang, nawadwad, naragsac a kapadasan. Insurat ni Juan ti maipapan ken Cristo, a cuncunana, ‘Adda idi kencuana ti biag, ket ti biag isu idi ti silaw dagiti tao.’ Juan 1:4. Ti biag ket nainaig iti silaw, ket no awan ti lawagtayo manipud iti Init ti Kinalinteg, awanantayo iti biag Kencuana. Ngem daytoy a silaw ket naited para iti tunggal cararua, ket bayat laeng nga umatrastayo manipud iti lawag nga umay cadatayo ti sipnget. [Juan 8:12 Naadaw.] Ti lubong iti aglawlawtayo awananto ti biag no awan ti lawag. No ti init ikkatenna ti raniagna, amin a mulmula, amin a biag ti animal, ket agpatingga. Iladawan daytoy ti kinapudno a saantayo a maaddaan iti naespirituan a biag malacsid no isaadtayo ti bagitayo iti babaen ti raya ti Init ti Kinalinteg. No ikabiltayo ti agsabsabong a mula iti nasipnget a siled, iti mabiit aglaylay ken matay dayta; casta met ngarud a maaddaantayo iti sumagmamano a naespirituan a biag, ngem mapucawtayo dayta babaen ti panagtaengtayo iti lawang ti panagduadua ken kinalidem.”—*Sons and Daughters of God*, p. 281.

b. Ania a talged ti sumangbay cadatayo bayat ti panagsublitayo ken Cristo? 2 Corinto 3:18.

“Cas ti maysa a sabong a sumango iti init tapno dagiti naraniag a rayana ket makatulung iti panangperpecto iti kinapintas ken biskedna, casta met cadagiti pasurot ni Cristo nga agsubli iti Init ti Kinalinteg, tapno agsilnag ti silaw ti langit cadacuada, a mangperpecto iti kababalinda, ken mangted cadacuada iti nauneg ken agtaeng a kapadasan cadagiti banbanag ti Dios. Iti labes ti pannacabalintayo a manginaw cadagiti bendision a maiyeg iti magaw-attayo babaen ken Cristo, no mapagkaykaysatayo ti nataoan a panagreggettayo iti nadosan a paratur.”—*Ibid.*, p. 26.

“Siasinoman ti addaan iti napamaysa a panggep a mangsapsapul a mangaramid iti pagayatan ti Dios, a sipapasnec a mangipangag iti lawag a naiteden, ket umawatto iti nain-indaclan a lawag; Iti dayta a cararua sumagmamano a bituen ti nailangitan a kinaraniag ti maibaon a mangibagnus kencuana iti amin a kinapudno.”—*The Great Controversy* p. 312.

a. Kasano a maitag-aytayo babaen iti panangdacamata ni Pablo iti Silaw ti lubong? 2 Corinto 4:6.

“Dagiti coma nagloriaan a konsepto ti Dios ti mangtagicua iti panunotyo. Bay-anyo ti biagyo a maisinggalut cadagiti nailemmeng a silpo iti biag ni Jesus. Isuna a nangibilin iti silaw nga agsilnag iti sipnget ket situtuloc nga agsilnag iti pusoyo, tapno maitedna ti lawag ti pannakaammo iti dayag ti Dios iti sango ni Jesu-Cristo. Alaento ti Espiritu Santo dagiti banbanag ti Dios ken ipakitana ida cadacayo, ipaawatna ida cas maysa a sibibiag a pannacabalin iti natulnog a puso. Iturongnacayo ni Cristo iti ruangan ti Awan Patinggana. Mabalin nga imutectecan ti dayag iti labes ti belo, ken ipanayagyo cadagiti tattao ti kinaan-anayNa nga agnanayon nga agbiag a mangibabaet para cadatayo.”—*Christ’s Object Lessons*, p. 149.

“Ti pannakaiparangarang ti bucodNa a dayag iti porma ti sangataoan isangbayna ti langit iti asideg unay dagiti tattao tapno ti kinapintas a mangarcos iti makin-uneg a templo ket makitanto iti tunggal cararua a pagnanaedan ti Mangisalacan. Maallukoyto dagiti tattao iti dayag ti makipagnaed a Cristo. Ket cadagiti ayus ti pammadayaw ken panagyaman manipud cadagiti adu a cararua a naipangabac iti Dios, ti dayag ket agayus nga agsubli iti naindaclan a Nangited.

“Tumacderca, agraniagca; ta ti lawagmo umay, ket ti dayag ni Jehova lumgac kenca.” Isaiah 60:1. Dadagidiay rummuar a sumabat iti novio ket naited daytoy a mensahe. Umay ni Cristo a buyogen iti pannacabalin ken naindaclan a dayag. Umay Isuna nga addaan iti bucodNa a dayag ken cadua ti dayag ti Ama. Umay Isuna a cuyogen dagiti amin a nasantoan nga angel. Cabayatatan a mailumlom amin a lubong iti sipnget, addanto lawag iti tunggal pagtaengan dagiti sasanto. Magammatandanto ti umuna a lawag ti maikadua a panagparangNa. Ti awan tulawna a lawag agraniagto manipud iti kinadayagNa, ket ni Cristo a Mannubbot daydayawento dagiti amin a nagservi Kencuana. Idinto nga agtalaw dagiti nadangkes manipud iti presenciaNa, agrag-o met dagiti pasurot ni Cristo.”—*Ibid.*, pp. 420, 421.

PERSONAL A PANGREPASO A SALSALUDSOD**05/09 (Viernes)**

1. Kasano nga isuro ti Biblia ti Kinadiao iti trabaho ti panagparsua?
2. Iladawan no kasano nga impanayag ni Jesus ti Bagina iti iliNa idia letang.
3. Kasano a ti lawag ni Cristo agsilnag iti tabernaculo ken templo?
4. Iladawan no kasano nga impanayag ni Jesus ti Bagina iti pannakaidedicar ti templo.
5. Kasano nga ipalgac ni Cristo ti Bagina cadatayo ken babaen

Ti Silaw Saan nga Inawat - wenno Inyanninaw

IMEMORIA A VERSICULO: Ni Jehova isu ti silaw ken salacanco; asino ti cabutengconto?" (Salmo 27:1).

"Ni Cristo ti 'silaw, a manglawag iti amin a tao nga umay ditoy lubong.' Juan 1:9. Cas babaen ken Cristo tunggal tao addaan biag, casta met a babaen Kencuana tunggal cararua umawat iti sumagmamano a raya ti nadosan a lawag."—*Education*, p. 29.

Maisingasing a Basbasaen: *Testimonies for the Church*, vol. 7, pp. 18–28.

1. TI SILAW NAIPADTO

05/11(Domingo)

a. Kasano a dinakamat ti Epiritu Santo ni Jesus babaen ken Isaias? Isaias 49:6.

b. Kasano a nabigbig ni Simeon ni Jesus idi naiyeg iti templo para iti pannakaidedicar—ken ania ti gubuyenna daytoy nga utobentayo? Lucas 2:32.

"Ti nataengan a Simeon, iti templo a pangisursuroan itan ken Cristo, ket nagsao maipapan Kencuana cas 'Maysa a silaw a manglawag cadagiti Gentil, ken dayaw dagiti tattaoom nga Israel;' Lucas 2:32. Cadagitoy a sasao iyaplikarna Kencuana ti padto a familiar iti amin nga Israel. Ni Propeta Isaias, impacdaar ti Espiritu Santo, 'Wen, isu cunana, Bassit unay a banag ti panagbalinmo nga adipenco a mamangon cadagiti caputotan ni Jacob, ken mangisubli iti naigaga ti Israel: Itedcanto met a silaw cadagiti Gentil, tapno macapagbalinca a pangisalacanco agingga iti ungtto ti daga.' Isaias 49:6, R.V. Daytoy a padto ket sapasap a naawatan a cas naisao maipapan iti Mesias, ket idi kinuna ni Jesus, 'Siac ti silaw ti lubong,' saan a mabalin a mapaay dagiti tattao a mangbigbig iti panagcunaNa nga isu ti Maysa a Naikari."—*The Desire of Ages*, p. 465.

"O, anian a leksion daytoy nacascasdaaw nga estoria ti Betlehem! Kasano a tubngarennan ti saantayo a panamati, ti kinatangsit ken kinaan-anay iti bagitayo. Kasano a ballaagannatayo nga agannad, di la ketdi ta babaen iti kriminal a saantayo a panangigingina, mapaaytayo met a mangilasin cadagiti tanda ti panawen, ket ngarud saantayo nga ammo ti aldaw ti pannakabisitatayo."—*The Great Controversy* p. 315

a. Kasano ti reaksion dagiti panguloen dagiti Judio iti mision ni Cristo? Juan 1:11; 8:13.

Ti intero a biag ken sursuro ni Cristo ket agtultuloy a leksion ti kinapakumbaba, kinamanangngaasi, kinaimbag ken panangilibac iti bagi. Daytoy ket agtultuloy a babalaw iti kinalinteg iti bagi, naturay nga espiritu nga imparangarang dagiti Judio. Indauloan ida ni Satanas agingga a casla addaanda iti panagbuteng nga uray iti pannakadacamat laeng cadagiti nacascasdaaw nga aramid ni Cristo, a mangiyadayo iti imatang dagiti tattao cadacuada. Inaramid dagiti bagbagida a mamati nga Isu ket impostor, ket aniaman a wagas a mabalinda a patauden tapno madispatsa Isuna ket maysa a kinaimbag cadacuada."—*Spiritual Gifts*, vol. 4a, p. 117.

b. Ania dagiti nalawag a panangilawlawag nga impaay ni Jesus cadagiti di mamati a Fariseo—ngem kasano a simmungbatda? Juan 8:14–18.

"Ignorante [dagiti Fariseo] iti nadosan a kababalin ken mision [ni Christ] agsipud ta saanda a sinukimat dagiti padto maipapan iti Mesias, cas iti pribilehioda ken pagrebbenganda nga aramiden. Awananda ti koneksion iti Dios ken Langit, gapuna a saanda naawatan ti aramid ti Mangisalacan iti lubong, ket, nupay naawatda ti makakombinsir unay nga evidencia a ni Jesus ti mangisalacan, kaskasdi a nagkedkedda a manglucut iti panunotda tapno maawatanda. Idi damo inkabilda ti pusoda a maibusor Kencuana, ket nagkedkedda a mamati iti kapigsaan a pammanecnec iti kinadiosNa, ket, cas resultana, ad-adda a dimmackel ti pusoda agingga a determinadoda a saan a mamati wenno awaten Isuna."—*The Spirit of Prophecy*, vol. 2, pp. 354, 355.

k. Ania ti nalawag a panagduma ti imbaga ni Jesus nga adda iti nagbaetan ti Bagina ken dagiti di mamati a Fariseo? Juan 8:19–23.

d. Anianto ti nakaam-amac a pagbanagan dagiti agtuturay a Judio iti panangrejectarda ken Cristo? Juan 8:24; Mateo 23:38.

3. DUA A KLASÉ DAGITI DUMDUMNGEG 05/13 (Martes)

a. Calpasan a naballaaganda a mabalinda ti matay cadagiti basbasolda, ania ti dinamag dagiti Fariseo ken ni Jesus—ken apay? Juan 8:25 (umuna a paset).

“Casla saanda nga ikankano dagiti sasaoNa, sinaludsodda, ‘Siasinoca?’ Nagduyosda a piliten Isuna a mangideklara iti Bagina a Cristo. Ti langaNa ken ti trabahoNa ket naiduma unay cadagiti namnamaen dagiti tattao, a, cas ti pasien dagiti nasikap a cabusorNa, maysa a direkta a pannakaipakaammo iti Bagina cas Mesias a nanggubbuay Kencuana a mailacsid cas maysa nga impostor.”—*The Desire of Ages*, p. 465.

b. Kasano a sinungbatan ida ti Mangisalacan— mangipanayag iti naisangsangayan a koneksionNa iti Ama? Juan 8:25 (maudi a paset), 26–29.

“Saan a pulos a simmina ni Cristo manipud iti kinapudno cadagiti prinsipio ti linteg ti Dios. Pulos a saan a nagaramid ti aniaman a maikontra iti pagayatan ni Amana. Iti sangoanan dagiti angel, tattao, ken sairo mabalinNa ti agsao cadagiti sasao a manipud iti aniaman a sabali a bibig ket agtabbaaw coma: ‘ta Siac agnanayon nga aramidec dagiti macaay-ayo kencuana.’ Juan 8:29. Inaldaw-aldaw iti tallo a tawen a sursuroten dagiti cabusorNa, a padpadasenda ti agsapul iti sumagmamano a mantsa iti kababalinNa. Ni Satanas, cadagiti amin a cacaduana iti kinadakes, inkagumaanda a parmeken Isuna; ngem awan ti nasarakanda Kencuana a pakagundayanda. Uray dagiti diablo napilitanda a nangipudno: ‘Sica ti Santo ti Dios.’ (Lucas 4:34).”—*Testimonies for the Church*, vol. 8, p. 208.

k. Iladawan ti inaldaw a pannakipagna ni Cristo iti Amana—ken kasanotayo nga iyanninaw dayta a kapadasan. Juan 15:10; Efesus 2:4–6.

“Cas iti biag ni Jesus iti nataoan a galad, casta met ti ipaawat ti Dios a pagbalinan dagiti pasurotNa. Iti pigsaNa masapul a pagbiagantayo ti biag a nadalus ken natan-oc a nagbiagan ti Mangisalacan.”—*Ibid.*, p. 289.

“Ti biag ti Mangisalacan ditoy daga, nupay nagbiag iti baet ti suppiat, maysa a biag ti talna. Bayat a kanayon a sursuroten dagiti makapungtot a cabusor, kinunana, ‘Ti nangibaon caniac adda caniac, saannac a binaybay-an a maymaysa, ta siac agnanayon nga aramidec dagiti macaay-ayo kencuana.’ Juan 8:29. Awan ti bagyo ti nataoan wenno sinasatanas a pungtot ti makasinga iti kinatalna dayta a perfecto a pannakilangen iti Dios.”—*Thoughts From the Mount of Blessing*, pp. 15, 16.

a. Bayat ti panangisao ni Cristo cadagiti makapatay a kinapudno cadagiti Fariseo, kasano nga inapektaran dagiti sasaoNa dagiti sinsero a dumdumngeg—ken apay a makaparegta daytoy cadatayo ita? Juan 8:30.

“Naawatan ni Cristo no kasano ti agtignay iti kalmado, nainsiriban a wagas, ken mangpaawan iti maay cadagiti planoda a mangiyeg Kencuana iti pannakacondenar. Dagiti sasao ti Apo ket casla natadem a pana a mangmarka, ket nasugatan ti puso dagiti mangac-acusar Kencuana. Tunggal agsao ni Cristo cadagiti tattao, dackel man wenno bassit dagiti agdengdengngeg Kencuana, dagiti sasaoNa addaan iti mangisalacan nga epekto iti cararua iti sumagmamano cadacuada. Awan ti mensahe a matnag manipud cadagiti bibig ni Cristo iti mapucaw. Tunggal sao nga isaoNa ket nangisaad iti baro a pagrebbengan cadacuada a nakangngeg iti dayta. Dagiti ministro a mangmangted iti maudi a mensahe ti asi iti lubong, a mangiparang iti kinapudno a sipapacnec, nga agpanpannuray iti Dios para iti pigsang, pulos a di agbuteng a mapaay dagiti peksada. Awan ti makaibaga a ti pana ti kinapudno ket saan a nagdardaras iti marka, ket naduyoc dagiti cararua dagidiay dumdumngeg. Nupay awan ti mata ti tao a makakita iti panagtayab ti pana ti kinapudno, nupay awan ti lapayag ti tao a nakangngeg iti ikkis ti nasugatan a cararua, ngerm ti kinapudno siuulimec a nangaramid iti dalanna iti puso. Nakisao ti Dios iti cararua, ket iti aldaw ti maudi a panagsungbat ti ministro ti Dios ket agtacderto a kaduana dagiti tropeo ti mangsubbot a parabur tapno mangted iti dayaw ken Cristo, Isu a maikari iti dayaw. Ti Dios, a makakita a sililimed, sipapanayag a gunggonaanNa dagidiay nangipacdaar iti kinapudno iti naganNa.”—*The Signs of the Times, February 6, 1896.*

b. Malacsid cadagiti ministro, siasino pay ti naparaburan babaen iti panangyanninawna iti lawag manipud langit? Salmo 27:1; 147:15; Isaia 55:10, 11.

“Dagiti tattao a saan a naayaban iti ministerio ket maparegta coma nga agrabaho para iti Apo sigun iti nagduduma nga abilidadda. Ginasut a lallaki ken babbae ita ti sadot a makaaramid iti makaay-ayo a servicio. Babaen ti panangawitda iti kinapudno cadagiti pagtaengan dagiti gagayyem ken kaarrubada, makaaramidda iti dackel a trabaho para iti Apo. Ti Dios saan a mangidumduma cadagiti persona. Usarennanto dagiti napakumbaba, debosionado a Cristiano, uray no saanda a nakaawat iti casta a naan-anay nga edukasion a cas iti dadduma. Bay-am a dagiti cacasta a makipaset iti servicio para Kencuana babaen ti panangaramidda iti agbalay-balay a trabaho. Iti panagtugawda iti sibay ti temtem, mabalinda —no napakumbaba, nainsiriban, ken nadosan —ad-adu ti maaramidda a mangpennec cadagiti pudno a kasapulan dagiti pamilia ngem iti mabalin a maysa nga ordinado a ministro.”—*Testimonies for the Church, vol. 7, p. 21*

a. Ania ti imbaga ni Jesus cadagiti Judio a nangawat Kencuana? Juan 8:31, 32. Iti kasupadina, kasano a napaay dagiti di manamati a mangkita iti kakaisuna a kondisyon a mamagbalin cadatayo a nawaya manipud iti basol? Juan 8:33–36.

“Adda [dagiti Fariseo] iti kadaksan a kita ti pannakaadipen —nga inturayan ti espiritu ti kinadakes. . . .

“Tunggal cararua nga agkedked a mangted iti bagina iti Dios ket adda iti sidong ti panangtengngel ti sabali a pannacabalin. Isu ket saanna a bukod. Mabalin a saoen na ti maipapan iti wayawaya, ngem isu ket adda iti nakaay-ay-ay unay a pannakaadipen. Saan a mapalubosan isuna a mangkita iti kinapintas ti kinapudno, ta ti panunotna ket adda iti sidong ti panangtengngel ni Satanas. Bayat a pasabloganna ti bagina a sursurotenna ti dicta ti bukodna a pangusig, agtulnog isuna iti pagayatan ti Prinsipe ti Sipngget. Immay ni Cristo tapno burakenna dagiti kawat ti mangadipen a basol iti cararua.

“Iti trabaho ti pannakasubbot awan ti pannakapilit. Awan ti makinruar a puersa a mausar. Iti babaen ti impluensia ti Espiritu ti Dios, nawaya ti tao a mangpili no siasino ti pagservianna. Iti panagbalbaliw a mapasamac no ti cararua ket sumuko ken Cristo, adda ti cangatoan a kapanunotan ti wayawaya. Ti pannakapapanaw ti basol ket aramid ti cararua a mismo. Pudno, awanantayo iti pannacabalin a mangwayawaya iti bagitayo manipud iti pangkontrol ni Satanas; ngem no tarigagayantayo ti mawayawayaan manipud iti basol, ken iti dackel a panagkasapulan agpuckawtayo para iti maysa a pannacabalin manipud ken iti ngato ti bagitayo, dagiti pannacabalin ti cararua ket naagsepan iti nadiosan nga enerhia ti Espiritu Santo, ket agtulnogda cadagiti dikta ti pagayatan iti panangtungpal iti pagayatan ti Dios.

“Ti laeng kondisyon a posible ti pannakawayawaya ti tao ket ti pannakikaysa ken Cristo. ‘Ti kinapudno ti mangwayawaya cadacayo,’ ket ni Cristo ti kinapudno. Ti basol makapagdir-i laeng babaen ti panangpakapoy iti panunot, ken panangdadael iti wayawaya ti cararua. Ti panagpaituray iti Dios ket pannakaisubli iti bagi —iti pudno a dayag ken dignidad ti tao. Ti nadiosan a linteg, a nakaiyegantayo iti pagpaiturayan, ket ‘ti linteg ti wayawaya.’ Santiago 2:12.”—The Desire of Ages, p. 466

1. Ilawlawag ti kaipapanan dagiti balikas ni Simeon maipapan ken Jesus.
2. Iladawan ti panangtrato dagiti escriba ken dagiti Fariseo ken ni Cristo.
3. Ania ti mapasamacto iti nacienda gapu iti panangilacsidda ken Jesus?
4. Kasano a sumungbat dagiti sinsero a cararua ken ni Cristo—agpadpada idi ken ita?
5. Ilawlawag ti konsepto ti “wayawaya” iti lawag ti kinapudno ti Evangelio.

Jesus ken Abraham

IMEMORIA A VERSICULO: “Ni Abraham nga amayo nagragsac iti panang-kitana iti aldawco, ket nakitana ket nagragsac-o” (Juan 8:56).

“[Ni Abraham] indatonna ti kapasnecan a cararag a sacbay ti ipapatayna maming-minganna coma ti Mesias. Ket nakitana ni Cristo.”—*The Desire of Ages*, p. 468.

Maisingasing a Basbasaen: *Christ's Object Lessons*, pp. 269–271, 330–332. *Early Writings*, pp. 149–153.

1.DAGITI LALLAKI NGA ANNAC NI ABRAHAM 05/18(Domingo)

a. Ania a pangtonton ti agtultuloy nga ulit-uliten dagiti Fariseo? Juan 8:33, 39 (umuna a pa-set). Ngem ania ti mangpanec nec iti casta a pannakicadua? Juan 8:39 (maudi a paset), 56; Roma 9:6–8.

“Indeclara dagiti Fariseo ti bagbagida nga annac ida ni Abraham. Imbaga ni Jesus ca-dacuada a daytoy a panagcuna ket mabalin laeng a maipasdec babaen ti panangaramid cadagiti aramid ni Abraham. Dagiti pudno nga annac ni Abraham agbiag, cas iti panagbia-gna, a natulnog iti Dios. Saanda a padasen a patayen ti Maysa nga agsasao iti kinapudno a naited Kencuana manipud iti Dios. Iti panagplanoda a maibusor ken Cristo, saan nga ar-aramiden dagiti rabbi dagiti aramid ni Abraham. Awan ti pateg ti panagbalin a caputotan ni Abraham. No awan ti naespirituan a koneksion kencuana, a maipanayag coma iti panag-tagicua iti isu met laeng nga espiritu, ken panangaramid cadagiti isu met laeng nga aramid, saanna nga annac ida.

“Daytoy a prinsipio ket addaan iti agpapada a dagsen iti maysa a saludsod a naba-yagen a nangririboc iti Nacristianoan a lubong —ti saludsod ti apostolico a panagsasaruno. Ti panagtaud ken ni Abraham ket mapanecnecan, saan a babaen ti nagan ken kapuonan, no di ket babaen ti pannakaipada iti ugali. Isu a ti apostolico a panagsasaruno ket saan nga agsaad iti pannakayallatiw ti eclesiastical a turay, no di ket iti naespirituan a relasion. Maysa a biag a pinatibker ti espiritu dagiti apostol, ti panamati ken sursuro ti kinapudno nga insuroda, daytoy ti pudno a pammanec nec iti apostolico a panagsasaruno. Daytoy ti mangbukel cadagiti tattao a sumuno cadagiti immuna a mannursuro ti evangelio.”—*The Desire of Ages*, pp. 466, 467.

a. Nupay dagiti Judio ket natural a caputotan ni Abraham, dagiti annacda a lallaki ti kina-pudnona ania ti pagbalinda idi inlacsidda ni Cristo? Juan 8:41–44.

“Inlibac ni Jesus a dagiti Judio ket annac ni Abraham. KinunaNa, ‘Dacayo aramidenyo dagiti ar-aramid ni amayo.’ Iti pananguyaw insungbatda, ‘Dacami saancam a nayanac iti pannakicamalala; adda maymaysa nga amami, nga isu ti Dios.’ (Juan 8:41). Dagitoy a sasao, cas panangipasimudaag iti kasasaad ti pannakayanacNa, nairanta a duyoc a maibusor ken Cristo iti imatang dagidiay mangrugin a mamati Kencuana. Saan nga impangag ni Jesus iti nalaad a saoda, ngem kinunaNa, ‘No ti Dios coma ti amayo ayatendac coma, ta immayac ken naggapuac iti Dios,’ (Juan 8:42).

“Dagiti aramidida agsaci iti relasionda kencuana nga ulbod ken mamapatay. ‘Cucu-anacayo ti diablo nga amayo, cuna ni Jesus, ket cayatyo nga aramiden dagiti calicagum ni amayo. Isu nacapapatay nanipud idi damo, ket saan a nagtalinaed iti pudno, ta awan ti pudno kencuana.. . . Ngem siac agsipud ta saoc ti pudno, didac patien.’ Juan 8:44, 45, R.V. Ti kinapudno a ni Jesus nagsao iti kinapudno, ken dayta sigurado, isu ti gapuna a saan nga inawat dagiti panguloen dagiti Judio isuna. Ti kinapudno ti nangsair cadagitoy a tattao a nalinteg iti bagida. Ti kinapudno ti nangibutactac iti kinaulbod ti biddut; condinarena ti panursuro ken ar-aramidda, ket saanda a maawat dayta. Kaykayatda nga ikidem dagiti matada iti kinapudno ngem ti mangipakumbaba iti bagida a mangiconfesar a nagbiddutda. Saanda nga inayat ti kinapudno. Saanda a tinarigagayan dayta, no man pay kinapudno dayta.”—*The Desire of Ages*, p. 467.

b. Ania ti mamagbalin cadatayo nga annac ni Abraham—ken kasano nga impakita dagiti lider dagiti Judio a saanda a pudno nga annac ni Abraham? Galacia 3:6–9; Juan 8:40.

“Ta saanyo nga inawat ti pakinakem ti pannacaadipen manen tapno agbutengcayo; ngem inawatyo ti pakinakem ti pannacaibilang nga annac, gapuna umawagtayo: Abba, Ama’ (Roma 8:15). Ti espiritu ti pannacaadipen ket mapataud babaen ti panangikagumaan nga agbiag a maitunos iti legal a relihion, babaen ti panangikagumaan a mangtungpal cadagiti tontonen ti linteg iti bukodtayo a pigsa. Adda namnama para cadatayo laeng no umaytayo iti sidong ti Abrahamico a tulag, nga isu ti tulag ti parabur babaen ti pammati ken ni Cristo Jesus. Ti evangelio a naicasaba ken Abraham, a nangted kencuana iti namnamana, isu met la nga evangelio a naicasaba cadatayo ita, a babaen iti dayta adda namnamatayo. Kimmita ni Abraham ken ni Jesus, nga Isu met ti namunganay ken mangleppas iti pammati-tayo.”—*The Youth’s Instructor*, September 22, 1892.

a. Ania a saludsod ti saan a masungbatan dagiti cabusor ni Jesus maipapan iti di narugit a kababalinNa? Juan 8:46 (umuna a paset).

“Iti biagNa ditoy daga, nasucog ni Cristo ti naan-anay a kababalin, impaayNa iti naan-anay a panagtulnog cadagiti bilin ni AmaNa. Iti yaayNa iti lubong iti nataoan a porma, iti panagbalinNa nga iturayan ti linteg, iti panangipalgacNa cadagiti tattao nga awitenNa iti sakitda, ti ladingitda, ti basolda, saan a nagbalin a managbasol. Iti sango dagiti Fariseo mabalinNa nga ibaga, ‘Asino cadacayo ti mangbabalaw caniac iti basol?’ Awan uray maysa a mantsa ti basol ti nasaracan Kencuana. Nagtacder iti sangoanan ti lubong nga awan mantsana a Cordero ti Dios.”—*Sons and Daughters of God*, p. 25.

“Nagbiagan ni Jesus ti linteg iti imatang ti langit, iti imatang dagiti saan a natnag a lu-bong, ken iti imatang dagiti managbasol a tattao. Iti sangoanan dagiti angel, tattao, ken de-monio, nagsao Isuna, saan a nakarit, sasao a manipud iti aniaman a sabali a bibig ket tab-baaw coma: ‘ta siac agnanayon nga aramidec dagiti macaay-ayo Kencuana.’ (Juan 8:29).”—*The Desire of Ages*, pp. 467, 468.

b. Malacsid iti dayta nga insao ni Jesus cas Anac ti Tao, ania ti ideclara ti Nasantoan a Surat maipapan iti kababalin ni Cristo? Hebreo 4:15; 1 Pedro 1:18, 19.

“Ti pammati dagiti tattao ken Cristo cas Mesias ket saan nga agsanggir cadagiti evi-densia ti panagkita, ken mamatida Kencuana gapu cadagiti personal a pangay-ayoNa, no di ket gapu iti kinasayaat ti ugali a masaracan Kencuana, a saan a pulos a nasaracan iti saba-li.”—*The SDA Bible Commentary*, vol. 7, p. 904.

k. Kasano a masagidnatayo ti biag ni Jesus? Filipos 2:6–8.

“Saan kadi a ti Modelotayo nagna iti narigat, mangilibac ken mangisacrificio iti bagi, napakumbaba a dana maigapu cadatayo tapno maisalacantayo? Naipasango Isuna cadagiti rigat, nakapadas cadagiti pannakaupay, ken nagsagaba iti pannakaumsi ken pannaka-parigat iti trabahoNa a mangisalacan cadatayo. Ket pagkedkedtayo kadi ti mangsurot no sadino ti pangidauloan ti Ari ti dayag? Agreklamotayo kadi iti rigat ken suot iti trabaho a panangparmec iti bucodtayo a basol, no malagiptayo dagiti panagsagaba ti Mannub-bottayo?”—*Testimonies for the Church*, vol. 3, p. 371.

a. Ania ti panggep ti amin a pudno a pasurot ni Cristo? 1 Pedro 1:13–16.

“Ti trabahotayo isu ti mangikagumaan a gun-oden iti sakup ti panagtignaytayo ti kin-aperpecto a nagun-od ni Cristo iti biagNa ditoy daga iti tunggal paset ti kababalin.”—*That I May Know Him*, p. 130.

b. Kasano a maragpattayo daytoy a gakat? Hebreo 12:1–4; Galacia 5:6 (maudi a paset); Filipos 3:12–15; 4:13.

“Kasano a madanontayo ti kinaperpecto nga inkeddeng ti Apo ken Mangisalacantayo a ni Jesu-Cristo —ti naindaclan a Mannursuro? Mabalintayo kadi a matungpal ti kalikag-umanNa ken maragpattayo ti nangato unay a pagibasaran? Mabalintayo, di la ketdi ta saan coma nga ibilin ni Cristo nga aramidentayo dayta. Isu ti kinalintegtayo. Iti kinataoNa, napan Isuna iti sangoanantayo ken nangsucog para cadatayo ti perpecto a kababalin. Masapul nga addaantayo iti pammati Kencuana nga agtrabaho babaen ti ayat ken mangdalus iti ca-rarua. Ti kinaperpecto ti kababalin ket naibatay iti no siasino ni Cristo cadatayo. No ad-daantayo iti kanayon a panagpannurray iti merito ti Mangisalacantayo, ken magnatayo cadagiti tugotNa, agbalintayo a cas Kencuana, a nadalus ken awanan tulaw.”—*Ibid.*

k. Kasano nga agbalintayo a pudno a nadalus ken awanan basol iti sango ti Dios? Roma 5:18–20; Hebreo 10:14.

“Awan ti pakawanan ni Cristo no di laeng dagiti agbabawi, ket siasinoman a pa-cawananNa aramidenNa pay isuna nga agbabawi a silaladingit.”—*Selected Messages*, bk. 1, pp. 393, 394.

“Masapul a kankanayon a kumita ti managbasol iti Calvario; ket buyogen ti simple a pammati iti bassit nga ubing, masapul nga agsadag cadagiti merito ni Cristo, awaten ti kinalintegNa ken mamati iti asiNa. . . .

“Anian nga ayat daytoy - anian a nacascasdaaw, saan a matucod nga ayat a mangitu-rong ken Cristo a matay para cadatayo kabayatan a managbasoltayo pay! Anian a panna-kapucaw ti cararua a makaawat cadagiti napigsa a gutoguten ti linteg, ken napaay a makaawat iti parabur ni Cristo nga aglaplapanan!”—*Ibid.*, p. 384.

a. Kasano nga aramidentayo a sigurado ti pannakaayab ken pannakapilitayo? 2 Pedro 1:4–11; Apocalipsis 19:8.

“Gutoguten ti Dios ita no ania ti ginutogutNa ken ni Adan, naan-anay a panagtulnog, kinalinteg nga awanan tulaw, nga awanan iti pagkurangan iti imatangNa. TulonganNatayo ti Dios a mangipaay Kencuana iti amin a gutoguten ti lintegNa. Saantayo a maaramid daytoy no awan dayta pammati a mangyeg iti kinalinteg ni Cristo iti inaldaw nga aramid.”—Selected Messages, bk. 2, p. 381.

“Agingga nga agturay ni Satanas, addaantayo iti bagi a pasucoen, adda dagiti man-graraut a basol a parmeken; agingga nga adda biag, awanto ti pagsardengan a lugar, awan ti punto a mabalintayo a madanon ket kunaen, naan-anay a nagun-odcon. Ti pannakasanti-ficarar ket resulta ti tungpal biag a panagtulnog.”—The Acts of the Apostles, pp. 560, 561.

“Masapul a maamiristayo a babaen iti panamati Kencuana pribilehioy ti agbalin a makiraman iti nadiosan a galad, tapno malisian ti panagrupsa nga adda ditoy lubong gapu iti derrep. Ket, madalusantayo manipud iti amin a basol, amin a depekto ti kababalin. Saantayo a kasapulan a pagtalinaeden ti maysa a naimbasolan a pagduyosan. . . .

“Bayat a makiramantayo iti nadiosan a galad, ti natawid ken napatanor a panagduyos iti biddut ket maputed manipud iti kababalin, ket maaramidtayo a sibibiag a pannacabalin para iti imbag. Kanayon nga agsursurotayo ti nadiosan a Manursuro, inaldaw a makiraman iti galadNa, makitinnulong iti Dios a mangparmec cadagiti sulisog ni Satanas. Agrabaho ti Dios, ken agrabaho ti tao, tapno ti tao makikaysa ken Cristo a cas ken Cristo a nakikaysa iti Dios. . . .

“Ti Dios ti mangted cadatayo iti pannacabalin a mangparmec. Dagidiay makanggeg iti timecNa ken agtulnog cadagiti bilinNa ket mapagbael a mangsucog iti nalinteg a kababa-lin.”—The SDA Bible Commentary, vol. 7, p. 943.

PERSONAL A PANGREPASO A SALSALUDSOD**05/23 (Viernes)**

1. Apay a saan a magun-od dagiti Fariseo ti biag nga agnanayon a naibatay iti linia ti nag-taudanda—wenno aniaman ita a panagtalec iti kapuonan wenno DNA cas maysa a pagi-lasinan para iti pannakaisalacan?

2. Ilawlawag ti pudno a kababalin ti pudno nga annac ni Abraham.

3. Mainaig iti kababalinNa, ania ti nabalinan ni Jesus nga ipacdaar?

4. Ania a gakat ti naisaad iti sango ti tunggal Cristiano?

5. Kasano a masaracantayo a perfecto ken awanan tulaw iti sango ti Dios?

Jesus ken ti Bulsec a Lalaki

IMEMORIA A VERSICULO: “Ket kinuna ni Jesus: Siac immayac ditoy lubong a maipaay iti panacaocom: tapno dagiti saan a macakita, macakitada, ket dagiti macakita, agbalinda a bulsec (Juan 9:39).

“Ti pakasaritaan ni Job ti nangipakita a ti panagsagaba nga impaay ni Satanas ken winaswas ti Dios para cadagiti panggep ti asi.”—*The Desire of Ages*, p. 471.

Maisingasing a Basbasaen: *Testimonies for the Church*, vol. 3, pp. 570–575.

1.NAGBIDDUT A PANNAKAAWAT

05/25(Domingo)

a. Ania a saludsod ti dinamag dagiti adalan ken ni Jesus idi nakitada ti lalaki a naiyanac a bulsec? Juan 9:1, 2.

b. Ania a biddut a kapanunotan mainaig iti panagsagaba nga iggem dagiti Judio ken dagiti adalan, ken kasano a magunggonaan ni Satanas iti dayta? Juan 9:34 (umuna a paset).

“Sapasap a pasien dagiti Judio a madusa ti basol iti daytoy a biag. Tunggal panag-sagaba ket naibilang a dusa ti sumagmamano a dakes nga aramid, mabalin a ti agsagsagaba a mismo wenno dagiti dadackelna. Pudno nga amin a panagsagaba ket resulta ti pa-naglabsing iti linteg ti Dios, ngem naballicog daytoy a kinapudno. Ni Satanas, ti na-munganay ti basol ken amin a resultana, ti nangiturong cadagiti tattao a mangkita iti sakit ken ipapatay cas naggapu iti Dios —cas dusa a situturay a maipaay gapu iti basol. Gapuna a ti maysa a nakaawat iti sumagmamano a panagsagaba wenno didigra ti naaddaan iti nayon a dadagsen a maibilang a naindaclan a managbasol.

“Casta a naisagana di dalan para cadagiti Judio a mangilacsid ken ni Jesus. Isuna ‘nangawit cadagiti leddaangtayo, ken cadagiti ladingittayo’ ket kinita dagiti Judio cas ‘pinarigat, sinaplit iti Dios, ken nagsagaba,’ ket inlemmengda dagiti rupada manipud Kencuana.”—*The Desire of Ages*, p. 471.

a. **Ania a sungbat ni Jesus ti mangted lawag maipapan iti panagsagaba ken basol? Juan 9:3–5.**

“Ti pammati dagiti Judio maipapan iti relasion ti basol ken panagsagaba ket patien da-giti adalan ni Cristo. Bayat ti panangator ni Jesus ti biddutda, saanNa nga inlawlawag ti makagapu iti panagsagaba ti lalaki, no di ket imbagaNa cadacuada no anianto ti resultana. Gapu iti dayta dagiti aramid ti Dios maiparangaranga kencuana. ‘Bayat ti caaddac ditoy lubong,’ kinunana, ‘Siac ti lawag ti lubong.’ ”—*The Desire of Ages*, p. 471.

b. **Ania ti inaramid ni Jesus iti apagbiit a panawen, ken kasano a nakitinnulong Kencuana ti bulsec a tao? Juan 9:6, 7.**

“Kalpasan a napulotan dagiti mata ti bulsec a lalaki, imbaonNa nga agbuggo iti tanke ti Siloe, ket naisubli ti panagkita ti lalaki. Ket sinungbatan ni Jesus ti saludsod dagiti adalan iti praktikal a wagas, cas ti gagangay a panagsungbatNa cadagiti saludsod a maidamag Kencuana manipud iti panagusioso. Saan a naayaban dagiti adalan tapno pagsasaritaanda ti saludsod no siasino ti nagbasol wenno saan a nagbasol, no di ket tapno maawatanda ti pannacabalin ken asi ti Dios iti panangtedda iti panagkita cadagiti bulsec. Nabatad nga awan ti makaagas a birtud iti damili, wenno iti tanke a pagbugoan ti bulsec a tao, no di ket ti birtud ket adda ken Cristo.”—*Ibid.*

k. **Iladawan dagiti nadumaduma a reaksion dagiti kaarrubana ti napaimbag a tao—ken isalaysay ti saritaan a simmaruno kencuana ken cadagiti kaarrubana. Juan 9:8–12.**

“Kinuna dagiti kaarruba ti agtutubo a lalaki, ken dagidiay makaam-ammo kencuana idi iti kinabulsecna, ‘Saan aya a daytoy daydi agtugtugaw ken makilimlimos?’ Kimmitada kencuana a buyogen ti duadua; ta idi naluctan dagiti matana, ti langana nagbaliw ken rim-maniag, ket agparang a casla sabali a lalaki. Manipud iti maysa agingga iti sabali ti saludsod a naipasa. Dadduma ti nagguna, ‘isu daytoy,’ dadduma, ‘isu umasping kencuana.’ Ngem isun a nga immawat iti dackel a bendicion ti nangrisut iti saludsod babaen ti panangibaga-na, ‘Siac.’ ”—*Ibid.*, pp. 471, 472.

a. Siasino ti nangipanan dagiti panguloen dagiti Judio iti lalaki a nayanac a bulsec —ken apay? Iti ania nga aldaw ti pannakaagasna? Juan 9:13, 14.

b. Iladawan ti reaksion dagiti Fariseo? Juan 9:15, 16.

“Ninamnama dagiti Fariseo a pagbalinen ni Jesus a managbasol, ket ngarud saan a Mesias. Saanda nga ammo nga Isuna ti nangaramid iti Sabbath ken ammonNa ti amin nga obligasionna, a nangagas iti bulsec a tao. Nagparangda a naregtada iti panangsalimetmet iti Sabbath, ngem planplanoenda ti pumatay iti dayta met la nga aldaw.”—*The Desire of Ages*, p. 472.

k. Siasino ti inayaban dagiti Fariseo a mangpanecnec maipapan iti lalaki a naagasan? Juan 9:18, 19.

“Inayaban dagiti Fariseo ti dadackelna ket dinamagda cadacuada, Isu daytoy ti ana-cyo, daydi cunayo a nayanac a bulsec?”

“Adda sadiay ti lalaki a mismo, a nangibaga nga isu ket bulsec idi, ket ita makakitan; ngem kaykayat dagiti Fariseo nga ilibacda ti ebidensia ti bucodda a sentido ngem ti man-gamin a nagbiddutda. Nabileg unay ti madi a panagipatoda, naballicog unay ti kinalinteg ti Fariseo.”—*Ibid*.

d. Kasano a naballaagantayo maibusor iti adayo ti madanonna a kinadakes ti addaan iti nasacbay a pagarup a kapanunotan? Proverbio 18:13.

“Adu dagiti nangikabil iti bucodda nga aramid iti mangngegda, a mamagbalin iti ka-panunotan nga agparang nga interamente a naiduma iti daydiay inkagumaan ti agsasao nga iyebcas. Ti dadduma dumngeg babaen iti wagas dagiti bucodda a panagipapan wenno patpatien, a maawatanda ti banag a cas iti tinarigagayanda —cas kasayaatan a maibagay iti panggepda.”—*Testimonies for the Church*, vol. 5, p. 695.

a. Kasano nga inkagumaan dagiti Fariseo a butbutngen dagiti nagannac ti lalaki a nayanac a bulsec —ken kasano a simmungbatda? Juan 9:20, 21. Apay a nangipaayda iti mangliclic a sungbat? Juan 9:22, 23.

“Adda maysa a nabati a namnama dagiti Fariseo, ti mangbutbuteng cadagiti nagannac ti lalaki. Buyogen ti nabatad a kinapasnec a dinamagda, ‘Kasano ngarud a makakita ita?’ Nagbuteng dagiti nagannac a mangikompromiso iti bagbagida; ta naideklara a siasinoman ti mangbigbig ken ni Jesus a cas Cristo ket ‘maparuar iti sinagoga;’ kayatna a saoen, mai-lacsid iti sinagoga iti tallopulo nga aldaw. Bayat daytoy a tiempo awan ti ubing a makugit wenno matay a pagladingitan iti pagtaengan ti nakabasol. Ti sentensia ket naibilang a dackel a didigra; Ket no mapaay dayta a mangpataud iti panagbabawi, adayo a nadagdags-en a dusa ti sumaruno. Ti naindaclan nga aramid a naaramid para iti anacda ket nangiyeg iti kombiksion cadagiti nagannac, ket ti insungbatda, ‘Ammomi a daytoy ti anacmi ken nayanac a bulsec; ngem dicam ammo no casano ti pannacakitana ita: ken no asino ti nanglucac cadagiti matana, dicam ammo: isu ti pagintuudanyo; nataenganen: isu agsaanto iti mai-papan kencuana.’ Iti casta inyalisda ti amin a responsabilidad manipud iti bagida iti anac-da; ta saanda a maitured nga ipudno ni Cristo.”—The Desire of Ages, pp. 472, 473.

b. No mapilitan babaen ti pammutbuteng, ania ti masapul a laglagipentayo? Salmo 118:6.

“Agtacder a natibker, ken pulos a di nagaramid iti biddut ngem ti maawagan a takrot. Awan ti palubosan nga uyaw, awan ti pangta, awan ti mangumsi a sasao, a mangtignay ken-ca a manglabsing iti consensiam iti kabassitan a banag.”—Fundamentals of Christian Education, p. 93.

“Ti pudno a Nacristianoan a kababalin ket mamarkaan coma babaen iti kinatibker ti panggep, maysa a di maparmec a determinasion, saan a masucog wenno maparucma ti daga wenno impierno. Isuna a saan a bulsec iti pangawis ti nailubongan a dayaw, a di masecna cadagiti pangta, ken di matignay babaen cadagiti panangay-ayo, ket agbalinto, amin a di ninamnama iti bagina, a naparmec babaen cadagiti wagas ni Satanas.”—Testimonies for the Church, vol. 4, pp. 543, 544.

“Awatentayto ti karungsotan nga ibubusor manipud cadagiti Adventista a bumusbusor iti linteg ti Dios. Ngem, cas cadagiti agibangbangon cadagiti pader ti Jerusalem, saantayo coma a maiibaw-ing ken malapdan manipud iti trabahotayo babaen cadagiti padamag, ba-baen cadagiti mensahero nga agtarigagay iti panaglilinnawag wenno kontrobersia, wenno babaen cadagiti makapabuteng a pangta, ti pannakaipablaac dagiti kinaulbod, wenno aniaman cadagiti wagas a mabalin a pangsugsog ni Satanas.”—Ibid., vol. 3, p. 574.

a. Iladawan ti eksena a sangoen dagiti tattao a mangsalungasing iti bilin ti Dios—ken no kas-ano ti panangsungbattayo iti dayta. Apocalipsis 12:17; Aramid 4:18–20.

“Bayat a ti susic agsacnap cadagiti baro a tay-ac ken ti panunot dagiti tattao ket naay-aban iti naibaddec a linteg ti Dios, makibor ni Satanas. Ti pannacabalin a mangtaming iti mensahe ket mangpabagtit laeng cadagidiay bumusbusor iti dayta. Mangipacat dagiti pa-padi cadagiti karkarna a peksa a manggiddep iti silaw di la ket ta agsilnag iti arbanda. Babaen ti amin a wagas a maaramidda ikagumaandanto a lapdan ti pannakalawlawag dagitoy na-pateg a saludsod. Agdawat ti simbaan iti napigsa a takiag ti sibil a pannacabalin, ket, iti daytoy a trabaho, agkaykaysa dagiti papista ken Protestante. Bayat a ti tignay para iti pan-nakaenforsar iti Domingo nga agbalin a naturtured ken napinget, ti linteg maipacabusor cadagiti mangsalimetmet iti bilin. Mapangtaandanto cadagiti multa ken pannakaibalud, ken ti dadduma ti maidiayaan iti saad ti impluensia, ken dadduma pay a gunggona ken pagim-bagan, cas panangguyugoy tapno ilacsidda ti pammatida. Ngem ti natibker a sungbatda ket: ‘Ipakitayo manipud iti Sao ti Dios ti biddutmi’—ti isu met laeng a pakaasi nga inaramid ni Luther iti babaen ti umasping a kasasaad. Dagidiay maidarum iti sangoanan dagiti korte mangaramidda iti napigsa pangpasingked iti kinapudno, ket sumagmamano a makangngeg cadacuada maiturongda a mangala iti takderda tapno matungpal amin a bilin ti Dios. Gapuna a ti lawag ket maiyegto iti sangoanan dagiti rinibu a saan coma a nakaammo cadagitoy a kinapudno.”—*The Great Controversy p. 607.*

b. Iti panangsango iti suppiat, ania ti masapul a kanayontayo a pagtalinaeden iti panunot? Juan 9:39; Aramid 4:33; Mateo 10:28.

“Saan a mapengdan wenno mabutbuteng dagiti apostol cadagiti pangta.”—*The Acts of the Apostles, p. 48.*

1. Kasano a hinusgaan dagiti panguloen dagiti Judio ti masakit ken agsagsagaba?
2. Sino ken ania a talaga ti nangagas iti bulsec a lalaki?
3. Apay a nariro dagiti kaarruba ti bulsec a lalaki?
4. Ania a kasasaad ti sangoen ti agtutubo a lalaki calpasan ti pannakapaimbagna?
5. Kasano a maliclicac iti pannakatnag iti silo a mangtinnag cadagiti dadackelna?

Umuna a Pangsabado a Daton

Sabado, Hunio 7, 2025



para iti Dua a Capilia idiaiy Tamil Nadu, India

Ipamatmat dagiti ebidensia ti arkeolohica nga idi pay laeng 2600 b.c. Ti urbanisado a sibilisasyon ti Indus nagnaedda iti continente ti India. Ti kangrunaan a narelihionan nga impluensia ditoy ket nabayagen a Hinduismo (79.8%), a sinaruno ti Islam (14.2%), Cristianidad (2.3%), Sikhismo (1.7%), ken dadduma pay. Bayat nga adda dagiti report mai-papan iti sumagmamano a pannakilangen iti SDA Reform Movement manipud idi 1920's ken 1950's, idi 1987 a ti North India ket immuna a nairepresenta nga opisial iti SDARM General Conference delegation session.

Ti kaabagatanan nga estado idiaiy India—ti Tamil Nadu—ket maibilang a kapigsaan iti industria ken agrikultura. Ti trabaho ti Apo ket naipasdec ditoy iti adu a tawen, ngem agserservi iti nalawa a populasion a nasurok a 72 a milion iti daytoy nga estado, kasapul-an ti nalawlaw a panangidanon.

Segun iti sensus ti India idi 2001, ti purok ti Pattiveeranpatti ket addaan iti popu-lasion a 7,744. Ti promedio a kaadu ti panagbasa ken panagsuratna ket 83%, nangatngato ngem ti nailian a promedio a 59.5% (paborable para iti literatura).

Ti kangrunaan a pagtaudan ti pagbiag ditoy ket ti kape, a sarunoen ti saba, kahel, cardamom, sili, ken dadduma pay a rekado. Ti Pallapatti ket maysa a nalawa a puroc nga addaan iti populasion a 13,701.

Manipud idi 1998, ti di mabannog a trabaho ti maysa nga evangelista manipud Peri-yaklam ket nakatulong a nangpaadu iti bilang dagiti miembro ti simbaan nangruna cadagitoy dua a lugar. Nadumaduma a karit ti namagbalin a narigat unay ti agbiag cadagiti maabangan a balbalay, isu nga iti daytoy a tukad, dagiti cacabsat cadagiti puroc ti Pat-tiveeranpatti ken Pallapatti agkasapulanda iti bukodda a lugar a pagdaydayawan.

Ti espiritu ti padto ket espesipico a nangdakamat iti India cas maysa a lugar a sadiay “minilmilion ti pulos a saan unay a nakanggeg iti maipapan ti Dios wenno ti ayatNa a naipanayag ken Cristo. Karbenganda nga awaten daytoy a pannakaammo. Adda agpapa-da a pangtonton cadacami iti asi ti Mangisalacan.”—Education, p. 263.

Gapuna a siraraemkami nga agkiddaw cadagiti cacabsatmi iti sangalubongan nga idatonyo ti naparabur a suportayo tapno mabangon dagiti parola para iti Apo nga ag-silnag ditoy. “Gapu iti trabaho a panangitandudo cadagiti bilin ti Dios ken panang-tarimaan iti gutbaw a naaramid iti Linteg ti Dios, masapul nga iramantayo ti asi para iti ag-sagsagaba iti sangataoan. Masapul nga ipakitatayo ti katan-ocan nga ayat iti Dios; Masapul nga itag-aytayo ti pakalaglagipanNa.”—Welfare Ministry, p. 32. Thank you, and may the Lord bless the gifts and givers!

Dagiti cacabsatyo manipud Pattiveeranpatti and Pallapatti

Panangsango iti Naespirituan a Kinabulsec

IMEMORIA A VERSICULO: Gapuna, cunac cadacayo: Amin a kita ti basol ken tabbaaw, mapacawanto cadagiti tao; ngem ti tabbaaw a maibusor iti Espiritu, saanto a mapacawan. Ket uray siasino nga agsao iti maibusor iti Anac ti tao, mapacawanto kencuana; ngem uray siasino nga agsaonto ti maibusor iti Espiritu Santo, saan a mapacawanto kencuana, uray itoy a biag, uray iti biag a mapasungad.” (Mateo 12:31, 32).

“Saan a ti Dios ti mangbulsec cadagiti mata dagiti tattao wenno mangpatangken iti pusoda. Ipatulodna cadacuada iti lawag tapno maatur dagiti biddutda, ken tapno maiturongda cadagiti natalged a dana; Gapu iti panangilacid iti daytoy a lawag a mabulsec-can dagiti mata ken napatangken ti puso.”—*The Desire of Ages*, p. 322.

Maisingasing a Basbasaen: *Testimonies for the Church*, vol. 2, pp. 489–497.

1. NAPABARO A PANAGSALSALUDSOD

06/01(Domingo)

a. Apaman a naayaban iti maikadua a gundaway ti agtutubo a lalaki a ti panagkitana insubli ni Jesus, ania ti inkagumaan dagiti Fariseo nga ipilitda kencuana nga aramidenna? Juan 9:24.

“Nakita dagiti Fariseo a mangipapaayda ti publisidad iti trabaho nga inaramid ni Jesus. Saanda a mailibac ti milagro. Ti bulsec a lalaki napno iti rag-o ken panagyaman; makitanan dagiti nacascasdaaw a banbanag ti nakaparsuaan, ket napno iti ragsac, iti kinapintas ti daga ken tangatang. Siwayawayana nga insalaysay ti kapadasanna, ket manen pinadasda a pagulimeken, a cuncunada, ‘Iccam ti pammadayaw iti Dios: ammomi a daytoy a tao managbasol.’ Kayatna a saoen, saanmo nga ibaga manen a daytoy a tao ti nangted kenca iti panagkita; Ti Dios ti nangaramid iti daytoy.”—*The Desire of Ages*, p. 473.

b. Ania ti saan a masupiat nga argumento ti indatag ti agtutubo a lalaki? Juan 9:25.

a. Ania manen ti dinamag dagiti Fariseo iti agtutubo a lalaki a naisubli ti panagkitana—ken ania ti pudno a panggepda? Juan 9:26.

“Nagsaludsod manen [dagiti Fariseo], ‘Ania ti inaramidna kenca? Kasano ti panan-glucatna cadagiti matam?’ Babaen ti adu a sasao inkagumaanda a riroen, tapno panuno-tenna ti bagina a naallilaw. Adda ni Satanas ken dagiti dakes nga angelna iti sibay dagiti Fariseo, ket pinagkaykaysada dagiti pigsada ken sicapda iti panagrasason ti tao tapno makontra ti impluensia ni Cristo. Pinagbalinda a nangudel dagiti kombiksion nga umun-uneg iti adu a panunot.”—*The Desire of Ages*, p. 473.

b. Kasano a sinungbatan ida ti agtutubo a lalaki —ken sino ti nagtacder iti sibayna tapno maparegta isuna? Juan 9:27.

“Adda met dagiti angel ti Dios iti daga tapno papigsaenda ti lalaki a naisubli ti pa-nagkitana.

“Saan a naamiris dagiti Fariseo a masapul a makilangenda iti sabali malacsid iti di nakaadal a lalaki a nayanac a bulsec; Saanda nga am-ammo isuna a kasusicda. Nagsilnag ti nadiosan a lawag iti cararua ti bulsec a lalaki. Bayat nga inkagumaan dagitoy a managin-sisingpet a pagbalinen daytoy a di mamati, tinulongan ti Dios Isuna a mangipakita, babaen ti pigsa ken kinatarus dagiti sungbatna, ket saan isuna a napalab-ogan.”—*Ibid.*, pp. 473, 474.

k. Kasano a naipasigurado cadatayo daytoy met la a tulong ita? Lucas 12:11, 12.

“Ita, kayatyo ti mapan iti sango ti Dios nga iggemyo dagiti Bibliayo, ilucatyoy iti sangoanan ti Dios, ken agpakaasi Kencuana. Kayatyo a sumiglat ti pannakaawatyo; Kayatyo a maammoan nga ammoyo dagiti pudno a prinsipio ti kinapudno, ket no mai-pasangocayo cadagiti kalaban saanyo a sangoen ida iti bukodyo a pigsa. Agtacderto ti an-gel ti Dios iti sibayyo tapno tulongannakayo a mangsungbat iti tunggal saludsod a mabalin a saludsodenda cadacayo. Ngem maigiddato met nga agtacderto ni Satanas iti sibay dagiti kalabanyo a mangsugsog cadacuada a mangisao cadagiti bambanag a narigatyoy nga ibturan tapno maprobokarcayo nga agsao a diyo mapupuotan; ti panagsasaoyo coma ket tay saan a magundawayan ni Satanas.”—*The Review and Herald*, May 3, 1887.

a. Gapu ta saanda a maallilaw ti napaimbag nga agtutubo a lalaki, kasano a tinagibassit dagi-ti Fariseo isuna—ken kasano a naiparangarang ti casta a kinaignorante iti intero a pa-kasaritaan? Juan 9:28, 29; 1 Corinto 1:18, 19, 26–28.

“Para iti iglesiaNa iti tunggal kaputotan ti Dios addaan iti naisangsangayan a kina-pudno ken naisangsangayan a trabaho. Ti kinapudno a mailemmeng cadagiti nailubongan a mamasirib ken nalalaing ket maipanayag iti casla iti ubing ken napakumbaba. Awaganna ti panangilacsid iti bagi. Addaan gubat a parmeken ken balligi a gun-oden. Iti rugrugi dagiti iruprupirda ket manmano. Babaen cadagiti natan-oc a tattao ti lubong ken babaen ti maysa nga iglesia a maitunos iti lubong, masuppiat ken maumsida.”—*Christ’s Object Lessons*, p. 78.

“Impagarup dagiti naindaclan a pangpangulo ti relihion nga iti daytoy a caputotan iyallangoganda ti pamadayaw ken agibangon cadagiti monumento dagidiay nagmula iti bukel ti kinapudno sinigsiglon ti napalabas. Saan kadi nga adu ti naglicod iti daytoy a tra-baho tapno maibaddec ti panagrusing ti isu met la a bukel ita? Maulit-ulit ti daan nga ikkis, ‘Ammomi a ti Dios nakisao ken Moises; ngem daytoy a tao dicam ammo no adino ti nag-gapuanna.’ Juan 9:29. Cas cadagiti immun-una a panawen, dagiti naisangsangayan a kina-pudno para iti daytoy a panawen ket nasaracan, saan a cadagiti turay eclesiastica, no di ket cadagiti lallaki ken babbai a saan unay a de-adal wenno nainsirib unay a mamati iti Sao ti Dios.”—*Ibid.*, p. 79.

b. Ania nga ehemplo ti masursurotayo manipud iti sinsero a testimonia ti agtutubo a lalaki, agraman cadagiti dadduma pay a napudno a mamati ken Cristo? Juan 9:30–33; Aramid 4:19, 20.

“Iti amin a kinaemma, iti espiritu ti parabur, ken iti ayat ti Dios masapul nga itudotayo dagiti tattao iti kinapudno a ti Apo a Dios ti Namarsua iti langit ken daga, ken ti maikapito nga aldaw ket Aldaw a Panaginana ti Apo.

“Iti nagan ti Apo masapul nga umabantetayo, nga iyucradtayo ti banderaNa, irupir ti saoNa. No bilinendatayo dagiti agtuturay a saantayo nga aramiden daytoy a trabaho, no pawilandatayo nga iwaragawag dagiti bilin ti Dios ken ti pammati ni Jesus, ngarud kasapu-lanen nga ibagatayo a cas iti inaramid dagiti apostol: ‘Ipatoyo man, no nalinteg iti sangoanan ti Dios a denggendacayo a nangnangrona ngem iti Dios: Ta dicam mabalin a di saoen ti nakita ken nangngegmi.’ Aramid 4:19, 20.”—*Testimonies for the Church*, vol. 6, p. 395.

a. Yantangay ta dagiti makapungtot a Fariseo dida kayat nga awaten dagiti ebidensia, ania ti inaramidda iti agtutubo a lalaki a nangpanecnec iti pannakaagasna? Juan 9:34.

“Nasungbatan ti lalaki dagiti agsalsaludsod kencuana iti bukodda a daga. Ti rasonNa saanda a masungbatan. Nasdaaw dagiti Fariseo, ket nagtalnada, napaulimecda sacbay ti natadem, determinado a sasaoNa. Iti sumagmamano a canito adda kinaulimec. Kalpasanna, inalicomcom dagiti nakarupanget a papadi ken rabbi dagiti badoda, a casla pagamkanda a marugitanda iti pannakaidennada Kencuana; winagwagda dagiti tapoc cadagiti sacada ket imbatoda ti babalaw Kencuana—‘Naigamer iti basol ti pannacabukelmo, ket isuronacami?’ ket pinaruada isuna.”—*The Desire of Ages*, p. 474.

b. Iti kasupadinana, kasano a trinatar ni Jesus ti agtutubo a lalaki? Juan 9:35–38.

“Impasag ti lalaki ti bagina iti sakaan ti Mangisalacan cas pagdayaw. Saan laeng a naisubli ti natural a panagkitana, no di ket nalukatanen dagiti mata ti pannakaawatna. Nai-palgac ni Cristo iti cararuana, ket inawatna Isuna cas imbaon ti Dios.”—*The Desire of Ages*, p. 475.

k. Ilawlawag ti dackel a nagdumaan iti panangpatalaw iti nakarit a rebelde contra iti nasukir a bulsec a mangilacsid ken Cristo a mangickat cadagiti cararua a siaayat nga agtulnog iti Dios. 1 Ar-ari 9:6–9; Mateo 12:31, 32; Salmo 11:3.

“Napaliw [ni Wycliffe,] awan ti tao a mailacsid a sipupudno malacsid no isu ti umuna a mangiyeg iti bagina iti pannangcondenar ti Dios.”—*The Great Controversy* p. 84.

“Pannakasuppiat ti gasat dagiti amin nga usaren ti Dios a mangiparang ti kinapudno a naisangsangayan a mayaplikar iti panawenda. Adda agdama a kinapudno idi kaaldawan ni Luther —maysa a kinapudno iti dayta a tiempo ti addaan naisangsangayan a kinapateg; Adda agdama a kinapudno para iti iglesia ita. . . . Dagidiay mangiparang iti kinapudno para iti daytoy a panawen ket saanda coma a namnamaen a maawatda a buyogen iti daddackel a pabor ngem cadagiti immun-una a repormador. Ti dackel a susic iti nagbaetan ti kinapudno ken biddut, iti nagbaetan da Cristo ken Satanas, isu ti panangpaadu iti kinapinget agingga iti panagserra ti pakasaritaan daytoy a lubong.”—*Ibid.*, pp. 143, 144.

5. BENDITO KONRA NAOCOM BABAEN ITI LAWAG 06/05 (Hueves)

a. Ania ti imbaga ni Jesus maipapan cadagiti resulta ti trabahoNa? Juan 9:39.

“Maysa a grupo dagiti Fariseo ti naguummong iti asideg, ket ti pannakakitada ca-dacuada ti nangiyeg iti panunot ni Jesus iti panagduma a kanayon a maipanayagg iti epekto dagiti sasao ken aramidNa. . . . Immay ni Cristo a manglucut iti mata dagiti bulsec, tapno mangted iti lawag cadacuada nga agtugtugaw iti sipnget. IndeklaraNa ti Bagina a silaw ti lubong, ket ti milagro a kapasasamac ti mangpanecnec iti misionna. Dagiti tattao a naka-kita iti Mangisalacan idi iyaayNa ket napaburan iti naan-anay a pannakaipanayag ti nadi-osan a presencia ngem ti lubong a nagragsac idi. Ti pannakaammo iti Dios ad-adda a perfecto a naipanayag. Ngem iti daytoy a mismo a paltiing, ti panangocom lumablabasen cadagiti tattao. Nasuot ti kababalinda, naikeddeng ti gasatda.”—The Desire of Ages, p. 475.

b. Kasano ti panagtignay dagiti Fariseo cadagiti sasao ni Cristo? Juan 9:40. Bayat ti panag-saoNa cadacuada, kasano nga imbascag ni Jesus ti basolda gapu iti bukodda a kin-abulsec? Juan 9:41.

“Ti pannakaipangarang ti nadiosan a pannacabalin a nangted iti bulsec a tao iti nat-ural ken naespirituan a panagkita ti nangibati cadagiti Fariseo iti naun-uneg pay a kinasip-nget. . . . No inaramid coma ti Dios nga imposible para kenca a mangkita iti kinapudno, ti kinaignorantem saan a maibilang a basol. ‘Ngem ita kunayo, makitatami’ (Juan 9:40). Ma-maticayo a makakitacayo, ken liacsidyo dagiti wagas nga isu laeng ti pakaawatanyo iti pagkita. Cadagiti amin a nakaamiris iti kasapulanda, immay ni Cristo nga addaan iti awan patinggana a tulong. Ngem imbaga dagiti Fariseo a saanda a kasapulan; Nagkedkedda nga umay ken Cristo, gapuna a nabatida a bulsec —kinabulsec nga isu a mismo ti nakabaso-landa. Kinuna ni Jesus, ‘ti basolyo mataginayon’ (versiculo 41).”—Ibid.

PERSONAL A PANGREPASO A SALSALUDSOD 06/06 (Viernes)

1. Ania ti impadas dagiti Fariseo a pangkombinsir iti dati a bulsec a lalaki?
2. Sino ti mangus-usar iti saan a mamati a Fariseo?
3. Sino ti nangtulong iti agtutubo a lalaki a mangted cadagiti nalawag ken makacombinsir a sungbat?
4. Ania ti napasamac idi situturedna nga impudno ni Cristo?
5. Ilawlawag no ania a talaga ti kadadacsan a porma ti panagbulsec, ken apay.

Jesus, ti Naimbag a Pastor

IMEMORIA A VERSICULO: "Siac ti naimbag a pastor: ti naimbag a pastor ited-na ti biagna gapu cadagiti carnerona." (Juan 10:11).

"Ni Cristo ti agpada a ruangan ken pastor. Isu simrec a bucbucodNa. Babaen iti bu-codNa a sacrificio a nagbalin Isuna a pastor dagiti carnero."—*The Desire of Ages*, p. 478.

Maisingasing a Basbasaen: *The Desire of Ages*, pp. 476–484.

1.TI AGTATACAW KEN TI PASTOR

06/08(Domingo)

a. Kasano a pinagduma ni Jesus ti mannanacaw ken ti pastor, ken ania a naespirituan a leksion ti iladladawanNa? Juan 10:1, 2.

"Inyaplicar ni Cristo dagitoy a padto [mangdakamat iti mision ti Mesias cas pastor, cas masaracan iti Isaias 40:9–11; Salmo 23:1, ken Ezequiel 34:23, 16, 25, 28] iti Bagina, Im-pakitaNa ti nagdumaan ti bucodNa a kababalin ken dagiti pangpangulo idia Israel. Ka-patpatalaw dagiti Fariseo ti maysa manipud iti arban, gapu ta saanna a kayat ti agsaksi iti pannacabalin ni Cristo. Insinada ti maysa a cararua a papaasitgen ti Pudno a Pastor iti Bagina. Iti daytoy impakitada ti bagbagida nga ignorante iti trabaho a naikumit cadacuada, ken ti saanda a pannakaikari iti naitalec cadacuada cas pastor ti arban. Insaad ita ni Jesus iti sangoananda ti pannakaidumada iti Naimbag a Pastor, ket intudoNa ti Bagina cas pudno nga agaywan iti arban ti Apo."—*The Desire of Ages*, p. 477.

"Ay-ayatennanatayo ni Cristo gapu ta awan ti gawaytayo ken agpanpannu-ray."—*Sermons and Talks*, vol. 1, p. 248.

b. Ania a relasion ti adda iti nagbaetan dagiti carnero ken ti pastorda? Juan 10:3, 4. Ania ti aramiden dagiti carnero iti sangoanan ti maysa a ganggannaet? Juan 10:5.

a. Kasano nga impanayag ni Jesus ti bukodNa a pannakaiduma cadagiti Fariseo? Juan 10:7–10.

“Ni Cristo ti ruangan a sumrecan iti arban ti Dios. Babaen iti daytoy a ruangan amin nga annacNa, manipud iti kasapaan a panawen, nasarakanda ti sumrecan. Ken ni Jesus, cas naipakita cadagiti tipo, cas inyanninaw dagiti simbolo, cas naiparangarang iti panpanayag dagiti mammadto, cas imbucsilan dagiti leksion a naited cadagiti adalanNa, ken cadagiti milagro a naaramid para cadagiti annac dagiti tattao, nakitada ‘ti Cordero ti Dios, a man-giccat ti basol ti lubong’ (Juan 1:29), ken babaen Kencuana maiyegda iti uneg ti arban ti paraburNa. Adu ti immay a mangipresenta iti sabali a bambanag para iti pammati ti lubong; naparnuay dagiti ceremonia ken sistema a pangnamnamaan dagiti tattao a pakaawatanda iti pannakapalinteg ken pannakicappia iti Dios, iti casta masarakanda ti sumrecan iti arbanNa. Ngem ti kakaisuna a ruangan Isu ni Cristo, ken amin a bumallaet iti banag a mangsucat ken Cristo, amin a mangpadas a sumrec iti arban iti sabali a dalan, mannanacaw ken mannibrongda.

“Saan a simrec dagiti Fariseo iti ridaw. Kimmalay-atda iti arban babaen iti sabali a da-lan a saan a ni Cristo, ken saanda a tungtungpalen ti trabaho ti pudno a pastor. Dagiti papadi ken agtuturay, dagiti escriba ken Fariseo, dinadaelda dagiti sibibiag a pagpaaraban, ken rinugitanda dagiti ubbog ti danum ti biag. Simamatalecda nga aramiden dagiti sasao ti in-spirasion a nangiladawan iti palso a pastor: ‘Dagiti nacapuy saanyo a pinapigsa, ket dicayo met inagasan daydiay masakit, ket saanyo met a binedbedan daydiay nabungtol, dicayo met inyawid daydiay napapanaw, . . . ngem babaen ti panangipapilit ken panangparigat nagturaycayo cadacuada.’ Ezequiel 34:4.”—*The Desire of Ages*, pp. 477, 478.

b. Kasano a naiduma ti pudno a pastor iti mangmangged? Juan 10:11–13.

“Adda panagkasapulan, saan laeng a dagiti lallaki a maka-sermon, no di ket dagidiay addaan iti eksperimental a pannakaammo iti misterio ti kinadios, ken makapennec cadagiti naganat a kasapulan dagiti tattao—dagidiay makaamiris iti kinapateg ti tacderda cas adipen ni Jesus, ken siraragsac a mangawit iti cruz nga insuroNa cadacuada nga awitenda.

“Napateg unay a ti maysa a pastor ket makilangenlangen cadagiti tattaona, iti casta maam-ammona dagiti nagduduma a paset ti nataoan a galad. Rumbeng nga adalenna ti pa-nagaannayas ti panunot, tapno maibagayna dagiti sursurona iti sirib dagiti dumdumngeg kencuana. Casta a maadalna ti engrande a kinamanangngaasi a tagicuaen laeng dagidiay mangad-adal a naimbag iti galad ken kasapulan dagiti tattao.”—*Gospel Workers* p. 191.

a. Ania ti sabali pay a kababalin ti naimbag a pastor ti imparangarang ni Jesus? Juan 10:14, 15.

“Cas iti pannakaammo ti maysa a naindagaan a pastor cadagiti carnerona, casta met nga ammo ti nadosan a Pastor ti arbanNa a naiwaras iti intero a lubong. ‘Ket dacayo dagiti carneroc, dacayo carnero ti pagpaarabac tattaoayo, ket siac ti Diosyo, cuna ni Apo Jeho-va.’ Cuna ni Jesus, ‘Siac inayabanca nga innaganan, sica ti cucuac.’ ‘Adtoy, imburicca iti daculap dagiti im-imac.’ Ezequiel 34:31; Isaias 43:1; 49:16.

“Am-ammonatayo ni Jesus a saggaysa, ken nasagid iti rikna ti kinakapuy-tayo. Am-ammonatayo amin cadagiti nagnagantayo. AmmoNa ti mismo a balay a pagnanaedantayo, ti nagan ti tunggal agnanaed. Isuna pay no dadduma ti mangted iti direksion cadagiti adipenna tapno mapan iti maysa a kalsada iti maysa a ciudad, iti casta a balay, tapno birokenna ti maysa cadagiti carneroNa.

“Tunggal cararua ket naan-anay nga am-ammo ni Jesus a casla isu laeng ti nakatayan ti Mangisalacan. Ti pannakaririboc ti tunggal maysa tignayenna ti pusoNa. Ti ikkis nga agpaaray ket makadanon iti lapayagNa. Immay tapno awisenNa amin a tattao Kencuana. IbilinNa cadacuada, ‘Surotendac,’ ket ti espirituNa agtignay iti pusoda tapno awisenNa ida nga umay Kencuana. Adu ti agkedked a maawis. Ammo ni Jesus no siasinoda. AmmoNa met no siasino ti siraragsac a dumngeg iti awagNa, ken nakasaganan nga umay iti sidong ti pas-toral a panangaywannan. Kunana, ‘Dagiti carneroc denggenda ti timecco, ket ammoc ida ket surutendac,’ (Juan 10:27). AywananNa ti tunggal maysa a casla awan ti sabali iti rupa ti daga.”—*The Desire of Ages*, pp. 479, 480.

b. Para iti ania a sabali a carnero ti pakasecnan ni Jesus? Juan 10:16.

“Napanunot ni Jesus dagiti cararua iti intero a daga nga inyawan dagiti ulbod a pastor. Dagidiay il-iliwenNa nga urnongen a cas carnero ti pagpastoranNa ket naiwaras cadagiti lobo, ket kinunana, ‘Adda met sabsabali a carneroc a saanda a naitipon itoy a pag-taracnan: dagidiay masapul nga iyegco ket denggendanto ti timecco; ket addanto may-maysa nga arban, ken maymaysa a pastor.’ (Juan 10:16, R.V.).”—*Ibid.*, p. 483.

“Adda dagiti gameng ti Dios cadagiti amin nga iglesia, ket saan a para cadatayo ti mangaramid iti nasacnap a panangibabawi iti agcuncuna a lubong ti relihion, no di ket iti kinapakumbaba ken ayat, nga adda iti amin a kinapudno a cas ken Jesus. Makita coma dagiti tattao ti kinadosan ken debosion, kitaenda coma ti kina-Cristo ti ugali, ket maallu-koydanto iti kinapudno.”—*The SDA Bible Commentary*, vol. 4, p. 1184.

a. Ania ti nadosan a pannacabalin ti impacdaar ni Jesus nga adda Kencuana? Juan 10:17, 18.

“‘Gapu iti daytoy ayatennac ni Ama, ta itedco ti biagco, tapno awatecto manen.’ (Juan 10:17). Kayatna a saoen, pagay-ayatnakayo unay ni Amac, isu nga ad-adda pay nga ay-ayatennac gapu iti panangtedCo iti biagCo a mangsubbot cadacayo. Iti panagbalinCo a suno ken talgedyo, babaen iti panangisucu iti biagCo, babaen ti panangala cadagiti obligasionyo, dagiti salungasingyo, ad-adda nga ayatennac ni Amac.

“Ta itedco ti biagco, tapno awatecto manen. Awan ti mangiccat caniac no di ket iya-watco a sisiac. Adda pannacabalinco a mangyawat ti biagco ken adda pannacabalinco met a mangawat manen,’ (Juan 10:17, 18). Bayat a cas kameng ti nataoan a pamilya isu ket mor-tal, cas Dios isu ti ubbog ti biag para iti lubong. CabaelanNa a daeran dagiti panggundaway ni patay, ket agkedked nga umay iti sidong ti panangiturayna; ngem boluntarioNa nga im-paay ti biagNa, tapno iyegNa ti biag ken imortalidad iti lawag. InawitNa ti basol ti lubong, inibturanNa ti lunodna, insucoNa ti biagNa cas sacrificio, tapno dagiti tattao saan a matay iti agnanayon. ‘Pudno nga isu inturedna dagiti lidaytayo, ken inawitna dagiti ladingitayo. . . . Ngem isu nasugsugat a gapu cadagiti labsingtayo, isu napalitem a gapu cadagiti kinadangkestayo; ti dusa ti pacaicappiaantayo naipatay kencuana; ket gapu cadagiti sap-litna maagasantayo. Datayo amin castayla carcarnero a nayaw-awan; nagtutrong ti tunggal maysa cadatayo iti dalanna met laeng; ket ni Jehova impatayna kencuana ti kinadakestayo amin.’ Isaias 53:4–6.”—*The Desire of Ages*, pp. 483, 484.

b. Ania ti mangiturong cadagiti tattao a sumurot ken Cristo? Juan 10:27; 1 Juan 4:10, 19.

“Saan a ti panagbuteng iti dusa, wenno namnama ti agnanayon a gunggona, ti mangi-turong cadagiti adalan ni Cristo a sumurot Kencuana. Naimatanganda ti awan kaaspingna nga ayat ti Mangisalacan, a naipanayag iti intero a panagdaliasatNa ditoy daga, manipud iti kulluong ti Betlehem agingga iti cruz ti Calvario, ti panangmingming Kencuana makaallu-coy, paluknengenna ken parmekenna ti cararua. Ayat a nariing iti puso dagiti makaimatang. Mangngegda ti timekNa, ket surotenda Isuna.”—*Ibid.*, p. 480.

“Ibilangtayo ti biagNa ditoy daga, ti sacrificioNa para cadatayo, ti trabahoNa idia langit cas manangibabaettayo, ken dagiti mansion nga isagsaganaNa para cadagidiay man-gay-ayat Kencuana, ken mabalintayo laeng nga ipuccaw, O ti cangato ken kinauneg ti ayat ni Cristo!”—*The Acts of the Apostles*, p. 334.

a. Ania ti pammatalged nga ited ni Jesus cadagiti carneroNa? Juan 10:28, 29.

“Nupay ita nagpangato Isuna iti imatang ti Dios, ken makibingay iti trono ti universo, awan ti napukaw ni Jesus a naasi a galadNa. Ita ti isu met la a nadungngo, mannakipagrikna a puso ti nakalucat cadagiti amin a leddaang ti sangataoan. Ita ti ima a natudoc ket naiyun-nat tapno ad-adda a bendisionanna dagiti tattaoNa nga adda iti lubong. ‘Ket didanto ma-pucaw uray caano, ket awanto ti mangrabsut cadacuada itoy imac.’ Ti cararua a nangited iti bagina ken Cristo ket napatpateg iti imatangna ngem iti intero a lubong. Ti Mangisalacan limmasat iti panagsagaba ti Calvario tapno maisalacan ti maysa iti pagarianNa. Pulos a saanNa a baybay-an ti maysa a nakatayanNa. Malacsid no pilien dagiti pasurotNa a pana-wan Isuna, petpetanNa ida.”—*The Desire of Ages*, pp. 480, 483.

b. Iti ania ti pagsadagan ti naespirituan a kinatalged ken pammatalged ti pannakaisalacan-tayo? Roma 8:31–39.

“Iti paraangan idia ngato, agpakpakaasi ni Cristo para iti iglesiaNa —agpakaasi para cadacuada a binayadanNa iti gatad ti daraNa. Dagiti siglo, tawtawen pulos a dida mabalin a pabassiten ti kinaepektibo ti mangabbong a sacrificioNa. Awanto ti makaisina cadatayo iti ayat ti Dios ken Cristo Jesus uray pay ti biag wenno patay, cangato wenno kauneg, saan a gapu ta petpetantayo a sititibker unay, no pinetpetanNatayo a nasayaat. No ti panna-kaisalacantayo ket agpannuray iti bukodtayo a peksa, saantayo a maisalacan; Ti petpettayo Kencuana mabalin a nakapsot, ngem ti ayatNa ket cas ti maysa nga inauna a cabsat; agingga a taginayonentayo ti pannakikaysatayo Kencuana, awanto ti makaikkat cadatayo iti imana.”—*The Acts of the Apostles*, pp. 552, 553.

1. Ilawlawag ti nagdumaan ti ugali ti maysa a pastor ken mannanacaw.
2. Babaen iti ania a sabali a simbolo nga ikaysa ni Jesus ti Bagina?
3. Kasano a ti pudno a pastor agtacder a sitatacneng cadagiti carneroda?
4. Apay a suroten dagiti carnero ti pastor ket saan a ti ganggannaet?
5. Ilawlawag no kasano a masiguradotayo ti pannakaisalacan.

Jesus ken Lazarus

IMEMORIA A VERSICULO: “Napateg iti imatang ni Jehova ti ipapatay dagiti sasantona” (Salmo 116:15).

“Ni Cristo ket biag, orihinal, saan a binulod, awan nagtaudanna. . . . Ti kinadios ni Cristo ti talged ti namati iti biag nga agnanayon.”—*The Desire of Ages*, p. 530.

Maisingasing a Basbasaen: *The Ministry of Healing*, pp. 219–224.

1.TI PAMILIA IDIAY BETANIA

06/15(Domingo)

a. Ania dagiti adalan nga adda ken Jesus ili ti Betania? Juan 11:5.

“Ti puso [ni Cristo] ket naisinggalot iti napigsa a galot ti panagayat iti pamilia idiy Betania, ket para iti maysa cadacuada a naisangbay ti kacasdaawan a trabahoNa.

“Iti pagtaengan ni Lazaro, ti masansan a paginanaan ni Jesus. Awanan ti Mangisalacan iti bukodNa a pagtaengan; agpannuray Isuna iti kinamanagpadagus dagiti gagayyem ken adalanNa, ken masansan, no nabannog, mawaw iti nataoan a panagcacadua, naragsac Isuna a mapan iti daytoy natalna a sangakabbalayan, nga adayo iti panagsuspetsa ken imon dagiti makapungtot a Fariseo. Ditoy a nasaracanNa ti sinsero a pannakapasangbay, napudno, nasantoan a panaggayyem. Ditoy mabalinNa ti agsao a buyogen ti kinasimple ken naan-anay a wayawaya, nga ammoNa a dagiti sasaoNa ket maawatan ken maipateg.”—*The Desire of Ages*, p. 524.

b. Iti ania a kita ti pagtaengan nga iparang ti Dios ti kasayaatan a bendicionNa? Proverbio 3:33 (maudi a paset).

“Apresiaren ti Mangisalacantayo ti naulimec a pagtaengan ken dagiti interesado a dumdumngeg. Il-iliwenNa ti nataoan a kinadungngo, kinaraem, ken panagayat. Dagidiay nga umawat iti nailangitan a bilin a kanayon a nakasagana nga ipaayNa, isuda ti nabendi-sionan unay.”—*Ibid*.

a. Ania a tignay ti inaramid dagiti cacabsat ni Lazaro a babbai idi nakaro ti sakit ti cabsat-da—ken ania ti sungbat a naawatda? Juan 11:1–4.

“Naaddaan ni Lazaro iti kellaat a sakit, ket dagiti cacaabsatna a babbai nangibaonda iti mapan iti Mangisalacan, a cuncunada, ‘Apo, ti dungdungoem, masakit.’ Nakitada ti kindawel ti sakit a nanggammat iti cabsatda ngem ammoda a kabaelanNa nga agasan ti amin a kita ti sakit. Patienda a makipagricna cadacuada iti pannakariribocda; ngarud awan ti naganat a panagkiddawda iti dagus a presenciaNa, no di ket nangipatulod laeng ti mensahe a mangibaga, ‘Apo, ti dungdungoem, masakit.’ Impagarupda a dagus a sumungbat iti men-saheda, ket umay a dagus apaman a makadanon iti Betania.

“Sidadanagda nga inuray ti maysa a sao manipud ken Jesus. No la ketdi ta adda pay ti rimat ti biag a nabiag iti cabsatda, nagcararagda ken nagbantayda nga umay ni Jesus. Ngem nagsubli ti mensahero nga awan isuna. Nupay casta awitna ti mensahe, ‘Daytoy a sakit ket saan nga ipatay,’ ket nangnamnamada nga agbiag ni Lazaro. Sidudungngo nga inkagumaanda ti agsao cadagiti sasao ti namnama ken pammaregta iti dandani awan puotnan nga agsagsagaba.”—*The Desire of Ages*, pp. 525, 526.

b. Iladawan dagiti sasao ken tignay ni Cristo iti sumaganad a sumagmamano nga aldaw. Juan 11:5–8.

“Bayat ti dua nga aldaw casla inwaksi ni Cristo ti mensahe manipud iti panunotNa; ta saan a nagsao maipapan ken Lazaro. Pinampanunot dagiti adalan ni Juan Bautista, ti umun-una ken ni Jesus. Nasdaawda idi no apay a ni Jesus, addaan iti pannacabalin a man-garamid cadagiti nacascasdaaw a milagro, pinalubosanNa ni Juan nga agtuoc iti pagbalu-dan, ken matay iti naranggas nga ipapatay. Addaan iti casta a pannacabalin, apay a saan nga insalacan ni Cristo iti biag ni Juan? Daytoy a saludsod ket masansan a damagen dagiti Fariseo, a nangipresenta iti dayta cas di masungbatan nga argumento a maibusor iti panangtonton ni Cristo nga isu ti Anac ti Dios. Binallaagan ti Mangisalacan dagiti adalanNa cadagiti pannuboc, pannakapucaw, ken pannakaidadanes. Baybay-anNa kadi ida iti pan-nuboc? Dadduma ti nagsaludsod no nagkamalida iti misionNa. Amin ket naririboc unay. . . .

“Dinamag dagiti adalan no apay, no mapan ni Jesus idia y Judea, dua nga aldawen nga agur-uray. Ngem danag para ken Cristo ken para iti bagbagida ti cangatoan itan iti pa-nunotda. Awan ti makitada no di ti peggad iti dana nga asidegen a surotenNa.”—*Ibid.*, pp. 526, 527.

3. PANNAKAUPPAPAY NAGBALIN A NAMNAMA 06/17(Martes)

a. Ania a mensahe a di agbaliw ti mabalin a maagsawtayo manipud iti no kasano a tinaming ni Cristo ti narikut a panagsasaruno dagiti paspasamac a nanglikmut iti sakit ni Lazaro? Juan 11:9, 10.

“Dagidiay mabalin a nakipagtrabaho coma ken Cristo, ngem nangidian cadagiti men-sahero ken iti mensaheda, mapukawdanto ti tacderda. Magnadanto iti sipnget, a dida ammo no ania ti pakaitibcolanda. Casta ti nakasagana a maallilaw cadagiti panangallilaw iti maudi nga aldaw. Nakumicom ti panunotda cadagiti babassit nga interes, ket mapucawda ti bendito a gundaway a makisangol ken Cristo, ken agbalin a makipagtrabaho iti Di-os.”—*Fundamentals of Christian Education*, p. 471.

b. Ania a nacascasdaaw a paltiing ti ipapaay ni Jesus cadagiti adalanNa—ngem kasano nga impatarusda dagiti sasaoNa? Juan 11:11, 12.

“SinaoNa dagitoy: ket calpasanna, cunana cadacuada: Ni Lazaro a gayyemtayo matmaturog; ngem innac tapno riingec iti turogna.’ ‘Ni Lazaro a gayyemtayo matmaturog.’ Anian a makatignay dagiti sasao! Anian a napno iti simpatia! Iti capanunotan ti peggad a dandanin mapasamac iti Apoda iti ipapan idiay Jerusalem, dandani nalipatan dagiti adalan ti agladingit a pamilia idiay Betania. Ngem saan a casta ni Cristo. Narikna dagiti adalan ti pannakatubngar. Nadismayada idi gapu ta saan a simmungbat nga insegida idi ni Cristo iti mensahe. Nasulisogda a mangipagarup nga awanan Isuna iti nadungngo nga ayat ken ni Lazaro ken cadagiti cacabsatna, wenno nagdardaras coma a kimmuyog iti mensahero. Ngem dagiti sasao, ‘Ni gayyemtayo a ni Lazaro matmaturog,’ nariniing ti umiso a rikna iti panunotda. Nakombinsirda a saan a nalipatan ni Cristo dagiti agsagsagaba a gayyemNa.”—*The Desire of Ages*, p. 527.

k. Ilawlawag no ania ti pudno a kaipapanan dagiti sasao ni Cristo. Juan 11:13, 14.

“Irepresentar ni Cristo ti ipapatay cas maysa pannaturog cadagiti mamati nga annacNa. Ti biagda ket nailemmeng ken Cristo iti Dios, ket agingga ti maudi a trumpeta aguninto cadagidiay matay a maturog Kencuana.”—*Ibid.*

4. AGUR-URAY, AGUR-URAY, AGUR-URAY. . . 06/18 (Mierkules)

a. Apay a naggian ni Jesus iti adayo idia Betania uray idi kalpasan a naammoanNa a na-tayan ni Lazaro? Juan 11:15.

“Nasdaaw dagiti adalan cadagiti sasao ni Cristo idi kinunana, ‘Ni Lazaro natay. Ket agragsacac. . . ta Siac awanac idia.’ Ti kadi Mangisalan babaen ti bukodNa a pili licli-canNa ti pagtaengan dagiti agsagsagaba a gagayyemNa? Agparang a mabaybay-an nga agwaywayas da Maria ken Marta ken ni matmatay a Lazaro. Ngem saanda nga agmay-maysa. Nakita ni Cristo ti intero nga eksena, ket kalpasan ti ipapatay ni Lazaro dagiti aglad-ladingit a cacabsatna a babbai ket tinapaya ti paraburNa. Nasaksian ni Jesus ti ladingit ti pusoda, bayat a nakiranget ti cabsatda iti napigsa a cabusorna, ni patay. NariknaNa ti tung-gal ut-ot ti panagleddaang, cas kinunaNa cadagiti adalanNa, ‘Ni Lazaro natay.’ Ngem saan laeng a dagiti ay-ayaten ni Cristo idia Betania ti panunotenNa; Adda pay ti panagsanay dagiti adalanNa nga ibilangNa. Isuda coma ti pannakabagiNa iti lubong, tapno ti bendicion ti Ama maaracupna coma ti amin. Para iti pagimbaganda impalubosNa a matay ni Lazaro. No palaingenNa isuna manipud sakit tapno sumalun-at, ti milagro nga isu ti kapositiboan nga ebidensia ti nadosan a kababalinNa, saan coma a naaramid.”—*The Desire of Ages*, p. 528.

b. Ania ti maamiristayo babaen ti wagas a pinalubosan ti Naindaclan a Mangngagas ni Lazaro, a gayyemNa, nga agsakit unay ken pudno a matay? 1 Corinto 15:17–19; Salmo 18:28.

“Saan a nagsardeng ti trabaho [ni Christ] babaen ti panangipabuyana iti pannacaba-linNa iti sakit. PinagbalinNa ti tunggal trabaho a panangagas a maysa nga okasion ti panangimula iti puso cadagiti nadosan a prinsipio ti ayatNa ken kinaparabur-Na.”—*Counsels on Health*, p. 249.

“No adda coma ni Cristo iti siled ti masakit, saan coma a natay ni Lazaro; ta awan ti pannacabalin ni Satanas kencuana. Saan coma a naipuntiria iti panana ken Lazaro iti presencia ti mangmangted iti Biag. Gapuna a nagtalinaed ni Cristo iti adayo. PinalubosanNa ti cabusor a mangipacat iti pannacabalinna, tapno mapasanudna a maysa a naparmec a cabusor. PinalubosanNa ni Lazaro a lumasat iti turay ni patay; ket dagiti agsagsagaba a cacabsat a babbai nakitada ti cabsatda a lalaki a naitanem. Ammo ni Cristo a bayat ti panangmatmatda iti natay a rupa ti cabsatda ti pammatida iti Mannubbotda ket masuot unay. Ngem ammoNa a gapu iti pannakigubal a paspasarenda ita, ti pammatida agsilnagto buyogen ti adayo a daddakel a pannacabalin. Nagsagaba iti tunggal ut-ot iti ladingit nga inibturanda. Saan a nakurang ti ayatNa cadacuada gapu ta nagbati pay; Ngem ammoNa ti para cadacuada, para ken Lazaro, para iti Bagina, ken para cadagiti adalanNa, masapul a magun-od ti maysa a balligi.”—*The Desire of Ages*, p. 528.

5. SAAN A KANAYON A CAS ITI NINAMNAMATAYO. . 06/19 (Hueves)

a. Ania ti masapul a kanayon nga usigentayo maipapan iti ipapatay dagiti namatalec nga adipen ti Dios, aniaman ti mapasamac? Salmo 116:15. Manginagan iti ehemplo.

“Saan a naipaay ken Eliseo a sumurot iti apona iti umap-apuy a caruahe. Kencuana nga impalubos ti Apo nga umay ti agtalinaed a sakit. Bayat ti napaut nga oras ti nataoan a kinakapuy ken insagabana ti pammatina a pumetpet cadagiti kari ti Dios, ket nakitana iti aglawlawna dagiti nainlangitan a mensahero ti liwliwa ken cappia. . . . Naluom ti pammati iti agnaed a panagtalec iti Diosna, ket idi inawagan ni patay isuna, nakasagana isuna nga agi-nana manipud cadagiti panagbannogna.”—*Prophets and Kings*, pp. 263, 264.

b. Ania dagiti pasamac a napasamac idia Betania sacbay ti isasangpet ni Jesus—ken siasino pay ti adda idi immay Isuna? Juan 11:17–19.

“Iti panangitantanNa iti ipapanna ken Lazaro, adda panggep ni Cristo nga asi cadagidiay saan nga umawat Kencuana. Nagtactac, ta babaen iti panangpaungarNa ken Lazaro manipud ken patay, maitedNa cadagiti nasukir, di mamati a tattao ti sabali pay nga ebidensia nga Isu ti pudno a ‘panagungar, ken biag.’ KaguraNa nga isardeng ti amin a nam-nama dagiti tattao, dagiti napanglaw, nayaw-awan a carnero ti balay ti Israel. Naburac ti pusoNa gapu iti saanda a panagbabawi. Iti asiNa pinanggepNa nga ikkan ida iti maysa pay nga ebidensia nga Isu ti Parasubli, ti Maysa a mangted iti biag ken imortalidad nga agturong iti lawag. Daytoy ket agbalinto a pammanecneca dagiti papadi a saanda a maipatarus. Day-toy ti rason ti pannakatactacNa a mapan idia Betania. Daytoy mangbalangat a milagro, ti panangbangon ken ni Lazaro, isu ti mangikeddeng iti selio ti Dios iti trabahoNa ken iti panangtontonNa iti kinadios.”—*The Desire of Ages*, p. 529.

PERSONAL A PANGREPASO A SALSALUDSOD 06/20 (Viernes)

1. Sino dagiti miembro ti familia ni Lazaro?
2. Apay a saan a dagus a nagtungpal ni Jesus iti kiddaw dagiti gagayyemNa?
3. Ania ti reaksion dagiti adalan iti tabas ni Cristo?
4. Kasano ti panangibilang dagiti namati ken Cristo iti ipapatay?
5. Para iti ania a panggep a pinalubosan ni Cristo a matay ni Lazaro?

Ti Panagungar ken ti Biag

IMEMORIA A VERSICULO: Cuna kencuana ni Jesus: Siac ti panagungar ken ti biag: ti mamati caniac, uray no matay, agbiagto pay. (Juan 11:25).

“Iti namati, ti ipapatay ket bassit la a banag. Sarsaritaen ni Cristo dayta a casla bassit laeng a canito. . . . Cadagiti Cristiano, ti ipapatay ket maysa laeng a pannaturog, maysa a canito ti kinaulimec ken kinasipnget. Ti biag ket mailemmeng ken Cristo iti Dios.”—*The Desire of Ages*, p. 787.

Maisingasing a Basbasaen: *Selected Messages*, bk. 1, pp. 296–300.

1. JESUS IDIAY BETANIA

06/22(Domingo)

a. Apaman a nangngegna nga umay ni Jesus idiy Betania, ania ti inaramid ni Marta ken ania ti inyebcasna a natibker a patienna? Juan 11:20–22.

“Cadagiti agladladingit a gagayyem ket cacabagian ti pamilia, a dadduma cadacuada ti addaan iti nangato a saad ti pagrebbengan idiy Jerusalem. Karaman dagitoy ti sum-agmamano cadagiti kakaroan a cabusor ni Cristo. Ammo ni Cristo dagiti panggepda, gapuna a saanNa a dagus nga impakaammo ti Bagina. Naited ti mensahe ken ni Marta a siuulimec unay isu a saan a nangneg dagiti dadduma iti siled. . . .

“Nagdardaras ni Marta a nagsabat ken Jesus, naririboc ti pusona gapu cadagiti ag-susupadi a ricna. Iti mangipapaawat a rupaNa nabasana ti isu met laeng a kinadungngo ken ayat a kanayon nga adda sadiay. Saan a nadadael ti panagtalecna Kencuana, ngem na-panunotna ti ay-ayatenna unay a cabsatna, a dungdungoen ni Jesus. Iti nakaro a ledlaang iti pusona gapu ta saan dimteng ni Cristo idi, nupay casta, adda namnamana nga uray ita, adda aramidenNa a mangliwliwa cadacuada, kinunana, 'Apo, no addaca coma ditoy idi, ni cabsatco saan coma a natay. Paulit-ulit iti tengnga ti arimbangaw dagiti agladladingit, inulit dagiti cacabsat a babbai dagitoy a sasao.

“Buyogen ti nataoan ken nadosan a kaasi kimmita ni Jesus iti agledledlaang, masec-nan a rupana. Awan ti panagduyos ni Marta a mangisalaysay iti napalabas; Amin ket nayebkas babaen cagiti nakakaasi a sasao, 'Apo, no addaca coma ditoy idi, ni cabsatco saan coma a natay.' ngem iti panangkitana iti dayta a rupa ni ayat innayonna, 'ammoc a ti aniaman a dawatem iti Dios, ti Dios itednanto kenca.'”—*The Desire of Ages*, pp. 529, 530.

a. Ania ti impasigurado ni Jesus ken ni Marta? Juan 11:23. Ania ti naawatanna iti daytoy? Juan 11:24.

“Pinaregta ni Jesus ti pammatina, a cuncunaNa, ‘Agungarto ni cabsatmo.’ Ti sungbat-Na ket saan a nairanta a mangparegta iti namnama a dagus a panagbalbaliw. Insangbayna dagiti kapanunotan ni Marta iti labes ti agdama a pannakaisubli ti cabsatna, ket iyurnosna ida iti panagungar dagiti nalinteg. InaramidNa daytoy tapno makitana iti panagungar ni Lazaro a maysa a kari ti panagungar dagiti amin a nalinteg a natay, ken maysa a pam-matalged a maibanagto dayta babaen ti pannacabalin ti Mangisalacan.

“Insungbat ni Marta, ‘Ammoc nga agungarto inton panagungar iti camaudianan nga aldaw.’”—*The Desire of Ages*, p. 530.

b. Babaen ti ania a sasao a binigbig ni Jesus ti panamati ni Marta? Juan 11:25; 1 Juan 5:12.

“Ikagkagumaan pay nga ipaay ti pudno a direksion iti pammatina, impacdaar ni Jesus, ‘Siac ti panagungar, ken ti biag.’ Ken ni Cristo ket biag, orihinal, saan a nabulod, awan nag-taudanna. ‘Ti agicut iti Anac, adda biagna.’ 1 Juan 5:12. Ti kinadios ni Cristo isu ti pam-matalged ti namati iti biag nga agnanayon.”—*Ibid.*

k. Ania a kari ti nakaibatayan ti namnamatayo iti labes ti tanem? Juan 5:26 (umuna a paset). Kasano a ti kombiksion ni Marta ket nainaig iti milagro ni Cristo? Juan 11:26, 27.

“Kumitkita ni Cristo ditoy iti tiempo ti maikadua nga iyaayNa. Iti casta dagiti nalinteg a natay mapagungardanto a di agrupsa, ket dagiti sibibiag a nalinteg ket agpalangitdanto a saanda a makita ti ipapatay. Ti milagro a dandanin aramiden ni Cristo, iti panangpagungar-Na ken Lazaro manipud cadagiti natay, irepresentarna ti panagungar dagiti amin a nalinteg a natay. Babaen ti saona ken dagiti aramidNa impacdaarNa ti Bagina a Namunganay ti pa-nagungar. Isuna a mismo iti mabiiit matay iti cruz nagtacder nga addaan cadagiti tulbec ni patay, maysa a nangparmac iti tanem, ket pinasingkedaNa ti kalintegan ken pannacaba-linNa a mangted iti biag nga agnanayon.”—*Ibid.*

a. Iladawan dagiti tignay ken sasao ni Maria a casta unay leddaangna. Juan 11:28–32.

b. Idi nakita ni Jesus ni Maria ken ti sumagmamano cadagiti Judio nga agsangsangit, ania ti inaramid ni Jesus—ken apay? Juan 11:33–35.

“Idi nakita ngarud ni Jesus nga isu agsangsangit, ken agsangsangit met dagiti Judio a nanguyog kencuana, nagladingit iti nakemna ket nagsennaay.’ MabasaNa ti puso ti amin a naguummong. NakitaNa a gapu iti adu, ti naglabas cas demostrasion ti ladingit ket pamma-rang laeng. AmmoNa a ti dadduma iti ummong, nga itan ket mangiparangarang iti managin-cucuna a ladingit, ti mangiplano iti ipapatay, saan laeng a ti mannacabalin nga agar-aramid iti milagro, no di ti maysa a mapagungar manipud ken patay. Mabalin coma nga uksoben ni Cristo cadacuada ti bado ti pamarang a ladingit. Ngem linapdanNa ti nalinteg a pungtotNa. Dagiti sasao nga iti amin a kinapudno mabalinNa nga isao, saanNan nga insao, gapu iti maysa nga ay-ayatenNa a nakaparintumeng iti sacaananNa nga agladladingit, ken pudno a mamati Kencuana.

“Adino ti nangicabilanyo kencuana? dinamagNa. Cunada kencuana; Apo, umayca ket kitaem.’ Nagcucuyogda a nagturonng iti tanem. Maysa a naladingit a buya. Adu ti agay-ayat ken ni Lazaro, ket nagsangit dagiti cacabsatna a babbai buyogen ti naburac a puso, idinto a dagiti gagayyemna nakipagsangsangitda cadagiti agledledaang a cacabsat. Iti buya daytoy nataoan a pagel, ken ti kinapudno a dagiti agsagsagaba a gagayyem agladingit cadagiti natay bayat a nagtacder ti Mangisalacan iti lubong—‘nagsangit ni Jesus.’ Nupay Isu ti Anac ti Dios, innalaNa Kencuana ti nataoan a galad, ket natignay iti nataoan a ladingit. Ti nadungngo, naasi a pusoNa ket kanayon a matignay a makisimpatia iti nataoan a panagsagaba. Makipagsangit cadagidiay agsangsangit, ken makipagrag-o cadagiti agrag-o.”—*The Desire of Ages*, p. 533.

k. Kasano a daytoy a canito iti biag ni Jesus agbalin a pagwadan cadatayo? Roma 12:15.

“Ti nacascasdaaw nga ehemplo ni Cristo, ti awan kaaspingna a kinadungngo nga isu ti simrecanNa a makipagricna iti sabali, makipagsangit cadacuada nga agsangit, a makipagrag-o cadacuada nga nagrag-o, masapul nga addaan iti nauneg nga impluensia iti kababalin ti amin a sumurot Kencuana iti kinapasnec. Babaen cadagiti naasi a sasao ken aramid pabalinendanto a naannayas dagiti dalan cadagiti nabannog a saka.”—*The Ministry of Healing*, pp. 157, 158.

a. Ania ti bilin nga inted ni Jesus cadagiti adda iti aglawlawNa? Juan 11:39 (umuna a paset). Kasano a nagtignay ni Marta ken ania ti imbaga ni Jesus kencuana? Juan 11:39 (maudi a paset).

“Idi dandanin aramiden ti Apo ti maysa a trabaho, nagtignay ni Satanas iti maysa a tao tapno agkedked. ‘Iccatenyo iti bato,’ kinuna ni Cristo. Agingga a mabalin, isagana ti dalan para iti trabahoc. Ngem ti positibo ken ambisioso a kinatao ni Marta pinatalgedanna. Saan-na a kayat a ti agruprupsa a bagi ket maisangbay iti buya. Ti nataoan a puso nabannayat a makaawat cadagiti sasao ni Cristo, ket ti pammati ni Marta saanna a nagammatan ti pudno a kaipapanan ti kariNa.

“Binabalaw ni Cristo ni Marta, ngem dagiti sasaoNa ket naisao a buyogen ti naan-anay a kinaalumamay. ‘Diac aya kinuna kenca, a no mamatica, makitam ti dayag ti Dios?’ Apay a rumbeng nga agduaduacayo maipapan iti pannacabalinCo? Apay nga agrason a maikontra cadagiti gutogutec? Adda kenca ti saoc. No mamatica, makitamto ti dayag ti Dios. Dagiti natural nga imposible saanda a malapdan ti trabaho ti Maysa a Mannacabalin-amin. Ti iskepticisimo ken kinaawan panamati ket saan a kinapakumbaba. Ti nalawag a panamati iti sao ni Cristo ket pudno a kinapakumbaba, pudno a panangisuco iti bagi.

“‘Iccatenyo ti bato.’ Mabalin coma a bilinen ni Cristo ti bato a maiccat, ket nagtulnog coma iti timecNa. MabalinNa coma a bilinen dagiti angel nga adda iti sibayNa a mangara-mid iti daytoy. Iti panangbilinNa, dagiti saan a makita nga ima ti nangiccat coma iti bato. Ngem masapul nga iccaten dayta dagiti ima ti tao. Casta nga ipakita ni Cristo a ti sangataoan ket makitinnulong iti nadiosan. Ti mabalin nga aramiden ti nataoan a pannacabalin saanen nga ayaban ti nadioasan a pannacabalin a mangaramid. Saan a sayangen ti Dios ti tulong ti tao. PatibkerenNa isuna, a makitinnulong kencuana bayat nga us-usarena dagiti pannacabalin ken kabaelan a naited kencuana.”—*The Desire of Ages*, p. 535.

b. Ania dagiti sasao ni Cristo ti siaannad a mangtubngar iti saantayo a panamati ita? Juan 11:40.

“Adu ti awanan iti sibibiag a pammati. Daytoy ti gapuna a dida makita ti ad-adu pay a pannacabalin ti Dios. Ti kinakapuyda ket resulta ti saanda a panamati. . . . Agplano ken agparnuayda, ngem bassit laeng ti panagcararagda, ken bassit laeng ti pudno a panag-talecda iti Dios. Ipagarupda nga addaanda iti pammati, ngem rugso laeng iti dayta a canito. Iti saanda a pannakaamiris iti bukodda a panagkasapulan, wenno ti kinatuloc ti Dios a mangted, saanda nga impinget ti mangitultuloy iti kiddawda iti sangoanan ti Apo.”—*Christ’s Object Lessons*, pp. 145, 146.

5. PINAGUNGAR NI JESUS NI LAZARO 06/26 (Hueves)

a. Ania ti cararag nga indaton ni Jesus iti sibay ti tanem? Juan 11:41, 42.

“Ti bilin natungpal. Naitulid ti bato. Amin ket maaramid a sipapanayag ken sita-tallugod. Amin ket maikkan iti gundaway a makakita nga awan ti allilaw a naaramid. Nakaidda sadiay ti bagi ni Lazaro iti nabato a tanemna, nalamiis ken naulimec iti ipapatay. Nagtalna dagiti ikkis dagiti aglادلadingit. Nasdaaw ken mangnamnama, nagtacder ti bunggoy iti aglawlaw ti tanem, nga agur-uray a mangkita no ania ti sumaruno . . .

“Adtoy ni Cristo mangibagbaga nga AmaNa ti Dios, ket buyogen ti naan-anay a pa-nagtalec impacdaarNa nga Isu ti anac ti Dios.”—*The Desire of Ages*, pp. 535, 536.

b. Cadagiti ania a sasao a pinagungar ni Jesus ni Lazaro? Juan 11:43. Ania ti napasamac nga insegida? Juan 11:44.


“Ti timec [ni Christ], nalawag ken sumarsarut, ket sumalpot iti lapayag dagiti natay. Bayat ti panagsaoNa, nagandap ti kinadios babaen ti sangataoan. Iti rupaNa, a naraniagan babaen ti dayag ti Dios, nakita dagiti tattao ti pammatalged ti pannakabalinNa. Tunggal mata nakaturong iti pagsercan ti cueba. Tunggal lapayag agur-uray a mangammat iti kabas-sitan nga uni. Buyogen ti nakaro ken nasaem nga interes naguray ti amin para iti pan-nakasuboc ti kinadios ni Cristo, ti ebidensia a mangpanecnec iti panangtontonNa nga isu ti Anac ti Dios, wenna tapno maiddep ti namnama iti agnanayon.

“Adda naggaraw iti naulimec a tanem, ket ti natay ti nagtacder iti ruangan ti tanem. . . . Ti sangataoan agtrabaho para iti sangataoan. Nawayawayaan ni Lazaro, ket agtactacder iti sangoanan ti bunggoy, saan a cas maysa nga addaan nakapoy, matumtumba a saka, no di ket cas maysa a tao iti kangitingitan ti biag, ken iti pigsa ti natan-oc a kinalalaki. Dagiti matana agrimat iti kinasaririt ken panagayat para iti Mangisalakanna. Impadsona ti bagina iti panagdayaw iti sacaanan ni Jesus.”—*Ibid.*, p. 536.

PERSONAL A PANGREPASO A SALSALUDSOD 06/27 (Viernes)

1. Iladawan ti panagtalec dagiti cacabsat ni Lazaro a babai ken ni Jesus.
2. Ania ti inkari ni Jesus cada Marta, Maria ken cadagiti amin a mamati?
3. Apay a nagsangit ni Jesus?
4. Kasano a makitinnunlong ti sangataoan iti nadosan iti daytoy a milagro?
5. Iladawan dagiti tignay ni Lazaro iti awag ni Jesus.

Umuna a Pangsabado a Daton



Sabado, Abril 5

Pannakaibangon manen ti simbaan
idiay Prokhorovka, Russia

Makipaset iti dumacdackel a trabaho iti
kadackelan a pagilian iti lubong!

(kitaen ti p. 4).



Sabbath, May 3

Dagiti Mision ti Lubong

Adu unay dagiti baro a lugar a papanan
pay, isu a suportarantayo ti pannakaileppas
daytoy nadosan nga aramid.

(kitaen ti p. 25).



Sabbath, June 7

Dua a Capilia idiay Tamil Nadu,
India

Kasapulan unay ti Abagatan nga India ti
Evangelio; Ita ti tiansatayo a tumulong a
mangaramid iti panagbalbaliw

(kitaen ti p. 46).